

1991

全越詩錄卷第二十

翰林院承旨 穎城伯 臣 黎貴 奉

旨編定

國朝

馮克寬

字弘夫，号穀春，石室馮舍人。少有學識，知本朝當復興，西八清卒，獻策拜御營記錄，遂參幕府，擢授兵科給事中。光興三年庚辰初復

會試科，乞就中黃甲，累陞工部右侍郎，即清華承政使，進左侍郎。二十年本朝始復京師，擇名臣如明奏事，遂奉命克正使至燕京，值明帝萬壽節，獻慶賀詩三十章。明神宗批曰：「賢才何地多之，朕覽所獻詩，具見馮克寬忠惻，殊可嘉獎。」又與朝鮮使李晬光相見，賦詩酬答，下笔立成。晬光深服其才，特克寬年七十餘，名重中國，还陞吏部左侍郎，梅嶺使尋加工部尚書，轉礼部。兼國子監祭酒，梅郡公。卒年八十六，贈太宰，加封福神。克寬為人強毅精明，有餘練才，文章老贍，詩詞尤為清裕，所著有使華言志訓童讀詩多識等集行于世。

1986

1974 1967

2
近體詩

自述
時年十六

世事閑看似甕鷄。安排富貴任天倪。不嫌白屋堆爲
養。惟喜青雲尚有梯。松栢豈堪降雪凍。鯨鯢那冒戀
岑蹄。南溟會見鯤鵬奮。鱗羽超然霄漢齊。

登伏跡山

偶因乘興到岩前。穩步雲衢覺坦然。鳥語喚迎松下
客。花容靜對洞中仙。足超塵世三千界。手摘星辰照
尺天。試掃石苔描些景。詩成筆已動山川。

寄友人

自君別後到于今。魚鴈書稀寄語音。驛遠折來梅又
肄。更闌想延夢相尋。江山雖隔千餘里。道義猶存一
片心。從古大才應大用。大夫豈與世浮沉。

病中書懷

鉄作心腸石作肝。稜稜勁氣自堅完。靈臺莹若三秋
水。素業香於五桂山。家有書藏春富貴。愿無塵浥日
寬閑。以文章顯吾儒事。拔筆何須效阿班。

除夕

好把新詩送首年。終宵守歲未成眠。千門城市開燈

火幾簇樓臺闌管絃冬半夜前寒尚淺春三更後信
初傳窓前已有梅花曆效學堪推邵子先

巳酉元旦

天機往復妙難言節到今朝又上元夏曆初頒新歲
月春光頓好舊乾坤好將綠蟻酬花旦學剪金鷄帖
上門最愛東風曾試面早傳春信到花根

歲除庖坐書懷

待春坐對小書齋終夜挑灯約共來鬼去何勞催爆
竹神清獨自好觀梅人心直與天心合歲事催冬去

偏嫵世事

春來風景好，百花從此向陽開。

題弘道書堂

并序

夫道之為用大矣。用之於身於家，則身修而家齊；
用之於國於天下，則國治而天下平。得之者為聖，
為賢；忽之者為愚，為不肖。風雨有晦冥，而道無變；
遷世運有隆污，而道無轉移。是道也，必待人而後
顯。余業為儒，志於道，于茲有年，于茲有年，乃於辛
亥之冬，馮鄉之北，修陳朝侍書阮公之伯居，創新
書堂，以弘道名焉。蓋取人能弘道之義也。因題詩

6
于壁

軒豁陰堂萬馬容。道門高睨日光紅。山攢文髦千形
異。水引詞源萬派同。空洞八荒歸闥內。渾純一理瑩
胸中。居仁由義吾儒事。濟世康民志氣雄。

辛亥歲大亂之後。遇除夕有感。

自從陽長便陰消。送往迎來共此霄。灯火晶瑩光不
夜。管絃喧沸樂偏饒。山中逐鬼爭燒竹。臘後祛寒且
酌椒。紫禁時纒清夢在。依然仙樂奏蕭韶。
天時人事兩相催。冬去應知春必來。半夜喜傳天外

信一聲潛伏地中雷。世情爭爆驅邪竹。我意相期占
榜梅。莫限流年蛇赴壑。歲端明日又重開。

壬子元旦壽父親

兼得文星與壽星。天將五福畀康寧。蜚聲播在遼槐
市。善政芳留植栢庭。世上蕃菟長炳炳。雪中松栢愈
清清。庭園今日何為祝。願等南山與北溟。

遣悶

百年三萬六千日。一日重來十二時。人事天時相往
復。桑田滄海幾推移。聖賢酬酢三盃酒。今古羸輸一

苟慕但得功名垂永久所生不忝是男兒
囂然兀坐讀書堂一日翻成二日長無事即仙那有
術安心是藥更何方洗除俗外片塵靜蘊畜胸中萬
甲強若遇可為機會處卷舒未必少張良
世亂英雄爛熳爭誰將可與說儒生濟時粗有賢人
志擇主猶慚智者明讀孔孟書先義利小蘇張術外
縱橫平生所學者何事所學將推所行

望雨

十日全無十日陰何時逢雨望彌深行雲未拭雷公

手待飲咸傾天下心。莘野耕夫期濟旱。傳岩築叟俟
為霖。卧龍應為蒼生起。勿久南陽抱膝吟。

癸丑元旦

癸丑如今又上旬。乾坤光景喜重新。五浮綠蟻迎佳
節。門帖金鷄送惡神。造化機緘終復始。吾儒事業屈
還伸。人生莫嘆嘆隙駒過。聊賀今朝第一春。

春晚感懷

昔年春去又今年。兩樣天成一樣天。鄉館有懷都是
客。清陰無計可藏煙。人情只重君臣藥。物價還慙母

子戕更改。雲端。世態。且將事業了前緣。
眼看世事幾浮沉。應為春光著意深。藏器待時曾有
志。安常守分豈其心。一毫榮辱都餘事。數卷圖書直
萬金。終日以思常在學。豈徒飽食閱光陰。

述懷

一寸胸懷萬頃寬。中藏義胆與忠肝。孜孜日有聖賢
樂。蕩蕩時居義理安。謀利自知為富易。窮經轉覺讀
書難。麟龍夫豈林池物。肯許凡人俗眼看。

秋夜

紛紛百感逐時生，何況秋霄不動情。
憂國心懷千萬狀，愛親夢繞二三更。
榻頭屢覺溫公枕，樓外時聞子晉笙。
自古男兒俱有志，勉將事業企前程。
一事其來一興頗，毫隨佳句逐時新。
窻前對月思良友，燈下觀書見古人。
撫卷歎開還自掩，怯寒暫屈又長伸。
何如借此天工手，斂却秋冬轉作春。

嘆亂

爭雄舉世漫滔滔，誰試吾儒志氣豪。
文戰不崇徒武戰，力勞自逞竟心勞。
鴟鳩直搗同鷺鳳，松栢低看雜

李桃待得太平時。節好些。回始信讀書高。

西行八清華。遙望青山。

祖鞭快著重行行。望外山光八眼青。白見雲牙堆綠
鬢。紅收雨腳列銀屏。澄澄北極天如畫。蕩蕩南邦地
有靈。我是國家真柱石。區區何必問岩扃。

山村夜雨。

歸鴉暮噪正黃昏。夜傍山根宿小村。洞碧岩深雲滿
坐。更闌人靜月當軒。聞鷄屢起胸懷壯。待旦無忘念
慮存。今夕聊為官驛客。清晨跬步上龍門。

西聖午過天關

袖拂清風步步寬，直從鳥道過天關。
林村人半華夷俗，驢驢門開遠近山。
著脚春生千里外，汚眸日過五雲間。
指期龍鳳諧攀附，願取功名八袖還。

黃昏聞雷笛

煙汙山紫鳥歸巢，樓外時聞玉笛敲。
短竹聲橫風暗引，落梅曲報月初交。
氣增戰士雄威奮，念促行人俗慮拋。
若使橫吹能却敵，也應上得九重褒。

瓊瑤旌宿

瓊瑤暮到夕陽斜。撫劇高吟興轉多。紫閣有懷常夢繞。紅顏無酒自春蛇。頭揚志激勞還壯。唱和詩成詠且歌。多謝寒梅知我意。小春信報早開花。

羅山早起

羅山夜宿幾更闌。早起詩成不覺寒。梅節半含增雪白。葵心獨自向陽丹。神明默相忠誠志。崑瘴難侵朕石肝。担上君親臣子事。誰云忠孝兩全難。

西都曉過

西望都城曙色開。曉風吹散舊昏霾。玉蒲水流澄金

曉石壁苔侵露綠街。草木經秋成古迹。江山隨筆八
吟懷。前胡父子今何在。惟有青雲向我偕。

築草堂于東山阮舍。賦近水書堂先得月。
地靈占得片弓餘。得月堂開傍水居。影浸玉蟾來几
檻。香清丹桂八庭除。一門團天理都澄徹。幾段風流
任卷舒。華國澤民功用大。這中吾亦愛吾庐。

偶書

才名笑我兩全疎。猶喜先人澤有餘。傳道儒承三世
業。滿籬經勝萬金儲。世逢亂極應還治。天厚吾生必

不虛自古起身鄉相者腹中全要有詩書

過藍山廟有感

煙迷草樹幾荆榛元氣于今喜復春
獸舞鳳儀渾似舊龍蟠虎踞宛猶新
對人日滿無雙景向化心猶不
貳民自古作前功德厚愈徵天祐與民親

甲寅歲占卜居安定之快樂春日書堂即事

居廣居中小不嫌窓明几淨又春添
一無俗慮九塵到兩有光風霽月兼
堯舜君民常受造伊周事業好心潛
這敏若問為吾養董子葵羹傳說藍

傷亂

干戈落落苦流離，長使英雄謾自思。
風雨晦冥經歲久，山河破碎幾星移。
卷舒在我常餘裕，倚逐饒他了不知。
洗日披雲誰是力，笑談坐使四方綏。

旅寓集句

煙火相忘萬里間

胡宿

四方騷亂一州安

張賓

塵埃滿眼

人情異

之軒用

衣服初回左衽難

劉禹錫

旅夢亂隨蝴蝶散

王建

夜吟應覺月光寒

李紳

但將心地存忠孝

中

畱取功名

久遠看

蔡襄

除夕旅懷

亂來到此便相親，恰一年周又暮玄。
兩渡梅花經雪見，數聲竹爆隔牆聞。
籌添萬點愁千點，冬有三分春七分。
字歲挑灯無可事，惟吟軒子送窮文。

徙居直舛戲題書堂八景

勝地結廬

於人境外甍凡塵，竹廬梅肥別有春。
些水些山雙好景，片雲片月四比鄰。
靜安慮得求知至，動變明誠契道真。
未到經綸時節處，且須康濟自家身。

樂天談道

結庐人境，寂無喧。談道囂然自樂。天理本中庸，求性有圖，從太極究心傳。觀書意寓已刊後，讀易心探未盡前。先聖從何能究竟，至誠應可察魚鳶。

清風八戶

談道軒中趣味長，微微芳徑起初涼。竹陰吹動袈裟，爽花氣薰濃几案香。周子胸中娛孔孟，程公坐上揖游楊。時來好籟仁風出，均此清陰及四方。

明月照庭

八窓細細引風搖。况滿軒庭又月明。光射梅窓微有影。斜穿竹徑寂無聲。到天心透中和妙。向地頭推道理精。料得人少知意味。茅齋無異玉堂清。

碧水繞欄

滿庭夜夜月光凝。碧繞欄干水又澄。吞岸回環縈玉帶。映窓皎潔淨寒氷。倒流沂出詞源潤。到海深期道岸登。性水未波塵未浣。臨邛謹戒日兢兢。

青山排闥

近水軒清不照埃。遠山排闥送青來。蛾鬚捲處文峯

見螺髻攢時，昼障開。舉目崑崙殊華岳，回頭仙境近蓬萊。八荒洞達，歸吾闔，真廣居中克已齋。

紅日臨窓

屋傍青山屋下江，曉升紅日近臨窓。銅甍掩映騰書壁，火傘輝煌透紙幢。隙過光陰常惜寸，影來几案便成雙。回頭頓喜天顏接，自覺居非僻陋邦。

青雲得路

陽升上下慶相交，咫尺青雲步步高。月桂手攀超衆望，天衢足躡冠時髦。顯揚喜遂平生志，寵用欣承聖

22
上褒姒展作霖奇手段男兒到此是英豪

×
丙辰行年

年來二十九青春又一番來又一新梅占榜先傳信
息松經霜後長精神但知得歲先三甲何必堆盤為
五辛時節到來聊試手文章好把致吾身

丁巳行年

應清華試中貳

庸玉子成賴有天春來又畀我彊年道明德立愧前
聖身顯名揚^布古賢客裡喜逢新日月筆端收得好山
川時來幸際風雲會香火三生契夙緣

戊午除夕

坐觀天地轉雙輪。况侍今朝佟可人。如願祝來灯報
喜。送窮吟了笔生春。讀書便覺樂尤樂。進德常加新
又新。只有一生忠孝念。相期全以報君親。

己未歲徙居顛林。冬十二月甲戌大兵北伐。余
畱守少傅衙。自述。

壯志今來三十二。自強益壯男兒志。隨時以処道心
安。在我惟修天羅貴。學至方知造域同。時來頓覺成
功易。無私賴有這天公。春到年年常進喜。

24
公堂除夕

趨承黃閣恰周年。今夕欣逢不夜天。挑撥玉虫光吐
焰。氤氲寶鴨煖生煙。春回一簇江山色。夢契三生香
火緣。平旦清心頻密祝。聖君貺相福兼全。

庚申除夕

客中日月似跳丸。今日重逢歲事閑。易道貞元從上
得。天機動靜向中觀。得時自覺功名易。處世誰知笑
語難。惟有一生忠孝念。夙宵耿耿炳如丹。

辛酉十月。大軍自北回。太師劄給為御營記錄。

知四術。荏苒歲除。有感而作。

歲月駸駸赴壑蛇。今宵明月五更加。黃蠶青韭詩書
客。綠栢紅椒富貴家。鷄帖剪成門出色。鵝溪寫了笔
生花。枚兄最是吾同輩。春到年年擢世科。

壬戌歲家居。御營太師諒國公再進兵畧定西
南。駐劬南道。奉差往西南。回省本鄉。宿錦袍經
羅山早發。偶吟。

雲曉梳鬟花曉粧。行行多戢我勤王。挂裘袖拂春風
暖。快馬鞭揮巖路長。到處江山隨得意。經時草樹總

26
生香道行經濟吾儒事何用膺人遺象牀

午過天隄

勦誇天隄古曾名今日經過此地行
歸水石來通碧水石城左控壯金城
馬馳草徑昼無事鳥語花枝春有情
風景許多收笔底些回人世役為榮

晚宿廣地

山又高而白雲齊殘照疎林唱野鷄
風靜倚樓聞笛弄更深傍砌咽蛩啼
梅傳驛使家書途桂露天香月影低
早早長安昭日近指鄉開路到山西

過廣平

公行奉嶺^預奉差官道道過奔湍象舉歡涉水登山勞
肯憚穿崖越壑險何難担當國事歸肩上摸寫春光
八笔端天下太平知有日功^名留取後人看

自文朗榮村早行道逢諸友

那行公事任諸身遇友歡如縱壑鱗贈柳亭邊方送
客寄梅驛上忽逢人論交爰及心中事著步重生脚
底春兼四喜中茲最喜何須沽酒漉陶中中

過天姥山旅宿遇雨

28
密樹疎山數店橫。亂翻白雨轉新晴。林間燕學哺雛
語。野外鳩啼喚婦聲。露捲峯頭清若洗。路通馬足坦
然平。征鞍襜褕被馳驅。日還喜吾儒道得行。

高塘曉發

曉趁東風策馬歸。望高塘外是鄉回。煙蕩遠樹日初
起。路近平原山漸稀。鳥嘯好音清客耳。花薰香氣裊
人衣。向陽葵霍丹心在。遙望神旌正指揮。

癸亥西都營除夕

城外長江山。又上營。又中守。歲到黎明。靜覓天地風。

雲陣。颺。咱。樓臺歌管聲。肅殺乾坤隨首送。煦和時節
喜新迎。一元又際文明會。知是天將啓治平。

甲子元旦

甲子春逢又一元。一元又一好乾坤。賀筵壽獻椒花
頌。春酒香浮桂葉樽。象叶泰和陽進彙。竜彰乾五聖
居尊。逢辰緣幸諧魚水。拓吸桃花跨禹門。

錢安西阮奉差回

一使多於百萬師。這回情義溢言辭。月澄照尺天門
近。足快三千驛路馳。宸北喜通周道貢。斗西遙望漢

30
文程。歸來如見寮朋問。為道朝廷有可為。

端午藥

端午人求藥味良。惟余自治有神方。謹身自是消風劑。持志斯為順氣湯。但把箇心存藥理。定知四体保康強。若言匡國匡民手。仁義為冊上聖皇。

戊寅歲除公燕

三五年逢雪裡梅。公門方預燕筵開。衣冠會上松香氣。歌管声中竹爆催。半庑寒威隨臘去。五更暖律報春回。從今天地交為泰。喜我良朋慶大來。

戊辰行年

春來四十一強年，又益康彊幸有天。
會上功名欣際遇，幄中謀議預周旋。
濟時雖乏經綸手，隨分聊安義命全。
却喜詩書遺澤在，兒孫繼有治青瑣。

從軍遇風寒偶作

平生壯志在君親，衣褐從戎效古人。
義迪坤三勞肯憚，信逢英二報何頻。
但知日運胸中甲，不覺時生臂上鱗。
幸賴天留元氣在，律回復有陽春喜。

巳巳行年移居西都寨

四十行庚有二加鄉情
半度韶華災殃盡墜秋霜
葉富貴重開春雨花靜驗乾坤推理數占饒山水作
生涯慶餘是有兒孫福始信天扶積善家

庚午年四月從駕在賴下行殿東同志叙首
智明燭理我多公所處隨時以取中日炳文成乘霧
豹秋高翼展順風鴻遭逢頓覺夤緣異經濟相期事
業同國做忠臣家孝子兒男到此是英雄

西都懷古

誰是干城與好仇不知土國為誰謀
苔鉅石壁惡猶

築樹老花街恨未休。留跡灰看秦麗物。新亭浪說晉
清流。惟餘民聚初無改。萬古山河萬古秋。

靈長行殿除夕

第一初敲禁鼓喧。象星密共紫微垣。九重衮冕祥
輿。皛百辟衣冠綺席溫。寒極盡祛秦歲月。暖回已滿舜
乾坤。曉來齊拜嵩祝呼。於萬斯年聖壽尊。

立春日進賀詩

鳳曆初頒自紫宸。縉紳虎拜賀新春。土牛捧出寒威
辟。金鴨光浮淑氣勻。理會神功堯舜聖。變調元氣契

34
臯臣對時願布陽春德徧及窮閭節屋民

辛未行年 44

行庚四十四年強時節欣逢泰進陽惟日每加魯省
已濟時粗效孟尊王幸逢千載風雲會喜近中天日
月光瑞氣濃浮卅禁曉朝回滿袖惹餘香

奉差天關撫集道過玉樓即事

臣子寧辭臣事難厥承威命徃天關澗溪正徧千回
水草樹經餘萬疊山靡憚險夷堅一節好將忠信服
諸蠻安民全賴皇天德拔筆何功敢說班

壬申年退受兵科給事中偶占

今歲行年四十五自覺力年強且富道且求乎一未能義之非者毫那顧窮通有命處而安消長以時隨所遇邵子生男正是年所期天厚兒即做

甲戌轉禮科口占

年已四旬今有七所求道四未能一中隨時在且安常學與年俱惟務寔拭目重看元旦春回頭近見長安日早來樹又好花開金玉滿庭相甲乙

戊寅年戲題

36
自喜年方半百強。皇天賜福壽而康。師賢友善教中。
樂子孝臣忠。分內常種德庭前花就實。迎春花後鳥。
含香。優游笑服公朝暇。紫閣天低日月長。
賀黃使君之廣南憲。

家庭矩誨。旨曾諳。有大才。方大用。堪疏上。切特條者。
十。師中承。竈賜之三。紅雲戀戀。楓宸北。驄馬昂。又桂。
海南。君賴成。城親及祿。兩全忠孝。是真男。

庚辰登第作。

53

今年半百又加三。自喜人情這物堪。采榜聯名知是。

幸。占官典禮愧非諳。竈帝頓覺君恩異。謀議奚堪國
論參。但願皇天扶社稷。微君幸顯越天南。

癸未禁中際除夕

56

禁鼓初開第一聲。庭中設燎照天明。衣冠渚夕陪龍
御。歌樂洋洋奏鹿鳴。六出乾坤隨首送。三陽時節喜
新迎。早朝敬祝皇王壽。億萬斯年保治平。

甲申行年

58

壽紀五旬今有七。功加積久勤。咄嗟欄斑花鬢幾星
星。澡雪新心常日日。進聞期超覺受開。如椽敢語文章

38
笔年來喜見色生春。樹夕開花同結寔。

生年自述

戊子重逢戊子生。春正月紀甲寅正。天心聖德相符
驗。物理人情自著明。小往大來知泰長。尊光早裕保
謙亨。新年再喜迎新福。好夕優游樂太平。

丁酉奉使述懷

七旬竒一又三月。壯不如人况老堪。載駟載馳駟駟
駟。咨詢咨度旬侯男。君威國勢全憑藉。儂語渠言未
習諳。塞北驩盟王事濟。得朋本自我西南。

次南寧題扇

北南今慶一家同，萬里開河使道通。
望八紅雲天陛上，貢來金篚帝庭中。
鞭風駕月襟胸壯，剪水裁山筆力雄。
及早夕歸春正暖，扇回面上太平風。

在城驛留題

一駕星輶到兩江，在城城上景無雙。
粉牆朱戶開華屋，宝馬金鞍跨石杠。
分節鎮官將禮接，樹旗騷帥為詩降。
探花坊裡尋芳躅，指面朱樓碧玉牕。

梧城卽景

快乘彩鷁到蒼梧。四望江山八畫圖。捲雨朱樓蟠地起。排雲宝塔倚天孤。淡濃香味風來徃。高下詩人酒有無。教訪姚君踪跡首。不知何處是仙都。

題舉人扇

道猶扇也。理昭人。非扇搖人人自搖。拂霧披以雲生。皎月掃炎除熱起涼飈。思情洒落皆周孔。氣象雍容盡舜堯。會得時中清意味。果然八手得高標。

題影來寺

寺在韶州府清遠縣一水之傍。萬山之中。四無塵囂。景甚清麗。迺大明第十七禪天也。世付此寺。自舒州影來。帶得伴僧嗣鍾。住在山

頂。其踵在南山嶺上。今踵在此處。聞鼓動而應。寺殿一井。掛在梅巔。孫恪娶妻袁氏。生女二人。後挈家過端州。即今兩袁氏歆遊俠山寺。即今影來寺也。云前老門徒既至。著燕其路。持碧玉杯以

獻僧有野猿數子連臂而下袁氏惻然題云不如還伴春山去長嘯一聲煙霧深
御筆化為猿而去老僧方知昔日所養猿化形

琳宮何處忽到來水遠山清跡未苔斯翼堂又金世
界如翬簇又玉樓臺挹泉淨水竈含出拂巔慈雲鶴
帶回孫婦有無休說著且揮仙毫寫蓬萊

過漕溪

在韶州府英德縣濠溪驛梁天監元年有僧智藥泛船至韶州漕溪水口聞其香掬嘗其味曰此水上流有勝地遂同山至石宝林乃云此去百七十年當有無

上法宝石此濠溪今法六祖南
華是也

聞道漕溪古上方今來掬水忽聞香慈雲法雨千層
塔智水仁山六祖堂種福幾田連道岸傳衣一衲掛
僧房晨宵淨口清心祝聖壽年高國祚長

過觀音山

山在江邊石壁竚立洞向江中有人倚朱欄而坐

42
崕崕半壁枕江干。世界三千八眼觀。利刃塵刃坐世迴。
空夕洞。夕洞天寬。地留勝槩。伏留跡。石倚長空人倚
欄。我自崑蓬南。過此翔霄折。教振雙翰。

過張丞相祠堂

九鈴

在韶州府曲江縣平圍驛祠堂前有石山高出羣
峯形如蠟炬二條名蠟燭山又有山形如香爐名爐

香山一如花瓶二條
名花瓶山

一帶長江曲。夕榮曲江中有直臣生。芳名猶勝花瓶
馥。先見長留蠟燭明。金鑑忠言資猷納。開元盛治藉
陶成。客來面揖公祠宇。更似當年見太平。

過鄱陽湖

在湖口縣彭蠡驛本宮亭湖彭蠡驛湖

望外廬山又入山，鄱陽湖口快覓瀾。
接天水照芙蓉鏡，逐浪花開芍藥盤。
范子泛來鳧兩棹，呂翁影過鶴雙翰。
汪洋量本無涯涘，蠡測何人謾淺看。

庾嶺梅

嶺北有古梅六七株，英州司寇所植三十七株。

我是梅岩試問梅，今逢大庾嶺頭來。
霜前霜後經前歲，枝北枝南筦度開。
疎景暗香風月客，芳名桂寔廟堂才。
調羹相得調羹手，不負花中第一魁。

過大孤山小孤山

大孤山在湖口縣鄱陽湖心，小孤山在彭澤縣竜城驛陽子江。

大孤山對小孤山，夕在江湖縹緲間。
壁立洞仙青玉障，波搖神女綠雲鬟。
九霄象闕高為柱，百尺龍宮訪作閑。
勝槩許多供客興，詩筒收拾日南還。

過采石磯

在太平府當塗縣采石驛楊子江邊

太平郡裡當途界，楊子江邊采石磯。
岸帶秋容山漸瘦，波添暮澗水猶肥。
騎鯨詩客畱跡，却虜書生將有威。
漁父扁舟樵半擔，黃昏帶月帶星歸。

到南京城

應天府上元縣江寧大勝驛

餘艤一駕到南京，縹緲仙都宛上清。
眼漢槎橫牛斗

次玉銜樓拂管絃聲。繡鞍寶馬人拖紫。油碧香車客
踏瓊。對酒一升詩八斗。酣歌聖世樂昇平。

彭祖廟

徐賢大夫簾公祖位。堯封於彭。王夏商周官任七百載。四十九夫人。五十四男子。每
年二月八月十五日奉祀彭祖陸終子第三子。即大彭祖也。簾簾之大後彭祖亦為

彭祖自素王夏殷封於大彭八百歲嘗

會村人于慢亭

八百彭翁老未衰。經今幾百倍堯時。皤々鬢髮松稍
鶴鬢。又鬚髯蓮葉鬣。五十而齊偕老艾。許多嗣續總
英耆。七旬客使恭來謁。又是初年一小兒。

題滕尹趙侯昼像圖

名邦青乙未科進士

第一人當第一官。諸儒景仰世榮光。榮名登曾是登

龍榜援棘初非穩鳳鸞大播政聲聞帝右直須風采
聳朝端良工惟妙傳神筆忠孝難播一寸丹

過細柳營

在景州東光驛城門

馬驟皇華到景州道經細柳節當秋雲橫霜聳幢牙
碧月靜風高鼓角樓按轡跡留思漢帝却胡功在想
條侯北京朝上幾千里謾作東光一罷郵

遺瑤球國使

域

日表紅光照日禺海天南接海天東山川封城雖古
異禮樂衣冠是則同偶合寅緣千里外相期意氣兩

情中些間携滿天香袖和氣蒸為萬宇風

公館重九書懷

伏節從春又到秋適逢佳節迺神州君臣藥劑甘和菊忠義詩囊健勝莢鳴鶴聲聞千歲樹影龍彩見五雲樓南還向闕登高望猶戴皇恩上頂頭

公尉冬夜書懷

暑往寒來秋復冬高樓長夜感亢龍共千里照知心月頻五更催警夢腫紅日回屋消朔雪白雲望舍八南封皇恩天庇何階報歲夕誠將萬祝嵩

48
賀大明皇帝萬壽節用沈約詩三十韻

萬曆丁酉在燕京公館逢萬壽節賦慶祝武英殿大學士少保兼太子太保吏部尚書張位以詩上進明皇帝御笔批云賢才何地無之朕覽詩集具見馮克寬忠悃可殊深嘉焉美即命下刻板頒行天下朝鮮國使刑曹參判官李暉光芝峯道人為之序曰天天地有精英青淑之氣結而為山岳融而為川澤或鍾于物或麗于人故氣之所鍾扶輿磅礴必生環奇秀異之才不專乎近而專乎遠不稟于物而在乎人焉間君交州南盡也多珠璣金玉琳琅玳瑁蒙犀之奇貨是故精英清淑之氣特麗于彼而宜有異人者出於其間豈獨奇貨乎哉今使臣馮公皓然其髮年七十而顏尚韶譯重三而足不啻覓孔明庭利賓王國其所著萬壽賀詩若于天篇榆揚鋪叙詞意渾厚足以唾珠玑而声金玉豈非所謂異人者哉噫大明中天聖人御極惠懷四溟威烜九裔崑崙又較周家之盛宜乎白雉呈祥黃耆耆嚮飭今子之采抑未知天果無風海果無波如曩日成周之時否乎若然則子之君即古黃耆而詩賀之作祥於故雉遠矣古有太史採芹諷以絃歌之又安知吾之詞不編於樂官而彰中國之盛也歟不穀生在東方得接子之話接子之詞恍然隨車雲馭神遊大海之鄉足步銅柱之境其亦大幸矣敢以不文辭遂為序云

秋昊平分節正中萬祥畢集大明宮
堯眉舜目天姿異湯敬文徽聖德同
御座冕旒鼈瑞日貢庭玉帛引

香風鵷行舞蹈同惟祝帝壽增高天北崇
幾年波帖渤溟東上國欣覓有聖聰黃道光開中正
日彤園香裊太平風天涵地育鴻恩溥航至樓來雉
貢道敬祝萬年天子壽繇夕國祚過周洪

九春九夏九秋冬滋至天休日夕重簾捲扇開金翦
翠花明柳媚玉芙蓉羊韶九奏來儀鳳圭冕千行拜
袞龍黃髮老臣陪盛宴年夕壽酒進黃封
度開越巔達河江賀節欣逢萬福降氣見黃旌森帝
座雲開花蓋聳天杠潤蘇穀仰恩洋合省穡繁薇德

駿龐受賜小臣膺祝聖萬年喜壽上眉双
百世宗親百世友從仁一脉福生基
舜無荒怠存中
處湯克寬仁臨下時罔藻肆開魚鹿宴
羲桐迭奏鳳
龍池下臣忝奉南來使願上南山萬壽詩
一朵祥光照紫微歡聲喜氣溢堯畿
金鍾雅奏韶英
樂宝鼎香光黻袞衣太極殿前長日照
蓬萊宮裡壽
星輝願將敬德為基本天地神人永有依
九重闔闔曉開魚鷄障龍樓燕賀初
網紀一家雍雍
席範回六合會庭除天冠地屨臣敢若
谷日崖春民

51
26
皞如冀北山河荒首跡萬年增壯帝王居
朝會曾聞古有戶以今覓昔兩同符五樓腫鼎仙班
伏萬國衣冠王會圖化日光天明帝德祥雲甘雨滿
皇都之功之德乾坤大千載增輝煥典謨
聖賢大道正脩齊學造高明敬日路化雨露濡蘇九
有德風薰溫溥群黎周原禹甸江河濶軒豁罔荒堵
日月低何幸繁薇陪藻宴願廣既醉祝鳧鷖
貢獻欣逢聖節佳鬱葱瑞氣滿衢街海隅日出昭依
共極舒辰居共向皆被澤生民胥鼓舞聞風候國攀

52
秉恢小臣忝預含香使幸接清光覓舜堦

火煉靈丹竈未灰長生仙子捧將來旃栒煙裊朝衣

滿禁花雲低御座開以雅以南張臨宴若民若物圓

春臺金漿玉醴影滕藥願上卅霞五色盃

澄微光陰瑩一真出乎天德極乎純欽存恭見堯修

已尚御寬臨舜養民仁廣心聲和有夏樂偕胞與圉

同春北南但願弘兼愛至海倉生共帝臣

赤爵書曾兆文應今秋喜聖慶明君芻豢佳氣樓臺

湧登夕和氣草木欣天道昭回光日月帝垣快覩瑞

星雲皇圖基緒今其永卜曆年兼周夏殷

受命于天位德元日逢慶誕福榮尊御袍雲統双龍
袞廷亭^享星趨五鳳門雲殿月堦揚瑞氣冰天桂海沐
深恩仰惟帝量同天地天地長存帝德存

天行東北未霜寒和氣氤氲滿際蟠大典星明周禮
樂所庭雲集漢衣冠如金如玉昭王度于斯于既奠
國盤有道之長今亦古至于萬世保常安

渙發其祥詩有刊喜今聖上挺龍顏精英秀異人羣
表正大光明方寸間皇極建時三極立帝星照庭象

星環臣民歡慶同歡祝聖壽南山國泰山

欣逢誕日兆開先百辟齊趨聖節筵天殿雲紅羅虎
拜御爐煙碧裊龍涎朝旦賢萃為珍寶樂在年豐是
管絃此事还将前代攀德義軒壽亦軒義

聖節欣逢賦蓼羊澤加四海仰天朝撫華便是深思
布致遠尤弘盛德昭合九州歸同一轍卓千古冠百
王超遠臣喜近堦三尺願效封人壽祝尧

聖皇收拾世英豪進八蓬萊宮高殿日上丹墀鳴玉
佩燦影寶鼎惹金袍趨倍幸接雲梯近饗宴欣霑雨

澤膏西母度將仙物獻堆盤碧藕間冰桃

亭^享天子見有三爻今慶緣諧上下交朝扇仁風行薄

海普施恩雨洒炎郊天開帝宅瑤池宴日進仙厨瓊

藥肴卜世卜年周過還^曆當初兆已驗枚玳

明良喜起載賡歌共慶皇圖福集爻文有夢龍擎宇

宙武兼叔虎鎮山河一堂嘉會諧孚契千載真元見

泰和遭遇太平知有幸三呼三祝壽魁科

天庭一自佩黃麻萬姓欣靈慶澤加河潤海涵天地

德水環山詠帝王家中秋節又新天氣上苑年又好

物華岳室川藏皆踵至紅雲高擁六龍車

天子時當長盛陽重輝重潤又重光昭依帝所雲霄

近拜賜君恩雨露香近說鮑仁陶在又迭來啟化

翕方又國家長遠終須賴子又孫又萬世王

斗指於庚德在庚應期天啓聖人生並三才立位成

位照四方行明繼明定志修身倫理厚垂衣恭已治

功成斯民斯世何多幸興太平風頌太平

冀江水碧冀山青拱抱堯畿地氣英尺日昭回長極

殿衆星旋繞紫微庭南方茅貢供常賦西母桃盤獻

壽齡惟聖卽天天卽聖願天永昇聖康寧
天純佑聖底民蒸受命增光曆數膺位儼九重容穆
又日圖庶政念兢又仰皇祖訓前無間貽燕孫後謀
有憑萬國一心齊祝聖世千世億永繩繩

聖帝明王盛治尤望今法取上為優敬天法祖學開
謨閱武崇文賢廣求道既同符心既合民常信向命
常留小臣既乏千秋驥祝聖年長萬又秋
龍樓鳳閣倚雲侵宝扇初開御駕臨德合兩儀皇昊
德心存百姓帝堯心粹精王道渾如玉龔集侯封底

貢金葉茂只緣根本固祖宗德澤八人深
聖御中區澤普覃騰又瑞氣滿堪輿帝星台月輝辰
北教雨仁風暨日南庭八九州歸轍一殿呼萬歲祝
嵩三裁成天地人之道所望皇王心共參
嚮昌歆有麓形盛幸兩皇仁優渥霑旅猷禮行同醉
斂韶成樂奏副覓昭天高地厚思圖報君圣臣賢福
享兼千歲雲松千歲鶴双又白髮對蒼髯
聖有臣賢一德咸政為平易近民器正從繩木師殷
右和清鹽梅效傳岩天上衢亨清閣道海隅航至快

篙帆詩中祝頌含規諷命求民親本敬誠

次韻答朝鮮國使刑曹參判芝峯道人李晬光

異域同居礼義鄉喜逢今日共來王
越朝武接殷冠
皞觀國光依舜冕裳宴饗在庭需帝澤
歸來滿袖惹
天香惟君子
誠真君子
幸得詩中一表揚

義安何地不安居
礼接誠交樂有餘
彼此雖殊山海
域邈源同一聖
貴書交鄰便是信
為本進德深惟敬
作輿記取使輅還國日
東南五色望雲車

次韻答朝鮮割使金年遂士

海東伯俗洛龍鄉。秀發英才可佐王。八斗高名曹子
過^建一篇正論杜黃裳。駸又駕驟行輶車。馥又衣薰坐
席香。客館暫時相邂逅。蜚聲萬古共傳揚。
同八芝蘭一室居。日相薰飭有香餘。氣排栗烈三冬
雪。信報平安萬里書。南暨東漸陶教化。陽回春煦滿
堪輿。古云四海皆兄弟。相濟同舟共出車。

再答芝峯道人

居御必擇魯鄒鄉。請道同師孔素王。學海浚源淵浩
又。毛花生彩色裳。又。詩囊金玉珠璣寶。藥篋參苓桂

木香公我迭為賓典主，
盡東南美稱任揚。
往又來，又閱日居客中，
二十又旬餘。術身健，
僕惟長劇交臂，良朋有古書。
迎至礼行，胥鼓舞，生陽氣，
復已權輿途長，馬快遒，
早任重，方知是大車。

再答金年逸士

東南自古是文御，
千里偕來效見王。
亭享用九三，
恭有命順從六五，
協坤裳。途中傾蓋，
遭逢異座上，重珰。
笑語香，任道三都，
高賦手。向非玄晏，
嘉迄揚。大夫居仁，
廣居相逢一日，
勝秋餘。知心切，
又諸心。

契握手諄又閱手書望豁東南清海岱敬參左右見
衡輿四方專對志酬了昼歸堂前簇馬車

三次韻送芝峯道人

氣宇山竒水秀鄉公魁馬邁楊王明于刑五種吾
德展敷林夏製彼裳泛海輕槎牛斗耀寰人和氣麝
栳香詩傳增重鷄林價從此声名大播揚
少同孟氏擇接鄰居年壯而行學力餘佐主本從身
道德澤民全是腹詩書中華路八袞乘駟碩果春回
喜得輿貢了言還歌四牡海王早又迎回車

三峇金年逸士

萬里來從松桂鄉。同時奉幣八朝王。駕馳載駟絲濡
亦。文閣彌彰錦製裳。東注潮吞焦水石。南強氣壯辟
寒香。功成事濟歸來穩。古使休言普解揚。

久陪杖屨大儒居。所論嘗聞警效餘。三百誦詩承聖
訓。四方出使奉箋書。踰齊郊聘公西馬。濟濟洎津乘
子產。輿勝十萬師。憑一語。伯成初不以兵車。

四峇芝峯道人

起身卿相自閤卿。奉國書來朝貢王。批贊將誠通輦

筐轉寒向暖裏絃裳清光幸接龍顏秀芬馥濃含鷄
舌香道我東南文獻域高皇御製尚褒揚
迭來異趣近同居會上從容談笑餘邀得九霄千里
月捧來一札十行書人才氣化開風土封域山川括
地輿歸國僚朋如見問今天下統已同車

四谷金羊逸士

明都中正是吾鄉正又相傳百世^王翌軫封疆歸管輅
日星名分炳冠裳春溪浪漲飛花暖秋嶺風高桂子
香氣稟不齊人性異此間誰抑又誰揚

歎之膏語又膏居目下絲毛所見餘萬聖千賢同一
揆百家諸子罔殊書時中乃願師宣父統正深期接
子輿向老喜逢堯舜世京華再覩會舟車

次韻谷芝峯道人長律

極判鴻蒙氣區分上下壤東西南北界淮海渡河川
越莫居初定天中正不偏周林驅鹿豹戶教樂魚鳶
閭巷開書塾旗亭賣酒船雨晴添象跡風暖送龍涎
含忍強為勝縮文巧弄妍萬化花爭秀發群動互安
眠王道車書共皇朝誌記編詩成聊使寫氣壓海雲煙

谷金羊逸士

天同斯世治。聖御九垓壤。主宰參三極。朝宗翕百川。
會民歸有極。遵道舉無偏。文榜名登虎。武才矢貫鸛。
南交山至輦。東上海來船。燕設尊賓樂。龍薰沸鼎涎。
走盤珠錯落。坐帳錦鮮妍。伯定衣裳會。人安衽席眠。
太平調玉燭。瑞應溢瑤編。望八仙宮裡。氤氲卅竈煙。
再次韻送芝峯道人

我從天午徵。君自海穴壤。得馬君登岸。逢舟我濟川。
我輶馳北上。君節八西偏。笑我相同鶴。奇君肩聳鳶。

風挂君雨蓋日暖我衣船談我清茶酪望君金漆涎
老當君我壯文炳我君妍我為扶危起君先覺醒眠
揮君狼尾筆華我鸚書編共對一天月相望萬里煙
南還過通州

京城東出是通州城郭人民太緊稠京國路馳千輦
騎張家門泊萬方舟方孚也

武清縣城

鼓棧歌回從冀北閘閘望向見河西遙迤江國三千
遠徙倚天門尺五低

64
即景

斜日宿鴉啼古樹，暮煙歸鴈過衡關。
無窮活思無窮水，不尽新詩不尽山。

藻泖仙桂香浮酒，東閣寒梅興入詩。
口要歸陪丹鳳閣，不勞往訪碧鷄祠。

直沽城

曲又通江一帶索，天津城是直沽城。
每樓旗店三更月，鈴騎笳船萬里程。

對景

參差草樹斜陽岸，隱約煙霞才碧岑。
仙樂風吹松壑，
潁，恒，韶，水，奏，石，泉，琴。

靜海縣城

百里雷封連海口，一城斗樣枕江湄。
官清事簡民歌樂，湖大船高客快馳。

對景

危又栢立不霜雪，滾又江流無古今。
萬里青山長在目，一輪明月最知心。
一條江水遶城廓，萬里春風送鼓鼙。
紅玉批來嘗臘

全言
醋紫金割向試霜梨

春水有情拖練白
曉山無數拂雲青
百年身世如蓬
鬢萬古乾坤一草亭

值永魏城無吠犬
春深渤海有耕牛
刀夕上下迎風
燕對夕浮沉逐浪鷗

青縣城

舳衝江國波搖綠
旗拂江城柳釀青
白鷺洲邊行躑
躑黃鶯樹上語叮嚀

滑沱河

汚彼流澌橫岸界悠然水合度戎行得天果野有真
主濟事方知不妄行

滄州城

景郡

山帶岸來連景界船隨潮進到滄洲
豎牙列戟迄司
店邀月迎風濤海樓

吳橋縣城

景州

四時最好是三月萬國雖同^殊一春花塢杏隨紅意發

江亭柳向綠情新

德州城

山東

72
萬里輪蹄通冀北。一方保障壯山東。民教樂在農桑業。士習薰為德義風。

臨清縣城

山東漢州

源頭水活津頭合。江口潮強湖口開。逐上下影千舸。艤並東西簇幾樓臺。

東昌府城

山東

東連郡北山河壯。春八閭閻草木欣。夕照紅蒸菴錦岸。暮煙碧起度墻雲。

張秋鎮城

山東

倚空牆壁橫雲際，倒影樓臺浸水邊。
上閘板開通下閘，往船鼓聞接來船。

清寧卅城

山東

湖光山色春輝滿，閣棟樓簷晷晷開。
對景有情增爛熳，何人到此不徘徊。

彭城山東

徐州

徐州民物一都會，彭國山河百里城。
簷祖獨高花祖壽，漢王羞與楚王爭。

父次呂梁渡

屬徐州

粉墻隱約山光裡。昼舸玲瓏夕照中。醺鼓有無風上
下。遂牕明暗月西東。

邳州城

古邳子同仲尼李館處。今屬淮東。管為邳即邳也。

古稱郊國山川勝。春盎圯橋草木榮。黃石書傳張孺
下。子蘭溪酒憶李長庚。

偶成

萬里迢迢驛路長。鳥鳴煙樹客歸鄉。更看水國雲霞
外。數朵紅花照夕陽。

宿遷縣城

淮東

層層雉堞依山立，片片烏墻逐水影。人自南來馳北
上，客從北往趨南埤。

日夕每次戲作。

黃鶴樓中日欹斜，陰津昼舫咽鳴笳。客來相見頻相
訪，笑指明都是我家。

桃花縣城。

潘郎縣裡桃花少，彭令門前柳色新。喜得好官民有
福，吟成佳句笔生春。

清河縣城。

淮東。

繞壁光浮淮水碧。登樓望八楚天清。船行岸轉東西
日。蓬捲江輝下上星。

淮安府城

淮東

神京西北通千里。淮水東南第一州。不見王孫城下
釣。只看漂母廟前樓。

即景

樓從地起連官廨。河向天通遶郡城。數朵江花翻
照影。郡筵水鳥自呼名。

萬頃玉盤淮水月。一壺銀鏡楚天秋。客來載酒雲生

席人去尋梅雪滿舟

寶應縣城

淮東

過淮風氣更添情
縣古民稠斗大城
城四顧湖光風
朗漾一團天色月分明

高新縣城

淮東

咫尺樓臺孰管吹
家門外泊舟航
露筍畝裡花春
媚斂杜湖中珠夜光

楊州府城

直隸南京

二十四橋風月景
幾千萬戶綺羅家
茱萸色紫薔薇

78
色。菡萏花紅芍藥花。

鎮江府城。屬南京。

東南第一此名州。百年城高逼斗牛。黃鶴山前杯綠
水。清風橋畔遶朱樓。

樓臺森爽金山寺。空水澄鮮揚水江。煙景可人千萬
狀。毫端收拾滿詩腔。

卅陽縣城。屬南京。

境外江山千里域。地中日月一壺天。迎風橋上來詩
客。近水樓頭會酒仙。

常州府城屬南京

門外新迷千舸艚水邊影沒西樓臺晴光漱灑漪瀾

尾瑞氣氤氲劍井魁

無錫縣城屬南京

秀麗江山壕堞古珍奇水陸醋肴殷層層又罨畫樓頭

月丹又風煙塔頂雲

蘇州府城屬南京

山並官衙閑地少水分棋局小橋靈古宮花艷吳王

苑治井泉香陸子茶

80
吳江縣城屬南京

垂虹橋上過吳江，四面漁家遠郡牆。
城外東西南北水，微茫俱是水雲鄉。

嘉興府城屬浙江

會稽古郡江山秀，雋孝全城人物嘉。
月雲開影弄水邊花，潮漲光搖天上

過登雲橋

晴收雨脚橫腰帶，影浸江中背見龍。
路生從足下便無蹤，漲向月中真有

崇德縣城

浙江

滿城桃李色明媚，翳野桑麻條遠揚。
德速風行動有，駟民稱政異境無蝗。

杭州府城

在浙江會省

兩浙月潮茲漸大，三吳風物此尤奇。
西湖昼舫喧歌

鼓，便此都人遶賞時。

兩浙三吳奇第一，千門萬戶好無雙。
海樓山寺重又起，暮鼓晨鐘擾又撞。

六合塔

在杭州府龍山月輪峯之間，化寺乃并武造。

戶又近臨開化寺。層又高。映月輪。峯松聲過宿。聞鳴鶴。竹影浸池。見浴黿。

蘭溪縣城 浙江

縣舍花蒸雲。蝶古江亭風。送酒盃香。客來教問初平事。只見金花不見羊。金花山名

衢州府城 浙江

三衢來接江。閩客萬古傳。聞石室仙。對岸煙林藏。伏寺隔灘風。笛上漁船。

常山縣城 浙江

縣古景。墨花草樹地。高氣爽。近星辰。仙源自有通河路。拐共天娥一問津。

玉山縣城

浙江西

北常南玉山。又月東浙西。江水又雲。給足管絃隨處樂。得非賢宰政聲聞。

貴溪縣城

江西

冰青為水王為山。山水周迴此地間。自古信州稱望。鎮更兼人物許多般。

安山縣城

江西

一壺水國千秋月，四顧煙村萬葉雲。
青草碧波南浦客，幾回歌曲隔江聞。

豐城縣城

江西

龍劍已隨雲雨化，午壩猶射水天光。
登舟遠眺斜陽外，山紫江青煙樹蒼。

新淦縣城

江西

雲遶仙宅，群峯晚月照江城。
萬頃秋鳬渚，何人吹玉笛。
聲隨羊角送歸舟。

吉安府城

江西相付水紋城，吉字故号城南。
有香城山，笋秀如笔峯。

算起筆峯山異狀。滾成吉字水奇紋。地靈果野生人傑。文士彬又藹若雲。

一 奉和縣城

江西詩云。龍洲過縣前。泰和出狀元。

一 脉龍洲過縣前。地鍾靈氣產英賢。我今親到泰和境。如見唐盧宇宙年。

章貢峽西縣城

江西

山後山前山又山。一條界水抱城環。縣侯何与民同樂。樂在仁山智水間。

43 萬安縣城

江西五雲驛

井邑近杯环千岫碧斗城連八五雲深江魚躍處見
生意野馬鳴時聞好音

韻州府城江西

章貢合流環解宇海湖引派躡樞鍵瘴涓嶺北人煙
斷廣八江西星斗連

南康縣城江西

一城百里連通嶺萬戶千門尽枕江日晚風晴波不
動縣花山樹總成双

南安府城江西嶺北

浙西江上捩形勝通嶺南來當要衝最愛老梅知造化年々年早報春風

南雄府城廣東嶺北

界連北度來通廣樓倚南薰望見韶寸碧玲瓏仙女

岫二雙清廣濟太平橋

二橋玲瓏岩在始興縣葛仙煉丹於此仙女岩在丹東秦女有二女子於此得道影仙

韶州府城有韶岩巔此有韶樂

山勢趨如奔度嶠水声清似奏虞韶歸來正值秋天好
笳鼓風吹送客橈

44 美德縣城

88
雲橫石巖。菴煙樹。月浸江心。煎水樓。笑倚蓬牕。秋玩
景。數聲短笛。在漁舟。

清遠縣城

庾嶺北來山似積。廣州南下水如油。慈雲法雨千層
塔。明月清風百尺樓。

肇豐府城

即端溪包蓋守此

南海以南猶越俗。古端自古肇。唐時客來雖乏色。清
節一硯囊中亦不持。

梧州府城

吳士燮梧州人

西引兩江襟帶合南連百粵咽喉通界外自古天書
定民物猶今土俗同

藤縣城

廣西梧州府土產美留藤土人採取雜蜃及攢柳啗之

江城涉徧千回水客載經餘兩度霜京國飽嘗荼茗
酪今來復始見姜榔

平南縣城

潯州

門環鴨綠鳥江派簾捲螺青燕石巢
登舟聲催江國晚
歸帆影掛夕陽高

潯州府城

90
左黔右轡交流合西桂東梧到海通
勛列岡峦樓宇裡煙菴草樹巷村中

橫州南寧城

萬疊山岡圍城壁古一江灣抱海天秋
仙槎亭快新

詩穩古辣名泉泉香旨酒泉

永淳縣城南寧

派八潯梧江一帶壺藏邑桂二地名月千秋見雲臂起能

影翼歸國心如不奈舟

南寧府城廣西

銀屏玉嶂周迴起，綉戶朱門次第開。
踏雪驥途通北，上搏風鵬海快南回。

新寧州城

枕城千江次客舟，水雲山月了中秋。
地連西廣通閩尾，天八南題近斗牛。

太平府城

勢來象路千山合，派引鼃江二水交。
既醉鳧鷖歌酒，店菁莪棧朴詠書操。

思明府城

廣西西上是思明水統山環土築城地出東南皆海
國天低西北是神京

鎮南關

朗州界北憑祥界昭德臺南仰德臺兩國好通無復
事任他往又又來又

梁有慶

弘化會潮人吏部左侍郎得朋之子少警穎十二歲舉於鄉廷京師作泰
開鷄賦國子監官奇其才拔第一不應偽莫試八清華謁世祖大王受知遇參

侍幕府累官吏部尚書兼史官總裁太宰達

卿公預封功臣子謙登進士

古體詩二首

書懷

一東殘編挂牛角，縱觀王伯英雄畧。
滿腔豪氣歆摩空，手酌太白復大嚼。
我司笑司徒忘駟，駝鳥衣巷外走犢車。
又恨將軍戀駟酒，五國城上空風沙。
從來成事在立志，屠駒猶植^能天地不施扒。
亂扶衰才慚愧鬚眉，稱男子我愛傳袴劉道民。
興復晉朝立處分，我愛衣白李常源。
從君河朔湖清胡塵，皇家功德光前古。
么麼逆豎何足效，天網已將朱此拎。
公揮巨笔草露布。

觀史

安南自古分疆界，西跨哀牢東至海。
南控鼉郎形

勢強北踰桂管提封大涇陽首出苗乾坤²正是神農
三世孫妃曰螭姬天作合國稱赤鬼俗淳渾貉³螭繼
統風猶古遙聞四遐開境土百男生育足奇祥萬化
權輿為始祖雄王繼立都于峯國号文郎奄域中⁴正
卜三千為最久世傳十八總稱雄後王不戒除戎戒
酒色盤⁵迄時豫急魚鳧兵馬動地來鴻庖基業隨瓦
解安陽元是蜀中人⁶甌貉興邦業一新弩張螭⁷取膚
秦敵禍起鷺毛到海濱趙王⁸併蜀稱尊號國富兵強
路盛效謙抑嘗存自牧心往來克尽交鄰道克承先

業賢哉文更得明哀總不君呂嘉執政權臣橫膠后
宣淫穢德聞術陽虛擁終昏暗強虜來侵嗟見陷人
謀召禍豈無由哲婦傾城真可豎趙氏樓臺野鹿逢
封卧八漢諸州鄧公撫字推恩信杜穆來旬拜列
候錫光務布寬和政以義感人夕起敬礼行羔鴈史
祢延壽肆虎狼民怨定不有徵王奋臂呼斯民何以
慰來蘇嶺外封卧今復有女中豪傑古來無其如兵
象皆星散退保禁谿功未半威力終難禦北人版章
復見歸東漢當時長吏著循良李善張喬及夏方祝

氏可追冀渤海賈琮不讓召南陽吾邦何自稱文獻
 魯國士王能一皮羸淩卜宅固難搖嗣子不買胡可
 這晉宋齊梁亂似麻杜公為政不煩苛三世旌麾權
 至重一門父子古無多九真趙姬淳祿縣人山中起乘象進
 攻皆草靡誰意香閨婉婉人亦是珠崖豪傑士南帝
 英雄不世賢太平崛起擣龍編立州之始有蛟龍
蟠旋於水故名萬春擬款
 基前李七紙難逃數自天趙王在澤焚香禱神人騎
 竜來獻爪兕螯賈勇勦無前孱賊奮塵戈自倒西來
 莫禦雅郎師鴉海秋深去不歸畏邦不戒前人轍衆

國由來嫩女兒，野能洞口收餘燼。力小跡微終不振，
桃郎無計可興衰。後李渝盟遙啓釁，北望隨軍奈組
降。烏鵲城郭復于隍，舉目江山非是李。回頭土宇幾
經唐，落鵬御史高千里。

高駢字千里，崇文之孫。少時有二鵬並影，發射之，祝曰：我長可富貴。當中之發，疊中，故名。

統嶺

兵民施政治，權隆都詎世。稱賢港鑿天威，民受賜堂

又黑帝梅叔，寫蠻蠻禁掃，凶徒起自驩，可惜大蛇終已

傾。忍今思勗，逞貪殘，懿彼唐林

今福祿縣

馮布蓋弟兄共救

蒼生害。英翰無力，悵難持。天意未平，良有在。曲瀨雲

⁴⁹興父子兵，圖王爭伯。清生靈併吞，更八刈。岩手尊大

虛誇節度名。愛州人傑揚。廷去南北分。爭于此際。美况

又弒村空招。大業未成天已蹶。吳王扒亂啓洪圖。奄

有螺城還國都。揚威崩心奸大位。范公盡節保遺孤。

幸賴後王興夏祀。佳兵旣武中流矢。二載之中屬擾

攘。十二使君分土地。廷奕呂昌娥平橋奮虎爭。唐林日慶

響孤鳴。峯卅蜩聚矯三制。公阮家三蜂屯阮太平。名

細江呂佐為藤薛。仙廷阮守名令公半幅制裂。景碩鳴引

杜洞江。安朗縣阮超。豹狼顧西扶烈。阮圭超。類小龜茲。矯

順洞湖挾美渠。防過藤州勞倚鹿。公明布海謾。毆魚。

剩水殘山方控總。互戰交爭鄒魯閭。渚雉天將盡削。
平。芦旗白起華閭洞。萬勝君王奮義征。大瞿建國數
年成。朝儀文武尊卑別。卒伍軍師号令明。開防不謹
重門戒。忍令杜穽弑丁。又圭缺直知天定數。成帝誰
能^相擁諫。南方重擾苦占人。北塞來侵分宋虜。國家多
難正傾危。兆姓離心誰戴慕。譚家童去其運衰。仰民
氏蓮生符已露。黎帝親提十道樵。陳橋謀定遂乘乾。
徇時大抵仍丁。苴革政無聞自甲先。_{後甲子日}范偁子安皆
₅₀左右。洪猷徐穆總忠賢。土木煩興勞慢尔。干戈屢動

各分然中宗昏暗非明辟卧朝肆虜虜因投隙水牢
慘酷謾興嗟女色荒淫空見溺駢牲手刃自八虜
守宮脰切分爭喫禾刀木落驗明徵十八子成符震
跡犬毛天子握乾符

古法卅應天寺成通院犬生一子白色有黑毛文成天子二字太祖以甲戌歲生

昇竜定鼎

御中區求賢殿試賢人集講武堂開武備脩屢下詔
條蠲困乏弘推實惠賜田租興學未聞崇聖道學糊
心已見惑浮屠太宗元后聰明作革政允符牛換角
設科取士藹文明定札制刑新式廓同符世祖炳增
光北迹唐宗真不忤神人現跡信言彪舍利放光多

語鑒蒸哉聖祖膺昌期北伐南征耀武威詔下勸農
勤務本礼行幸學翕尊師養廉特厚賤財賜惻罕魯
優粟帛施胡鬼驕金迷恠誕占音作樂雜華夷仁宗
首愛崇儒術身致太平功可必求言納諫廣聰明薄
賦輕徭覃普率賢路弘開似可稱異端信惑能無失
奸臣化虎珖科名小令盜牛嚴法律神宗幼育在宮
園大宝光登闡繼汰離科目得人時有補兵農足政
多裨冀能任使資籌畫政事修明妙設施猷鹿得官
良可鄙歸功於沃更何為保民守國英居正閱武崇

文尊孔聖、五射親行、自此明。九年考課、從茲定。全才
常傑任將兵、大節憲誠、資輔政。路開象脚、信檢壬。目
昧、龜文從諂佞。朝政無章、外戚專。法苛刑暴、日加繁。
羸疾奄又、餘喘息。蜂屯鳩又、徧塲塲。政亂建、茹難救。
藥土崩、李祚竟傾顛。雖本高宗、耽逸樂。亦由惠宗、繼
流連。二百基圖、從此決。一鉢功、彷彿非虛說。世更八帝
享尊榮、道昧三綱終斷絕。茹貞英傑志、何卑禹。你景
通心自恕、女主難扶國。祚哀太向、自付他人掣。即墨
陳家德祚昌、太宗得國本。昭皇得人、莫盛元。豐治習

戰寇間謫武堂朝典礼儀茲振舉國家制度此恢張
梁寺建時奔百姓唐塵聚處紊三綱於赫聖宗符授
劍忠厚慈仁存一念崇儒重道意無忘繼体守成思
不忝經筵侍謫擇賢良學士八陪疇行檢儒臣見用
玉無瑕伏教耽心圭見玷金仙童子御中華輔相當
時豪傑多固結民心弘賑貸選掄文學廣蒐異白藤
甫見矜胡績鹹子遙聞破敵歌重興事業光前古大
道徒不行徒外慕淳神釋典志徒荒給養僧尼財以
蠹居喪騎馬孝多虧到老出家心獨苦內脩礼樂外

攘夷想此英宗致治時歲早釋囚心恤隱大飢賑貸
惠旁施輔政忠臣惟國峻董戎良將有青鵠倭伏復
遵梁武帝和戎遠嫁漢明妃數賁前功明繼作文明
飭治昭丹雘水雲隨毫寫詩章翰墨游神供洒落勲
名一代杜天觀歷事四朝裴木鐸刑獄咸免德有虧
小人揜信心多駁繼世而王有憲宗天資明智咱惟
聰忠彥恰同干守法昭文綽有郭遺風徒聞懃懃懇
瓊林伏天慶九年文真王陳光朝出家居于壹天真樂庵命僧尉弥勒大像六丈金身置于瓊林竟華寺謾自逍遙甘露峯
此後裕宗膺大正名儒進用多忠益系政修明罔不

完四夷賓皆服來格聚麀廷逸已耽情昏德羌淫空
蹙脉天置童女化成男四海蒼生命不堪昏德僭干
經歲半經去宗興復享年三令却截脚昭仁政礼制
朝儀倭美談武備不修夷猾夏白鷄樓築空基村欺
君慢咱子平奸誘兵莫辨嬰摩訶倚忙不返睿宗車
珥河已泛蓬義舸簡皇寄命破巢烏順帝俄然逼徙
都此日本非陳社稷黃袍已著演州狐李攀脾睨窺
神器賊子漢蒼崩僭位生作南天大逆臣死為北地
孤魂鬼嘶風燕馬到京畿百二山河恨已非簡定兆

謀延國祚連姑乘勝振兵威
郤悉含冤嗟失計北敵
橫行堆可測制漢井誰啗火焰微
重光一旅興于又

蔡嘉

港名今
海陸縣

決勝賊灰影中原翹首望旌旗
運去羣心

終易溺厦顛一木竟堆支
丙戌星移至戊戌干戈落

又何時畢必有天吏將明威
不嗜殺人定于一煌又

太祖奮藍京一著戎衣四海清
大誥天頌弥六合至

仁春煦慰群情太宗繼統年幾冠
寬恕仁慈明且斷

紹平政治藹堪稱北江迤邐終不返
仁宗二歲臨四

方將相功臣作棟樑黎可軍威揚順化
安民逆節動

羊塹屯敢肆戕君惡勲旨忠良皆剖斲熾凌元將
豈同謀黎朝元氣幾乎索聖宗勉徇衆心推登進文
儒効有為聖學高明探百代武功震耀闡三陲規模
典則詳而備中興事業前無比天南餘暇煥文章躬
致治平垂四紀睿智聰明啓憲宗克追先志賁前功
效脩文景倉儲足治嫺成周閭閻空肅宗祠位啓黃
屋友愛溫柔寡睦族三江王有望治同肩八月未周
天奪速威穆膺圖号鬼王心多猜忌徭昏荒力士送
升開偽莫功臣弁退怒文郎順時褰翼起西土暮月

卷之三

三

尊民案堵。洪順初年。欲作新端。慶典車終。蹈故疾。
視其君。懽忍心。踰城兵馬。驟駁又。京師失守。群情駭。
賊嵩干名。正殿臨西都。起。姜雷聲動。光紹初年。承大。
統。濟雉徒望。象賢扶去國。竟為群小弄。咎庸狂逆。敢。
欺天。禪詔俄成。統正年。堪嗟宗親。哀不振。可憐文武。
寂無言。莊宗崎嶇。與翠華。忠良慷慨。匡宗社。色。胥跋。
涉。控秦庭。臣靡間。開扶有夏。武皇英發。整鬼網。上相。
陳師渡馬江。招賢納傑。同光武。布。彷彿深謀。似太康。字。
宙清寧。欣改覓。聖繼神符。隆棟幹。歷年兼有夏殷周。

高出前千朝萬又

近体詩二首

感事

洛邑銅駝已半蕪，
回關山路作行都。
拮据財賦心如
碎，收攬英賢眼
欲枯。
天意為唐生李晟，
人情喜晉有夷
吾。
六師未要寬東顧，
京輿遺氓正後蘇。

曉行

五千甲櫓駐江湄，
紅葉青山亂八詩。
牛李不除無管
樂，羊曹未做况
皋夔。
虎童期運歡新會，
猿鶴心情惡



旨知慙愧紫袍稱長史書生何以贊平夷

全越詩錄卷第二十一

翰林院承旨潁城伯臣黎貴

奉

旨編定

國朝

馮克寬

近體詩

立春

光興癸未作以下

陽律初回斗指寅東郊敬舞喜迎春
土牛鞭了寒威辟彩燕影來暖氣勻
氣合和同天地道詔施寬大帝
王仁微臣愧乏規詞帖願效華封祝聖人

元旦

天行四序又何言。春到今朝正元上。
堯曆欽頒新歲月。戶風盡在首乾坤。
辟邪竟闕金鷄帖。獻直頻斟白獸樽。
本遇太平時節好。八千春祝報君恩。

人日

鳳曆初頒過半旬。其云此日是何人。
華逢舜旦三陽始。藁吐堯階七葉新。
截剪彩成傳首俗。晴明兆應慶昌辰。
朝廷有吾道皇聖。斯世熙又盡在春。

仲春

乾坤不宰運神功。春屆平分節正中。暖入杏天開霽
景。晴薰花塢引香風。日賓暘谷充平秩。澤被陰崖漢
賑窮。但願好時弘育物。泰和景象九州同。

花朝

指卯時方輶斗杓。賞開三莢是花朝。蝶傳香粉粧桃
臉。鶯弄新簧舞柳腰。上苑有春爭共賞。洛陽無處不
相邀。世人踏革何為者。爭似吾儒奪錦標。

社日

56
候催東作事方殷。今日欣逢社日春。紅杏村頭鶯酒

熟鳥花巷口燕泥新。祔農預卜周多稔。宰肉猶聞漢
有陳。聖主矧今勤務本。分安耕鑿太平民。

三月

天時有四迭周旋。最好其惟三月天。桃雨洒殘紅杏
火。蕙風吹起綠楊煙。舞雩垓下襟何爽。修楔亭前昔
謾傳。樹綠蔭濃天向午。一聲何處奏新蟬。

仲夏

南陸迎回月御龍。於時為夏景方中。無心雲出千峯
碧。有眼榴開一點紅。敬致堯階舒永日。涼生舜殿奏

薰風剗今有際享亨通會願體乾坤長養功

端午

默運難窺造人化功倏臨佳節正天中
葛萸著了除炎氣蒲黍依然有古風
奪錦得標舟可覓辟兵有術縷奚工
堂今天子人為鑑不用江心百鍊銅

孟秋

新涼終見八郊塢知是秋來七月初
燕喜風迅歸信急鴈驚雲密去行疎
數聲長笛一樓月幾點寒燈萬卷書
顧我乾坤方整頓江南未暇賦蓴魚

七夕

節逢蘭月火西流。天上人間此夕秋。
橋度銀河官役鵲。帳開雲母女逢牛。
合歡好上長生殿。乞巧爭趨結綵樓。
工拙豈關今夕事。作文誰復效其尤。

中元

白帝乘時旺在乾。八秋三值正中元。
金花淨掃靈官路。宝月光回孝子門。
淨果誰將供大德。盂蘭世有說花盆。
吾家積善從來久。福慶應知及子孫。

秋分

克曆書秋仲月殷。昴樓日已正平分。涼生私室衆環
戶。曉過衡門鴈帶雲。南極見星符已兆。西郊夕月祀
猶聞。維天之道誰能會。所望裁成在聖君。

仲秋

景漸來秋色漸濃。西成平節正堂中。天晴海濶一壺
淨。月滿風高萬里同。岳峯燔柴光舜典。野安剝黍美
幽風。伊誰又倚西樓上。笛一聲傳一卷東。

秋社

58
西成時節日昴姿。報賽人皆喜有秋。五戊穀蝨垓載

設三農祀惟修歲供耆老粉榆禱年卜豐穰黍稷
收借問吾民何以樂又於王政布優人

中秋

四時默運有神功秋到今宵節正中銀漢無雲浴皎
月粉塘有水漾清風興來午渚舟堪泛踴向蟾宮路
可通自有玉堂堪翫賞銀橋何必覓異公

李秋

潦尽潭清顯氣浮今朝序已屬三秋數聲鷓鴣過衡陽
浦幾點鳬來帝子洲月下寒砧催別離館風前長笛

倚高樓。乾坤自有揚眉。何必勞尋赤壁逵。

重陽

月在高秋日在房。秋逢佳節又重陽。滿頭菊插黃金
朵。奈臂英盛紫絳囊。落帽何人緣酒使。傳盃有客為
詩忙。但期此身會長健。歲又登高也不妨。

孟冬

豐山一自應鳴腫。玄律初回十月冬。路洗彩乃寒日
色。霜濃石滑返山容。采薇從喜歸期近。掌稻人歡樂
歲逢。若論沍寒堅脫節。箇中惟有大夫松。

小春

折膠正值六陰純。這裡誰知有小春。和暖時方舒愛日。暄妍氣似轉洪鈞。傲霜菊有數枝首。占榜梅開一點新。歎說化機消長理。見時自可見天人。

仲冬

健子時方叶斗占。月臨天統氣尤嚴。霜花冷透鷺鶯尾。風力寒侵翡翠簾。暖閣香凝絲巧弄。深宮日揆線初添。生又歎說乾坤意。向草庭前試問濂。

除夕

歲月堂又蛇蛰如今朝明日共乘除。蘭桮報喜更三
後。竹曝驅傩子半初。送臘迎春鋪綺席。昼榮寫壘煥
朱書。曉斟壽酒頻又祝。山海增加福有餘。

庭前梅

殖又其庭對景開。這中養得數株梅。月移初影穿簾
透。風引清香八戶來。時察天機知動靜。日加人力厚
栽培。子孫奕葉承家荫。春到年又又占魁。

庭前竹

曲檻踈簾日照庭。筍居對與此君清。雪中滿院叢又

茂雨後穿堦箇又生。衍種一門同蔭庇。候封千戶共
恩榮。公餘乍咱風前韻。恍訝羊韶奏九成。

庭前柑

人言枳北摘之南。我羨龍陽種有柑。花全粉牆和玉
綴。實垂朱檻帶霜含。清泉漱齒詩悵足。春色浮盃酒
興酣。不待江南仙術致。年又登俎獻辛甘。

荔枝

生成氣得土之宜。琪樹羅庭有荔枝。黛葉綠陰團似
蓋。青華朱實簇成帷。北人圖畫顏相說。南國名標首

茉莉

靈種移來自月宮，滿庭桂得玉為叢。
葉垂幄密窓邊影，花著人香座上風。
南國倍增芳價重，東坡播在藻詞工。
我將把笔修花史，第一推渠素玉同。

五廉樹

門栽五柳說陶潛，吾愛庭前有五廉。
綠葉成陰垂滿院，^花淡影兩送^花搔簷。
喜酸君子風稜峻，守介忠臣節操嚴。
太果勿嫌圭角露，調羹可用渚梅鹽。

芭蕉

栽培占得地肥饒。酷愛庭前數有蕉。庑兩打窓珠滴
漚。春風八戶扇飄搖。養新德義心中密。說旨功名分
外超。況又潤滋生意有。子孫繼立出挺高標。
紫練
苦練名稱自古然。我封我植向庭前。綠陰密布無塵
地。紅日高擎不暑天。二十四番花燦爛。幾千百顆子
連又。大材況可施樑棟。撐柱皇家億萬年。

62
園有桃兮山有樞。庭前誰說有枌榆。炎新鑄出青
猊。

枌榆

126
樣花巧粧成白玉膚，清近仙家天上有。芳聯帝里世
間無，詩人莫謂少才思。曾占香名滿上都。

千歲樹

德種千家蓋有年，好將千歲植庭前。深根八砌蟠靈
土，長葉臨門對老天。清影易媒丹桂子，修齡好伴赤
松仙。憑渠敬祝皇王壽，春八千秋又八千。

讀詩經見有草木鳥獸蟲魚諸物名，因以命題。

名曰多識集

惟鵲

129
狀貌鳬鷖若是班也。宜於水不宜山。開又常在河洲
上。兩人相隨淮浦間。司馬官曾耻顯貴。后妃徬可比
出閑。摯而有別無相狎。夫婦之情亦一般。

荇菜

說見葩經。号接余。根生水底。異園蔬。參差葉向波中
泛。肥嫩莖常斂。狀如柔順。有同文后。徬潔芳可為茹
廷。菹况如脫美。偏空酒風味。誰知更有餘。

葛

63
氣初長。養夏初天。維葉萋萋。又有蔓延。施後谷中。爭莫

又。在於河澣。竟綿久。曾聞王后躬其事。見屈天官掌。
是權微物信知。還有用。不然何以着葩篇。

黃鳥

余衣公子玉其相。楚又坤裳色正黃。身上染成陶令
菊。舌端吹弄女媧黃。于丘知止孔稱美。出谷迂鶯詩
贊揚。二月皇都春色好。英聲彰八御堤楊。

卷耳

胡泉苓常入耳璫。名留本草世留芳。叢入葉茂青成
簇。蔓入花開白帶香。作藥終宜和聖酒。活人尤可助

神方江東此物真堪采休說周妃寘道傍

蟲

葛類元來不一名巨瓜本是蔓延生花生夏仲爭開
艷笑向秋先早結成樛木曾聞稱樂德旄立何至動
憂情一般物有一般理君子須當格致精

螽斯

物又人皆歎類推羽族誰說有螽斯綃青色見彰身
慶月白聲聞動股時情觸螽人夫如合福緩如后子
孫宜况於群處能和集這箇無知更有知

桃

仙源迹古水涵人佳種猶留千樹桃葉帶曉雲如碧
洞花含春草醉紅濤南阮詠播知名苗西母盤登索
價高莫恠公門私自植當年曾萃世英豪

米苣

當道車前不一名托根惟好道傍生甲終折後葉舒
大子結收時穗結成恠字終宜供婦藥強陰柳可益
人精本草曰強陰益精令多子品題一八葩詩詠植得芳名萬古清

楚

木名特異百敏荆秀起森然鬱又清得氣自天承雨
露托根有地閱霜星詩賡漢廣薪言刈教寓戶書朴
作刊聖德矧今寬是尚秋霜無復苦生靈

菱

得氣偏承雨露膏春生水澤羨蕃蒿葉青帶白十分
好莖細微長效寸高艾知雖殊同是譜楚名曾與八
於騷陸生自古真知味脆美形諸一字褒

魴

人言鯉鯉與鯢鯢誰試魚名別有魴池迹脫時欣浴

又望鄰縱處喜洋又奮身曾預門登禹禎尾言政
苦商見說源頭多活水任渠得箇自悠揚

麟

非牛非馬又非麋長厥毛衆是乃麟趾不踐生行中
度角常帶肉武兼仁振又美婉周公子表又祥開魯
聖人運際今逢王者作四靈悉至福駢臻

鳩

靜觀萬物化而生羽族惟渠得此名子在哺依頻唱
和妇隨喚逐試陰晴靜專可比夫人德危迫曾扶漢

帝亨

榮陽有厄井沛公避項羽處
時乃鳴集井上故漢世元旦致鳴

莫笑經營為計拙鵲巢完固任

方盈

繁

自然色又自形人健美
蟠高得地生春到萌芽爭秀
出秋來片味播香清
游於沼沚旁言采用在公侯事
有誠一自葩詩經品藻芳騰衆口總知名

草炭

蝗屬蟬人百不同
阿誰別以草名炭
綃青色見衣冠
外月白聲聞帳幄中
南國夫人隨耳觸
北邊邊成婦

易心冲静。覓物有生。又意知聖人參化育功。

阜螽

生來頓異。百斛虫。恣得蜚声号阜螽。躍又躍時。拵振羽。薨又影。处驟生風。至微物。寓有形外。易隨奕

態中。並育並生。皆有樂。方知天挺聖同功。

巖

菜譜伊誰以。鼈名自形自色。自生人土。宜膏。曾爭滋

長壤。沃周秦。竟發榮。南國曾。惠文后。化西山。可長聖

人清。健渠自有好風味。野蕨紛然芥視拵。

薇

有草叢生，獨異常。何人脩譜，号迷陽。托根西土，風霜
避。發穎南山，日月長。養得聖清人，共仰。供來齋祀，礼
虔將。山童野叟，知名苗。姓字然，萬古香。

蘋

芥看儿，亦總紛。天酷愛江東水，上蘋。茁葉每於春，以
後。托根都是水之濱。仙人得采凡流異，宗庙虔將礼
意新。花谷真為知味者，釋來葩傳，豈無因。

藻

一似鷄蘇一似蓬生來種又異而同葉浮符上青鋪
水莖長蘋邊白起凡仙指薄於行潦米敬心厚可
庭供服章况又施文采這裡方知有化工

甘棠

挂物誰知種異常杜黎白者是甘棠
晏晏滿地雲陰
異蔽帝擎天雨蓋引召伯政成人詠播鄭公笏在世
流芳

唐宗詔問魏徵孫謩詔中頗有存否謩對惟故笏在詔
令上送鄭覃曰在人非在笏帝曰此笏乃今之甘棠

生成尽是乾坤

大本固源深愈久長

雀

羽族紛然各賦形。羨渠率性自然鳴。棲身好向來
集得意欣逢大厦成。詩刺屋穿聞可戒。書稱戶止兆
先呈。鸞行動立。竈墀上。踴躍那勝燕賀情。

鼠

礼称鼯鼯種難分。穴处胡為聚以群。資厥廩倉愚太
甚。驅之陷阱智奚云。穿墉未免詩人刺。依社進逃烈
焰薰。我本至誠能動物。効拔每用草湯文。

張湯父為長安丞
出外湯守舍而鼠

盜肉其父还怒笞湯乃得鼠及餘肉効鼠按治評鞠并取鼠肉
具獄桀堂下其父視之丈薛若甚獄吏大驚遂使下獄

69

梅

大庾山頭得地名，芳標人仰清聖之清。
水霜不改孤高操，風月相知耐久情。
皆向西湖誇逸節，好來東閣掇奇英。
占春調鼎孚時用，不負花中宰相名。

廬

許多走又物成群，含美誰知野有廬。
水碧岩清饒適性，花紅草綠不知名。
正山樂為麋逕舜，函谷奪聞鹿失秦。
報汝世今機智巧，白雲深處好藏身。

唐棣

天爲其才地養成，羨渠平生花常映。
日戎又

盛葉不禁風拂又拴好点白楊同首譜
芳声原深也是枝繁茂福蔭年又自登榮
樹

李

芳園好向結根生紫綺青房惹得名
縞庭花開鋪雪白照鄰實結燦星明
夸騰物二桃其弟名亞魁三梅
是兄擅得中卅声價重果珍端可報之瓊

葭

植物元來如此多彼其之茁是名葭
托根有地生成
異得氣由天長養加霜正萬旗排夜月
灰影六琯報

140
年華世人莫謂無知物倚玉緣諧富貴家

騶盧

鬣角吾知馬與牛獸名誰說有騶盧
質同於虎文非虎形類乎貔性異貔
近被侯邦仁徧及迄需王者德
旁敷毛蟲若論堪比惟有麒麟可並驅

燕

天女名稱說到今禽中惟尔異諸禽
于影日弄差池羽學語時聞下上音
遺郊曾呈商契瑞述懷易起衛

姜吟高堂自有安身處

古詩云一燕海上來一燕高堂息
一朝偶相逢依然尚相識

鷹隼無勞搏

奪心

棘

草有靈技木有松這中亦有

滋長又承膏

雨心動天又爲凱風感母子思詩羨美術全君臣美
史稱馮榛蕪正歆勤披剪咸使人循大道中

雉

天之賦物不相齊見說萃蟲是野鷄綺翼錦衣彰色
見山梁濟涉涉響聲啼雖時屢見書規戒影處曾經
詩品題迹迹世間繒繒客安身好尚上林棲



匏

蔓不王瓜木不桃。名稱碩果。孰如匏。腹充絳有坤之
大。量廣其如泰。以色說濟。巨川功甚廣。顏居陋巷。利
都拋。年又培植。人為種。甘匏相親。待淡交。

鴈

受天正氣。得陽生。北國南人。共說名。聿又影時。拾健
翻。繼又鳴。處響和聲。津冰札重。新婚贊。帶雪書通。故
國情。試序向同。兄弟義。人而格物。要學明。

葍

江北人言有蔓青。春來得地自生又。苗抽便見厨新
葉。根惡那堪葉美莖。曾八江南菰擅價。好同河內菜
調羹。葩詩一自經題品。萬古猶說偉名。

菲

菜菜人言蓼与葵。豈知佳味菲。

迸出冰霜

潔。葉厚偏承雨露滋。價重三春名草播。

美

咸推自從葩傳表而出。凡卉紛然敢苟差。

茶

自形自色物皆殊。菜品吾知苦者茶。氣得均之生意

有、毒、滋、何、以、善、根、無、詭、深、敷、匭、匭、威、浮、桀、詠、播、如、胎、
化、被、周、爭、似、眷、甘、人、所、美、較、渠、殆、不、啻、薰、蕕、

薺

佳、種、殊、非、百、卉、凡、生、來、本、是、菜、之、甘、善、根、潔、白、冬、霜、
瑩、茂、葉、萋、青、春、雨、涵、品、陋、苦、荼、人、所、惡、名、留、本、草、世、
猶、談、芳、騰、衆、口、俱、稱、美、風、味、應、調、鼎、鉉、參、

榛

草、有、靈、芝、木、有、椿、誰、知、山、亦、有、^山榛、霜、根、早、托、膏、腴、地、
地、兩、葉、低、承、潤、澤、仁、清、致、好、同、苓、播、詠、赤、心、應、與、栗、

烏

知渠元不墨之徒。何事全身黑染烏。双翼影来紅日裏。数声啼破碧雲衢。火流尾上祥開武。木宿臺中兆應朱。反哺况能明點好。何吴視汝愧心無。

茨

木有靈椿草有芝。豈知牆有蔓生茨。根荳盤結藤依物。芒刺峻增跌作椎。襄不可襄詩訓在。拋非所拋易言垂。世途大抵多荆棘。君子學行平路岐。

免絲

麥封名久世人知。誰說唐蒙是兒絲。田野闢生隨地
長。樹原庇蔭有天私。沐鄉爰采人猶詠。本草曾言國
可匡。向匪葩詩形表出。誰知物有物中奇。

麥

百穀元來不一名。尤又其麥得全生。頻浮翠浪當秋
茂。掩冉黃雲正夏成。兆應兩岐歌屢播。收來百室喜
皆盈。矧今天啓興王瑞。願效周臣頌載賡。

鷄

²⁴山鷄野鷺性難馴。爭

鷄

所居欣自

得奔又匹樂相親挽回太古凡猶

不倫况又星陳時應名垂鳳曆永年春

栗

出從軒國種移來占得芳園手自栽
花似鳳冠黃作朵
寔垂鷄子玉爲堆
好同杜栢聯芳譽
曾共宮榛萃美材
筮寔况供宗廟用
不孤天意厚栽培

桐

氣得於天物不同誰將四種別
梧桐高岡應照千枝月
金井秋傳萬景風
思厚剪珪周令主
歌形伐瑟

術文公有詩引得鳴朝鳳壓倒園林百萬叢

椅

物生雖是物中奇材美堪嘉木
有椅皮并桐皮相色
色實如梓實不
鄘風見美文公室湛露曾稱君
子僕琴瑟况堪為樂器笙鏞王
道信多裨

梓

葉不梧桐理不楸美材美尔異
凡株清標高聳雲霄
近厚澤低承雨露濡形色雖由
天氣化輪輿全在匠
工夫况於故国梓喬木
攀世覓昭望素孚

漆

葉似靈椿花似槐不知

根早占膏腴

地有器用材諫草焉能

絃

雕甍情深好與相結不啻堅如陳與雷

桑

野外之郊又外塲相肥饒地植宜桑春回沃若葉榮

茂猗然條達揚札有執筐親者后時無奪要重

於王信乎民所資為本剝產惟君助有方

竹

好尚淇園植美名。此君苗譜筍猗青。高標挺出雲霄迥，勁節來木霜雪經。衛武德猶聞後世，溫公望久注生靈。春來更喜龜孫長，侯封列笋庭。

蝻蟥

高下洪纖物不齊。小蟲見說有蝻蟥。脂兮於粉堆施粉，身出于泥不染泥。伸屈非天理者，清揚可譬美人兮。誰知一箇無知物，千古騷人有品題。

螾

76 巧蟬若似却非真。人道蜻又這是螾。綃趣拵隨風逐

逐玉池細

粼人漢宮早衰花鬢露隋苑潛窺

眼春奉

孰然超物表方知羽化是前身

蛾

世間無限物之多誰

蛾

靚粧天素

女長

漢橋娥藏身却是

孫

子多寄語徧身

念功應可叙惟敬

鮫

率性由來本自天巨魚拉得別名鮫甲浮河水洋又

若鬣奮江流潑又然文視黃黿同色一價高青鱗重

斤千禹門三月桃花暖奮迅登浪級先

鮪

殊非凡物戀汙渠吾羨魚名有鮪魚奮迅長江飲自
適優游巨壑縱乎如潛雖伏矣孔昭若歆並生哉可
駢諸春到禹門高跨浪崢嶸頭角異於初

鵬鳩

物之彩者物皆殊於衆禽中有鵬鳩染黛日彰奇見
在桑時喚好聲悉肯同野叟馴山雀那向漁舍狎渚
鷗欣遇上林春色好樂與鳳凰逢

154
檜

栢葉松身異種生。阿誰木以檜為名。昂霄竚竚標堪
仰。傲雪凌霜節愈貞。譜在葩詩時取重。名垂萬禹貢。
價非桮濟川用。汝作舟楫副我皇。王倚望情。

花蘭

萬物盈於天地間。草

蔓。堪資樹上盤。歌播衛風人善。

見自從君子表而出。

然草養芥看。

蓬

蓋凡物又不相同。得地之先草有蓬。花聚鬣鬆形亂。
髮葉隨旋轉。逐狂風。制車帝取諸隨。美編戶儒安一。
畝宮。張矢四方。男子志懸門。亦有策奇功。

諛草

於堂之背。闢名園。得地斯言。樹以諛。葉發四垂。援綠
染花。開映紅翻。有懷思伯。葩詩在見。号宜男草。
譜存世以忘。憂求善種。予每日無諛。

黍

粵自神農初藝時。穀名有黍土咸宜。嘉苗得雨。花又

秀好穗如雲，垂后稷教民勤。降種周公愛，主寓陳詩蒸民乃粒功。為大但願皇王稼穡知。

稷

稻秫菰粱種又生，穀中亦有稷為名。春來穰又苗誇好，秋到穰又穗竟榮。狼戾倉盈多委積，馨香廟為備。梁盛年豐正是農夫慶，廣樂太平。

瓜

雀李羊桃世浪誇，誰知花繁又紅蒸。

葉結實，柯因物而拔將意願。

民其方况又堪匡國

民十倍加

蒲柳

天地之間無物無誰知蒲柳亦名蒲根蟠董澤生成
異種類詠播周詩多東楚芳垂魯史異

凡株美渠生也直如矢千載昭又本草圖

薤

南有薤兮北有萊那知谷有草名薤莖又葉長青成
簇節又作堆說見葩經光古往名留草譜

78 今來藥方况壽生靈脉醫吾人稱調劑才

158
鬼

中山苗裔古猶傳。走又群中性樂天。行五儲精非一日。窟三遁迹蓋多年。圖合星中象。搗藥翻成月。裡仙一拔毛。為天下計。有功儒教孰爭先。

古詩莫恨韓名
江每倚拔人石

解利
人間

蕭

藤非生蔓木非條。蒿屬人言有荻蕭。葉帶清霜如雨潤。斗生風飄芳並名。婉三年父異品。應高四月。姜脂熱况堪供祭祀。記永昭人。

百敏草有草之英，徙美

紅葉北蒿同色

色綠，並生又二千石，綬人稱貴

天

壽平儲得篋中時，年大效必然成

麻

百穀元來如此，誰知佳種有名麻。丘中竟秀花，又

葉，淹外勃，又花。炎帝芸初垂史簡，公刈種後著

詩葩。信乎日月資為，吾民幾萬家

79
樹花杞

柳屬人言樹杞名，托根多向道傍生。
稍麤淡染葉莖，白微。理青時有詩人知價重，世無仲子敢誰拵。
靜覓微物性咸，得天心聖化成。

栳

許君物有許多般，這裡那知樹有檀。
滑澤青皮滋雨潤，堅貞素節傲霜寒。
材生本是天心厚，輪琢全歸梓匠覓。
一八葩詩形品藻香，取後人省。

豹

有種名程種木狸，南山矯又壯哉威。
吞牛志氣克然

大變虎文章

輝表飭吾知千室貴管窺彼見一

敏微世人謾

貪性回視廉名似尔稀

鼠

羽族紛然性各殊爭

群侶以

遠避人猶微

傾湖

舜花

雖王今鳥向南來

種多異狀不嫌多最好花中此舜花色有四時皆好

80
色葩無

葩滿頭玉排安陽帽粧臉紅生鄧

162
女車千古芳名終不泯朝

王家

荷花

時惟首夏尚清和。彼澤之陂花有荷。西子曉粧紅暎
水。太真新浴。澄波風生閣上。清香遠目。滿湖中富
貴多。君子方知君子操。賞心應唱水仙歌。

松

種出徂來異氣鍾。亭又上竦有心松。千尋鉄幹接玄
鶴五。髯舞玉竜。歲後曾聞形孔贊。節高那肯受
秦封。大材異莫比。爭春桃李容。

游龍

有物生於水澤中。一名鴻鵠。一名龜。在田夭矯潛生。
甲于濕。蹤別種。人言同馬寥。芳名詩詠媿。
虬松雲行雨。施天机見。施墨妙濃。

茹慮

西視凡崩草芥如。

霜茂客諸

筋色

除筭來。國為功大。終覺材生信不虛。

81
蘭

有草名蘭似澤蘭人又道是水傍蘭紅霞光映紫莖
上香馥綠葉間好助溱人同樂賦曾經孔笔八
詩刪芳騰重價春三

總芳詞

為藥

廣陵佳種有將簞獨冠名華天下奇綠葉雲濃樓翡翠
雨潤賦燕脂名聞上國春三月譽播中書香
四時若論眾伍花王第一首相知

狼

鱗者潛兮羽者翔誰知走獸有名狼難馴野性那堪

秦
漫自藏笑彼暴滋浮虎猛何誰說進戒
年將矧今天啓太平會燧熄欣覓靖四方
柳

首是章臺肆態嬌綠情脂吐向春朝日窺焚園開
楊堤舞細腰富貴先呈高相宅風流盡在杜陵
橋倩
藍袍色畱待吾儒夸鄧標

賣

水生來出自汾

角如賣
斲差相

82
却

真草譜瞻芳

豈

166
無因濟生

活得疲癯億萬民

莠

凡草無名殆萬千甫田惟莠謾惹芊有苗漸長驕又
若多傑又然君子須鋤方種後聖人深戒未
萌前矧今糧不重慶大有年

蟋蟀

變生化又自形又促緘茲鷄不一名索又影時搔振
羽啜啜鳴處乍在堂屢把風篇詠居壁堪推月令
行候候秋吟隨氣感亦猶聖明

榆

言山則有山樞于濕誰知樹有榆
美疇青錢模樣巧花開白玉色香殊
襄州夾道今在猶豐社畱名古
可無此種祇應仙家景致近清都

椒

剛方占得地肥腴樹似茱萸種有椒
子盛繁多隨氣感味香烈却寒消
刊詩古有垂風什作頌誰將獻
歲朝桂掖宮壺貴芳聯李杜與揚羊

83

棚

168
苞厥苞桑物並生

壽長伴喬松與老彭

稻

曾聞嘉種出南方農藝於初稷播秧苗長春風針水

綠

雲黃塲登穀有倉儲滿在為粢供祀

意將明主矧今

又民陶富足治馨香

鴉

小匪鷦鷯大匪鵬元來鴟類是維鴉翩然奪翅青霄

近穩尔 古木喬旦寓為詩閒可戒 誼形作賦恨

隨消惡声笑彼 争似和鳴彩鳳朝

茗

匪菅匪棘匪椒聊 健羨高功有旨茗 葉似疾黎青
鬱莖 豆細搖又 苛閑雜色 丘生鶡 美婉華容水
有菰記取葩詩中 人始說 是凌霄

荷

中池碧玉瑩 浴波淨樹亭 又種有荷 白水真人張翠
蓋 溫泉 紅罌 香步太 洹清風遠 色映濂溪霽

月多更有一般
咱高歌

長楚

蘋藻人言沼沚毛澤

得兩膏氣卧乎天

者君子形諸一字褒

鳴鳩

種類元來種有殊
人言結福是鳴鳩
在桑喜得棲身

穩
為子謀
教傳揭來良有自
葩詩表出豈

無由曉來喚起助

春樹頭

阮文階

天祿美蓄人光興三年庚辰初復會試科登進士第二十餘年中起遷都御史弘治間累陞吏部尚書掌六部事兼都御史少傳澤郡公以文臣居首輔位遇隆重深為上所敬信永祚中鄭椿作亂從駕四清華收合將士進兵克復京城以謀歷功陞少尉少封翊運贊治功臣尋加太付卒贈太宰加贈大司徒賜諡謚度

近体詩一首

黎伯驪

東山巨範人家青池盛烈仕昭宗朝枚川使從莫累官太宰奉國公年七十餘首平諸將昂順本朝封上宰煥國公加平章事卒贈美勲公

近体詩一首

賤少師陳先生致仕

多公德器重於山
與我同心濟國艱
內贊弘謨安社

172
稷外修和好帖郊開半千翊運豐功在七十強年私
第還會上耆英吾有約從容杖履笑談間

黎克敦

伯驪之子仕莫近少傳掌府事普郡公歸順本朝昨太宰
中興功業皆其父子之力

近體詩一首

次父親太宰公韻餞陳雲岩

先王
致仕

再造皇圖奠泰山當為臣賊克於艱多今取日章陽
度邁古矜胡馘子開德遺後人經作訓志追先正老
言還芝御照尺神京在帝所鈞韶夢寐間

①
阮倩

号果川青威耕獲人偽大正壬辰科狀元仕任吏部尚書兼都御史屬郡公順
平間為莫福源所与太宰黎伯驪歸本朝仍其職與卒于清平子阮倦後復從

莫官太保

常國公

近体詩五首

春天和莫登瀛詩韻

春光晴旭滿長空，做出東君宰物功。
淑氣怡人舒暖日，韶華蕩又扇風和。
曆書協紀三陽候，品彙胥陶普並育。
中最喜忻朝嘉吉會，泰亨慶與萬方同。

御滿和莫登瀛詩韻

地接清光碧繞滿，源又引得玉
月蘸低回。水樓偕樂魚翻文，沼躍
貸貧賦馳漢。

179
教曹子學和莫知登澆韻

相帝君師係匪輕學先教曹如陶成
彷彿隨豫養柔而栗樂寓流連和且平
道本諸身三善得化推及遠萬邦
貞盧周美意今猶古後世應知作準程

餞陶儼北使

我覓公許六行年遠大前途好比肩
昔我愧曾魁榜首今公快著使鞭先
安花每矢心無貳忠孝應知道
兩全事濟功成旋喜日芳名管使九州傳

次韻賀少師陳斐致仕

登邁官今來紀邁三從頭机軸卷厨誦文章政事施
皆可邊郡朝廷用迭堪門較高年供盛事家餘善慶
是儲儋同年五十今誰在又是先生後世談

全越詩錄卷二十二

翰林院承旨穎城伯臣黎

奉

旨編定

國朝

吳致和

東城理秦人與父致知並登光興壬辰科進士還陞刑部右侍郎刺吏部弘治丙午克正使還陞左侍郎富祿伯尋加戶部尚書兼國子監祭酒教

年進爵富春侯未祚五年加少保卒贈春郡公

近体詩一首

彭城懷古和正使阮朴甫韻

城下維舟駐使輶尋思往事慨前朝江山風景愁猶在
古今興亡恨未消河面水流霜滿白峯頭雲擁日

當朝昔年戰地今何在惟有青山聳碧霄

沆 吳

字朴甫東岸雲恬人光興乙未科進士十年中起遷礼部右侍郎弘治七年丙午克正使還陞在侍郎芳園侯十九年進刑部尚書兼翰林侍讀掌翰林院事永祚三年加兼東閣學士五年轉礼部加少保封翊運贊治功臣十一年陞少傅蘭郡公尋進少尉固老參預朝政方隆四年加太保年午以戶部尚書太傅致仕年八十二贈太宰諡忠純為人寬和尙重儉約朴素有古君子先子宜擢弘治己未進士同特終用仕正吏部尚書少尉即公曾孫室仕玄孫審賞並登進士累代貴顯為北江望族

近体詩十六首

奉使登程自述

迂疎自揣乏經綸上國覓光喜用賓
從又漢江槎貫斗駘又周隄馬馳駟
天高楓陞澄昭近日暖萱堂人望頻
事濟功成還國早平安二字報君親

壯歲叨登將相科。溫膺盛送詠皇華。車馳嶺嶠山消瘴。船度江淮水帖波。燕北駸又通夏貢。交南早又返同車。歸其有命幸全君。命忠孝初心矢靡他。

贈廣西巡撫院

早秉忠清立聖朝。勉偕臯益佐唐堯。楓庭在昔曾端笏。桂嶺于今暫^駐輶。令肅轅門嚴鎖鑰。風傳邊塞播歌謠。告成早報冀黃政。指日遄歸荷竈褒。

奇才運用自胸襟。萬里維藩榮戟臨。幕府秋霜軍令肅。籌樓夜雨鼓聲沉。寒消狼燧千重碧。海帖鯨波萬

180
頃余徬政在人應不泯長教百姓誅棠陰

贈曲阜孔

曾因旅貢帝庭中何幸征途睹鉅公
醉徬這情方戀戀登程客興已匆又
清光西處一輪月和煦三春萬斛風
一見不嫌相愛好芝蘭氣味本來同

又述懷寄曲阜孔

平生我亦志男兒事業功名每自期
數百詩篇曾誦究三年驛路任驅馳
壯途幸得風雲助嘉惠欣承雨露滋

泊舟彭城大雪述懷呈同幹
明媚乾坤暖律回。何為柳絮下皚皚。又山影雲閣歎
龜尾。鹽撒蘭舟蹲虎堆。帳下消金添酒興。硯中凍水
懶詩裁。奉璋預喜遄歸早。駢道爭看雪裡梅。

江中晚眺

仙舟泛又泗津過。四顧江天帶晚霞。鴈字縱橫回紫
塞。魚梭潞刺押晴波。元龍湖海襟懷潤。司馬山川興
賞灵。且喜帝京今較近。暫停客舫听漁歌。

燕京即事

見光此日到皇城。浩蕩春光動客情。霜滿千門車馬迹。風吹萬戶管絃聲。檯頭快覩雲霄近。拭目欣昭日月明。陪价遠臣孚就望。三登屢祝泰階平。

簡欽差官光祿寺丞范

早登顯仕佐清時。望學風猷簡聖知。明命祇承言若緯。花途載駕轡如絲。闕前号令凡霜肅。塞外聲名草木知。預喜功成歸闕日。電光稠疊荷殊私。參陪棘寺幾餘年。王事勤勞任獨賢。日烜重霄啣鳳詔。星馳萬里駕駟鞭。却將霧煮煙蒸地。共囿雲川雨。

施天詞命文章斯不朽。寶碑何必勒燕然。

南還至五嶺

五嶺宮闕鎮粵陲。許君景致占清奇。鸞鷟冬後松千
幹。濃艷春前梅一枝。銅柱徵王留首蹟。石街張相儼
叢祠。封卦自古分中外。堪羨天工巧設施。

致仕簡同朝

遭逢盛運夙緣諧。溫進公明位斗台。臺閣規模徵典
定。國家事務預參陪。明農魯企周臣志。致仕重欣梓

里回

悵

題影來寺

嶺峽稱清遠，提封控海堦。
錦屏開甲乙，銀帶遶之玄。
景有山河秀，居無車馬喧。
樓臺全灼爍，院宇玉蟬聯。
雨捲珠宮棟，煙消寶殿椽。
雲庭垂象教，水閣續龍泉。
塔影涵秋月，鐘聲到客船。
靈禽獻藥菓，仙鶴避花煙。
野鹿啣花供，山僧採藥旋。
叢林真第一，世界曼三千。
帝子祠猶在，孫妻碣尚傳。
有無難說著，品藻任詩推。
顧我來鸞趾，賓王捧鳳箋。
舣船登覺岸，披霧覩青天。
曠觀多賞適，逕陟恣留連。
對景情無限，舒懷寫一篇。

泗亭懷古

泗亭名勝地。漢業此初基。皇矣寬仁主。興斯仁美師。
英雄歸駕馭。知勇八鞭笞。軹道降秦鹿。垓心蹶楚驎。
先塵三尺劍。宇宙一戎衣。汜水怨宸極。閭中建帝圻。
不勝迂子意。翻起故鄉思。迢迢回輿日。畱連奪筑時。
歌聲多慷慨。豪氣更淋漓。世代嗟迂革。英雄久已非。
亭蕪菴米散。臺古兔輪移。花色春長媚。鴈行秋正肥。
寒枝栖皓鶴。老樹射黃鸝。井帖灰炎火。江澄漾碧漪。
客來尋古迹。拭石認殘碑。

阮名世

初名拔彰，分勳內人。光興乙未科進士，弘治初以居服中不從，偽命擢憲使。又加都給事，陪從府堂。七年丙午，以寺卿北使，還陞吏部右侍郎。累差督視將兵討高平有功，陞兵部左侍郎。遷都御史，永祚三年再為督視。却椿之變，以贊登安內。進功進工部尚書，瑞陽侯封翊運贊治功臣。錄討高平功，加少保。尋陞少傅，轉刑部。進崇郡公。隆四年，拜參從預贊國政。嗣又加太保，掌東閣，知經筵事。福泰二年卒，贈太傅，謚文忠。加贈左司空。名世操守剛方，達政體，練兵務，揚還內外，凡五十年，為時能臣。

近體詩四首

北使登程自述和正使阮朴甫韻

遭逢熙代擢高科，刺喜同時奉使華。
周阻馳駟花有影，漢江泛艇水無波。
壯途正喜乘肥馬，重任何當載大車。
忠孝從來臣子職，丹心一片本無他。

泊舟彭城大雪和正使阮朴甫韻

九十韶光淑氣回。瑞呈六出舞絳皚。紛又柳絮異瓊
國。皎又鹽梅結玉堆。金帳羔兒頻酒興。湑橋驢子八
詩裁。陰消陽長今朝是。春信曾傳臘月梅。

江中晚眺和正使阮朴甫韻

四顧微茫映彩霞。泗江穩泛客船過。翩又影鳥迴清
渚。滂又潛鱗躍碧波。萬里乾坤歸眼濶。一天風物適
情多。功成事濟回朝早。盧陞重賡喜起歌。

南還五嶺道中和正使阮朴甫韻

屏開綉嶺頤炎燠。筭翠層又特地奇。傲雪松條鋪老

188
幹先春梅 茁芳枝迹存漢將標銅柱忠表唐臣簇

登祠應是天心分界域越南千古奠王基

阮維時

安朗安朗人光興戊戌科進士弘治七年丙午奉使還陞僉都御史芳泉伯
十七年陞副都御史永祚間以從駕收京功陞吏部左侍郎芳泉候封翊
運贊治功臣尋進工部尚書保泉郡公福泰初却檄却檄作亂与范公著計登差兵先期朴
勦迄清內難以功陞參從吏部尚書掌六部事間秉鉤府累加太傅位遇隆重上甚信
嚮卒贈太宰性方嚴剛毅當國日久安內靖外屢有功劳當時稱為名相子
維晚仕至左侍郎

科進士

近体詩二首

彭城懷古和正使阮朴甫韻

春日彭城駐使輶翻然感古憶前朝漢家開創功何
易楚帳悲歌恨未消勝負有因天曷故变迁幾正歲
之朝千秋祠廟劉猶項仁暴能無判壤霄

泊舟彭城遇雪次正使阮朴甫韻

殘冬已改艷陽回何事江天下素皚
色家又重疊結瓊堆歐公帖逐梅花好
謝女詩從柳絮裁一望鵞然真可愛好
將用作大羹梅

阮登

桂陽大新人弘治壬寅科正進士鄉試首選五場及府制皆第一弘治十四年以寺神北使還陞戶部右侍郎福岩候遷左侍郎卒進封福神

古體詩一首

和朝鮮國使李斗峯寄東長篇

青海汪洋翠岱崑波澄日鵞湛穹葱蟠桃異種灰穹
勞姜又奉又朝陽桐物珍珠貝銀砂銅皮革文斑虎

豹熊千年春蔭鶴龜梭秀鍾精毓全化工俊彥挺出
科場中尾藹仁賢國不空多文博覽發心章一代山
斗仰鉅公高詞健筆策奇功燁又才蓋世雄氣凌長
劇倚崆峒筆挽文星焰吐虹喉舌班聯台座隆腰佩
鏗鏘玉色瑤雅詠皇華盛送克桎駕征鞍拂柳風懸
河對語沛無窮都得實學得心胸吾道相傳無極矣
雲萍萬里慶來同九重乍奏一書封使星密接紫微
宮鵷行獸舞煥鵝鵠五鳳樓前百八鍾仰昭皇極天
形容萬歲連呼祝岱宗喜今千載一奇逢三生自覺

脫塵蹤。拜觀熙朝叶和衷。聲明均囿世融又。詩懷洒
落肯怔忡。家情何必寄書筒。在苒初秋客思忽。斷續
閒閒砌傍虫。一輪明月轉雲蓬。衡南沔目曉。歸鴻相
憶更深受亦慵。天边望濶海之東。余聞遼堞產出神
草叢。匡國良方脉理通。勻調仙劑駐春容。壽涼髮白
益顏童。旦華堯舜歲喬松。得朋載酒且相從。美哉得
朋載酒且相從。

近体詩

北使端午偶成

132
四序循環年復年。節逢重五正陽天。斟來蒲酒長生客。浴向蘭湯却老仙。殿上遙瞻鳳扇。江中閑視鳧黿船。回頭拜祝皇王壽。春八千秋又八千。

皇華盛筵次仁巖伯劉公廷質詩韻

用一華字五韻

笑我詞章乏掇華。偕公此日詠皇華。漢庭忠直追長孺。為道揜肥企子華。專對無能慚謗劣。用賓有幸睹光華。功成事濟還朝日。主組蟬聯佩電華。

賀西江訖送李指揮

西平閭閻望孚時。到手青旗任指揮。玉札近承台帳

密錦帆高掛使星輝三千客里江西達咫尺天顏北
閣依携酒抱琴如有意來春好待使臣歸

旅中述懷

國斗祇奉九重天屈指經今已隔年髮為憂時饒種
又心存許國獨拳拳

準巧歸朝何日是南枝春信報梅邊

和朝鮮國使李斗峯窓前種竹之作

傲霜勁節傍高柰却俗偏宜洒落懷月影節全供逸
興凡声戛玉助吟佳幹栖鳳侶光生彩枝長龍孫逆

194
出階堪狀有文君子德行又綠色自雲排

和
西河人月夜遺悵之作

竹外窻橫挂影疎仰見星拱北辰居纏御國思三更
枕樂聖賢心數卷書琴操酒盃閑館裡鍾聲鼓漏曙
天初一輪澄望回車際兩處清光萬里餘

燕京起程

祇奉金箋出玉京江山萬里快鵬程皇都春盎凡光

好客路秋高月色明冀北回頭辰所近粵南縱目塞

塵
清此回正侍清寧會願效鳧鷖詠太平

贈任城王用棐季輔和元韻

祇辭卅陞向交關詩什重賡四牡還到處高人曾試
面經時好景總同顏舟中喜契青衿話客裡愁消白
髮斑一日奇逢千載憶好將交誼指東山

再簡王用棐和仁巖伯劉詩韻

知音邂逅自他鄉

帳裡羔兒頻酒

載橋邊駟子滿詩裝
鼃蹄花洞雲氍毹
麝褰蘭舟水自香
重訪南城相會處
春深長望樹千章

贈東魯王宗讓和元韻

196
星耀文魁。好使君。相隨相送。奈續紛。千金友誼。三五
酒。萬里鄉心。一片雲。今日鶯聲求友。篤明朝。牡駕促
行勤。同人想到同心處。馥郁蘭香。久愈聞。

除夕偶成

望蛇歲事正崢嶸。今夕災除百福迎。進壽椒盤

色。驅攤竹爆

聲。節華且喜青春好。心壯寧知白

髮生。惟有君親常在念。五更不寐到天明。

贈會稽諸葛緯和元韻

上國覓光輝。紫宸綉袍華彩耀麒麟。奚囊數卷圖書

富族館經年活計貧千里湖山千里水四時花柳四
時春輪

富春山依古

終到嚴州泊客船山頭遙望景依然閑耕隱畔妻又
草寂釣磯頭漠又煙月瀨長流涵碧水星臺高峙對
蒼天羊裘男子今何在高節清風萬古傳

和西河人月夜遣懷之作

斷續秋吟耳傍蛩團又皎月上青峯五更待曉朝天

98 闕仰觀乾乘九五龍

和玉用槩舟行樂詩四章 長慶體

喜道舟行樂，舟行坦履米。八紘舒曉色，四顧豁清眸。
雲凋天邊鴈，灘清渚傍鷗。堪供知者樂，無滯自周流。
喜道舟行樂，舟行好景多。霞蒸紅岸樹，煙銷碧村蓼。
鼓吹鈎天夢，滄浪孺子歌。旅中無興限，烏兔任經過。
喜道舟中樂，舟行浪影分。魚多周澤利，米賤漢民殷。
醇酒醅顏盎，香茶撲鼻聞。客牕閒夢杳，天色正將曛。
喜道舟中樂，舟行興亦清。鍾聲晨霧翳，樹影晚以平。
帆鎖引風快，燈籠掛月明。指期臨彼岸，拂柳駕鞍征。

滕王閣

中夏乾坤古，南昌郡邑名。天星分翼軫，地軸接房衡。
襟帶江湖抱，簪屏島嶺榮。雄州霧列，俊彩鶩星呈。
唐帝符分始，滕王字啓光。流丹高閣置，竦翠上霄撐。
色盡蘭宮出，香消桂殿生。摘星披緯綰，擲浪俯雕甍。
登棟影雲霧，珠垂掛水晶。清流臨宝檻，皎月映丹楹。
南浦澄波帖，西山見雨晴。鶴汀迴大嶼，鳬渚浸長泓。
扑地閭閻密，迷津舸艦橫。杳彩霞霧貌，一色水天清。
晚響漁舟唱，寒聲鴈陣驚。景辰諸美具，賓主二難并。

緬想咸淳禩，遙臨都督旌。
重陽開大宴，列坐引群英。
勝友來諸將，高朋會酒兵。
一童陪酒席，千里會蓬萍。
落笔人爭看，揮毫句便成。
雄文驚四座，藻思倒群英。
凡景長如在，景霜恰幾經。
山河依指點，臺榭迭經營。
並峙寧王府，同高省院城。
千門鋪錦綉，萬戶沸歌笙。
玩賞人拖紫，覓逕客躋瓊。
顧予慚宿學，將命抵神京。
宇宙双眸洞，江天萬里程。
回槎徑此地，感古不勝情。

舒恢仲雅詠

劉廷質

弘化葵渚人功臣林郡公廷賞之子以資望擢授吏科給事中弘治八年
丁未科乞就試登進士累授寺卿仁嶺伯弘治十四年乙丑克正使還陞
吏部右侍郎仁嶺侯尋遷左侍郎永祿五年以從駕功進都御史
累陞戶部尚書侍祿郡公卒贈少師

近體詩十九首

北使端午偶成

使星彩耀太平年五日欣逢五月天
風迎天香擎翠蓋色污蒲玉滿銀船
御前曾憶氣羹賜客裏何須虎
文懸刺喜歸來時節好更陪盛宴預群仙

賀同幹阮陪臣

用干支

已兼才行詞章善甲族高稱毗北阮
寅歲爭攀丹桂

706
杖斗年喜奉皇華。送雲霄望共北辰居。張矢志償男
子志。早又回槎達午維。寅恭此日重相勉。

旅中述懷

中興喜際日當天。詩詠皇華屬壯年。忠愛寸丹常受
寐。詢諏一念每勤拳。覓光已喜詩懷壯。專對重思國
命全。若問客裝何所有。清風明月興無邊。

簡朝鮮國使李斗峯

東方禮義久聞名。瑞彩欣今覩使星。凡物山川鍾地
秀。詞章奎斗燦天經。車書一統歸王會。日月重霄觀

帝庭邂逅雲萍君莫恠人逢知己眼常青

和朝鮮使李斗峯偶成詩韻

進退體

東南萬里隔滄海
耆共衣樞躡斗班
禹會侯綏趨玉帛
周庭札樂萃紳魁
一家共慶今堯舜
大道相談古孔顏
美子詞塏聲價重
長留春色溢毫端

和西河人雨中偶吟之作

黍雨羊又拂柳絲
這中意味少人知
仙樓帳幕千金刻
帝殿鈞韶五鼓時
諸將酒兵撩客興
鴻書鱗信管鄉思
四方張矢男兒志
肯為秋情怨別離

燕京起程南還

拜了楓宸出玉京，輶車穩駕快登程。
足躋北地冰霜冷，面向南天日月明。
弧矢猴償初志壯，江山剝助客吟清。
歸來且喜吾儔健，聖世優游樂太平。

回程自述

用斗字五韻

仰達王庭旅幣書，賜恩擎出鳳凰書。
興乘餞席三五酒，閑寓歸舟數卷書。
梅引清香迎使節，竹鋪玉笋報鄉書。
須知平格膺天壽，五福疇兼驗尚書。

和任城王用棐見寄詩韻

使輶一自出燕關，邂逅仙舟此日還。
客裡從容曾叙欵，樽前談笑又承顏。
文章已覺淵源遠，家世猶蒙誥命頒。
千里雲萍增却重，光儀粹衍仰高山。

和東魯王宗讓見寄詩韻

切偲何幸得逢君，膠膝相投意愈親。
餞席憑君敲白雲，回程快我步青雲。
有懷極覺交情切，靡盬剛嫌玉事勤。
此後日南相記憶，信書好記一封聞。

和會稽諸葛緒見寄詩韻

祇捧金箋拜紫宸，回程此日覩祥麟。
興隨花竹皆堪

賞富有圖書不厭貧萬斛詩懷奮唾玉千年道脉喜
回春各天南北遥望^相兩處清光月一輪

富春山懷古

嚴城又下泛挂船遥望名山独僂然岩畔崎嶇多草
木石磯寂寞半苔煙水滩長遠涵明月星閣高懸照
老天萬仞層峦千古在子陵清節至今傳

梅嶺道中

梅嶺重臨第一關南雄^勝槩亦南安品題花木吟懷暢
睥睨乾坤眼界寬迹遠徵王銅柱蘚凡高張相石碑

嶺北回帶得片光好一路江山最壯觀

和王用棐舟行樂詩四章

用長慶體

健美舟行樂舟行景致出閤河歸一指宇宙八双眸
索興占忘機侶海鷗樂斯知水性滾又自東流
健美舟行樂舟行樂興多江隄栽綠柳市渚買蒔蘿
水鳥聯拳宿漁舍歛乃歌小春時節好客艇快經過
健美舟行樂舟行水泛分河疏王美夏川清相稱殷
月朗波濤帖片清鼓每聞倚蓬窓望際帆影蘸西隴
健美舟行樂舟行水次清湖強湖面潤片靜浪頭平

隔岸鐘聲送當牕月影明
紆纏鄉國思天際望鴻征

和
西河人雨中偶吟之作

豆花雨信報秋寒
客思悠人漏刻殘
睡覺涼窓方曉
起長安紅日舉頭看

陳有禮

上福葛坡人弘治己未科進士
會元左侍郎壽海侯華平贈工部尚書

北使仕至吏部郎公

近
休詩一首

賀國老蘭郡公沅
宴致仕次韻

天教君相契緣諧
位陟公班象應台
閱世耆英高智
誡同朝父子迭參陪
賜金霑渥蒙恩厚
祖餞駢園快

意回如此功名真可樂家山勝賞好開懷

楊致澤

天祿拔擢人

近体詩一首

阮宜

東岸雲恬人國老阮實之子癸弘治己未進士庚午以礼科都給事中北使还陞都副御史壬午陞都御史

年命進討高平有功仕还參從吏部尚書知

經筵事兼國子監祭酒兼東閣大學士以傳楊郡公卒贈太付宜名家子有才望与父實同時任用聯居臺閣世美其榮

近体詩一首

全宋文卷

五

次韻賀尚書貢郡公黎福來致仕

任事功臣不吝摧，赤心自可對青天。
卅墀密勿凡雲會，綠野逍遙歲月延。
九奏鈞韶常在耳，十分忠孝永仔肩。
夜來南斗光輝照，公壽應同八百年。



立朴齋

蘇東坡

意田畝此山多良田樂家山無貴校開

211

105

212

185

全越詩錄卷第二十三

翰林院承旨頴城伯 臣 黎

奉

旨編定

國朝

范公著

唐豪遼川人永祚戊辰科進士應制合格授校討累遷奇卿陽和八年昭祖康王初以王子出鎮山南奉命贊理遂授知遇鄭樛之亂與尚書阮維時定議先期赴勤迄清以難以功陞副都御史慶燕伯尋陞都御史左轉戶部左侍郎盛德五年進參從禮部尚書燕郡公永壽四年加火保兼東閣大學士景治二年進吏部尚書六年致仕加太保國老參預朝政再起復掌六部事參贊機務數年卒壽七十六贈太宰賜謚經濟為人深沉簡重有幹濟才畧居首揆前後十五年典章法度多所建立裁抑倖濫敦尚風節為中興名宰相子公芳登永治庚申科進士

近體詩十七首

214
賀父親太保壽川子康復

福泰七年時爲都御史
父親年八十六

夕朝扇枕愧黃香幸賴洪禧保壽康
聖主加恩隆賜賚尊親邁德迓純常
光生橋梓壽添屋慶並椿萱福集堂
歲月優游仙長老子孫親見位名廊

上父親

慶德三年時父親年八十九
有詩賀親男貴盛

拊鞠生成仰重恩惓惓娛侍遂晨昏
天厨金荷供甘旨國祿叨蒙備清溫
漢幕密陪憑義訓萊庭戲舞率童孫
太平盛會今欣覩慈孝明良福永存

扈駕征順化紀行

珥河進舟

聖主方揚吊伐兵，餘鯨先後豎神旌。
臨流炫耀蓬檣影，壓浪喧闐鼓角聲。
扶日從臣慚算略，乘風志士喜功名。
南溟自此鯨波帖，江漢湯湯佇告成。

章陽治所

十二承宣付畀均，南藩最是重來旬。
江津舸艦千行湊，官署庭垣四面新。
莫謂外臣遙帝闕，遐思列縣總王民。
丹楓方舉中宗政，伯仲龔黃定有人。

章陽懷古

浩浩長風六旆揚，水隄凝望想前芳。
橫江洲渚千年

216
在奪稍威名萬古香。花樹染人餘黛色。叢祠感客有
斜陽。是行正欲憑英烈。盡取烏州混舊疆。

猫子港

厥形巧肖立前山。港路縈紆達海關。銳爪猙獰岩一
頂。錦紋掩映水重灣。安流已息鯨波虐。助順應消鼠
竊奸。古道平渠清適處。村翁時見釣舟還。

神符山

天地鍾靈啟上都。長山一帶號神符。峯攢屹屹撐雲
表。壁立層層到海隅。梁嶺股肱扶國脉。藍鄉城郭壯

皇圖美哉形勢真堪寶徐式休談事有無

白鷗洞寺

創制全因造物工一壺茗洞苑仙宮

此間景致真奇絕鷲嶺漕溪跡亦同

四位聖娘祠

宇宙遙臨大海邊千秋香火獨巍然聲靈直與乾坤
久志節長同日月懸

此行正欲祈玄貺默佑皇圖億萬年

任宋治成餘富相閒。建業留來賢子繼。暮齡帶得令
名還。國家之福身之福。滄海江湖共傘山。

賀承政使同正派致仕。

宴了江亭上驛亭。輝煌錦字耀行旌。殷勤相賀無他

語。塵祝南天朗壽星。

知足先生興雅遊。珥河勝餞上仙舟。江津士女觀駢
道共道賢哉我大夫。

阮廷柱

號怡軒。青池月。益人盛德。丙申科進士。會試應制皆第一。仕至翰林校討。砥堂男。致仕。好獎拔後進。講學授徒。朝夕不倦。弟子出其

門甚多。子廷栢。

進士。廷栢。憶探花。

虬角龍髯色最饒。冬春擬時擅高標。清陰得地滋奇
質。翠黛參天聳老條。對植何人供哺咏。從遊有客樂
逍遙。

次韻餞兵部尚書貢郡公黎福來致仕。

時中義合巽行權。今大夫真古樂天。台斗座間曾踐
歷。蒼英會上好招延。壽康福祿春長在。忠愛襟懷老
永肩。剝喜雲仍勲業盛。宋彬唐度亦同年。

次韻餞少保錦郡公阮厚春致仕二首。

德邵年尊智識明。銳簪少府便辭榮。竹花談笑昔司

馬山水優游今廣成。惠散疏金歡族黨。香聯寶桂艷
科名。閑餘應作釣韶夢。愛國憂民未已情。

勵翌當朝共庶明。秉心忠愛豈貪榮。六三含美坤貞
守。九二色荒泰治成。點染星霜高歲月。娛遊泉石外
功名。綽然進止多餘裕。官祿區區異俗情。

次韻錢工部尚書廉郡公阮可擢致仕

居官剛介樹風標。高致完名顯治朝。竹植花栽圖洛
社。詩賡酒宴溢虞僚。黃駘朋友歡同遂。清白兒孫報
自昭。宸陛如將民事訪。爲言擊壤頌唐堯。

致仕簡同朝

才疎學淺愧通儒，濫玷科名歷仕途。
在郡慚無施政，治立朝奚有展謀謨。
可爲幸遇昇平世，得謝閒娛長老圖。

德業深慚曷所長，累蒙重任恐難當。
日陪漢幄微籌畫，時亮虞工乏贊襄。
揣分只嫌愚且魯，自天幸錫壽而臧。
太平欣倚諸賢力，野叟優遊歲月長。

阮厚春

至靈樂山人，初名明哲。德隆辛未科擢花金殿應制，皆第一。仕至陪從工部尚書，諡川侯。年八十三致仕，加少保、錦郡公，壽九十五。

述體詩一首

致仕簡同朝

多幸孱微佐聖明。剖信踐斗有餘榮。蠢愚叨竊姜者
者。愿慙羞慚旦老成。洛社羣英希逸趣。潯陽三隱愧
芳名。萬年敬祝皇王壽。朝野無忘忠愛情。

武惟志

唐安墓澤人

近體詩二首

次韻賀太傅拔郡公楊致澤致仕

會際風雲契夙緣。可稱德備又才全。棟隆過四任當
重。章美坤三道愈堅。睢老煙霞春圃煖。呂公衣鉢相
門傳。得閒又值華勛旦。好與喬錢引壽年。

謝事簡同朝

自愧微功預斗班。乞休幸仰大恩頒。霜髯雪鬢春秋
老。水竹煙花日月閒。御族惠同疏傳樂。兒孫福裕采
參還。寸忱芹曝虔敬頌。聖壽南山國泰山。

胡仕揚

瓊瑤完厚人。陳朝胡宗。薦之後。慶德壬辰科進士。永壽二年己亥。東閣科中第二。陞大學士。陽德初。以吏部左侍郎。北使還。陞工部尚

書。涵郎公。尋進參從。刑部尚書。兼東閣大學士。卒。贈少保。曾孫仕賓。登保泰辛丑科進士。

近體詩九首

錢大清冊使程芳朝

景治五年。大清使來冊封。奉命伴接。

隆平治象正融融。天使遄命臨錫公。絲轡方攀原上
駱。綉裳還憶渚邊鴻。清光秋暎梅開月。和氣春生桂
嶺峯。交際一時深適願。贈言聊寓數篇中。

荷橐曾經侍草麻。使乎今日駕韶車。芝封捧向行行錦。梅驛馳來處處花。雨沛南陬春有脚。風高上苑玉無瑕。矢弧償了男兒志。昭德臺前屹纛牙。

習習東風送客輶。鵬程九萬快扶搖。雲邊彩鳳啣丹詔。日下龍旌映紫霄。蕙政肯教生貝錦。檳榔應可引

紅潮。歸來條奏南交事。願道人人順帝堯。

科第名高職要清。皇華吟咏美斯行。北宸偃僂重霄命。南徼馳驅萬里程。宣布聖恩孚日就。懷柔越甸益

春生。功成事濟還朝日。爲道藩方恭順情。

錢冊封副使張易賁

欽命 中朝上玉鞍
迢迢重暖破輕寒
清宵碧月胸襟瑩
紫陌紅塵眼界寬
和氣接人彌灑灑
丹心許國每桓桓
羨君風度真君子
瓊樹瑤林不厭看

鳳翥祇承自總章
使星耿耿照南方
巍冠聳蓋威儀盛
甫坐嘉賓笑語香

勿言中外殊風俗
學術從來本素王

紅擁澄貼帝所雲
清光喜得襲餘曛
宸章捧出重霄命
帝澤光回萬象春
五瑞合符頒岳牧
九韶詠德頌

226
華勛一從馬首言還後，猶想英風美質文。

次韻賀國老燕郡公范公著致仕

首尾格

五百年間名世儒，大羅步步快程途。
日宣方引朝名德，時止翻^思聖訓謨。
疏傳功名光舊譜，潞公容貌上新圖。
保真更^妙調元手，福壽彌鍾宋鉅儒。

次韻賀國老芳郡公武惟志致仕

堂堂名德位臬班，得謝如今玉綬頒。
裴相亭臺多逆樂，錢翁歲月自清閒。
坐觀明聖垂衣治，笑看兒孫衣錦還。
忠愛初心長不替，拳拳天保祝岡山。

同存澤

至靈屋陽人進士同沆之孫福泰丙戌科進士永壽四年奉使還墮戶部左侍郎累進參從戶部尚書義巖侯致仕加少保卒贈吏部

尚書義郡公子秉猶正和

辛未科進士仕至參政

近體詩一首

次韻賀工部尚書廉郡公院可擢致仕

剛方君子樹風標謝事欣逢有道朝韋馬薛車光里

第洛耆睢老集廷僚九章驚晃恩榮峻千古縑緗事

業昭想得此回真樂趣從容擊壤祝唐堯

申全

安勇芳杜人屋居梅溪參政申珪之子慶德壬辰科進士正和初以左吏部使還墮兵部尚書進參從尋改礼部子沆登進士仕至吏部左侍郎

近體詩三首

次韻賀國老芳郡公武惟志致仕

謹信忠勤幾與班始終浩瀚聖恩頒漢基創日蕭公

任來治成餘富相閒。建業留來賢子繼。暮齡帶得令
名還。國家之福身之福。滄海江湖共傘山。

賀承政使同正派致仕

宴了江亭上驛亭。輝煌錦字耀行旌。殷勤相賀無他

語。塵祝南天朗壽星。

知足先生興雅遊。珥河勝餞上仙舟。江津士女觀駢
道共道賢哉我大夫。

阮廷柱

號怡軒。青池月。益人盛德。丙申科進士。會試應制皆第一。仕至翰林校討。砥堂男。致仕。好獎拔後進。講學授徒。朝夕不倦。弟子出其

門甚多。子廷栢。進士。廷憶探花。

近體詩八首

贈大清使周燦

巍巍令望播璋珪，意是靈鍾自陝西。
一品麒麟辭鳳闕，千重烏道度山溪。
五花喜見褒綸煥，四字欣貼御筆題。
壯駕言歸長記取，高名千載諒山齊。

聖朝文德著先休，爲道瀛溪更出周。
丹陛揮毫承顧問，皇華攬轡廣諮諏。
南交寵命增光賁，北闕芳名愈炳彪。
歸路從容多好句，江山萬里盡囊收。

和周燦勉學讀書詩二章

翩翩令望遠人欽，道統淵源本寸心。
學辨六經同皎

日功基一簣起高岑達時鳳鳥凌雲翥得意魚龍見
水沉萬里天南親絳帳程門立雪在如今

問君聞道幾經年掘井功深已及泉只爲前賢明要
訣固令逸域見新編伊周事業稱隆古孔孟經書得
正傳海外弘文光聖化不同西域昨張騫

致仕簡同朝

有幸登科佐聖時昕庭預列在師師當官自愧無奇
節善誘奚能覺後知瘦骨峻嶒驚末路恩綸漫渥仰

洪私熙朝匡弼多羣哲野叟長歌擊壤詩

和周燦留別詩韻

丈夫身立綱常重，箇道爭光三極間。
傳記忠臣猶烈女，尼山已遠問驪山。
書啣咫尺近天顏，一代文人識馬班。
遙望仙塵歸漢表，春風曉日照燕山。
調成白雪足千古，坐對春風僅四旬。
數萬里相思勞夢寐，淡交君子自情真。

阮國楨

青池月益人，鄉試四期並第一。永壽己亥科狀元，景治五年以刑部右侍郎北使還，墮礼部左侍郎，陪從轉吏部。德元間兵變為所害。

116
贈兵部尚書池
郡公進封福神

232
近體詩二首

次韻賀少保錦郡公阮厚春致仕

詩稱君子保身明得謝如公世所榮聚會可方臯叶
契斐恭何愧旦匡成應同廣惠受能分惠不使曾庠獨
擅名白髮從容重見問卷阿天保莫忘情

次韻賀工部尚書肅郡公阮可擢致仕

疊疊珠庭日角標可嘉元老歷三朝豈爲好爵移高
志應想黃樞共大僚壽俊儀型喬泰重名儒勲業鼎
彝昭寬和增裕兒孫福遭遇還超漢趙堯

武公道

唐安縣澤人永壽己亥科進士陽德二年以參政北使還陞右侍郎
歷仕都御史入侍經筵以言事罷職再起爲礼部侍郎致仕陞工

部尚書壽嶺子

卒壽八十餘

近體詩三首

賀尚書武惟志壽次提刑武惟諧韻

白髮儀朝自古榮

耆齡魏我黃閣疑仙

閣燭耀台星對壽星平格已應延鶴算善慶更好看
槐庭鰥生何幸陪佳會塵祝箕疇壽且寧

次韻賀國老芳郡公武惟志致仕

桓圭赤舄冠朝班白髮皤皤

頤廊廟幾經紆計

畫鄉園却已戀休閑丹墀一允投簪請洪路重欽衣

錦還且喜家庭餘慶厚香凝丹桂滿燕山

致仕簡同朝

仕途日月歷居諸。請老拳拳效上書。寵命獲霑新雨
露。清風不換首田廬。壽朋對樂春無限。道派流芳慶
有餘。梅鼎調羹多碩德。食芹寸念任閒居。

黎軾

雷陽三弄人。永壽己亥科進士。會元。仕至憲使。性勤誨誘。人才多所成就。弟子滿門。其後多為名臣。孫麟永慶辛亥科進士。

近體詩一首

次韻賀國老芳郡公武惟志致仕

聖朝元老尚書班。得謝榮回沐寵頒。四守坤貞無少
吝。六敦艮止有閒餘。東牕紅日高吟起。春祿涼風細
詠還。更喜兒孫書澤裕。枝枝柑桂滿燕山。

黎僖

號湛溪東山石溪人景治甲辰科登進士年始十九正和二年北使還陞東閣大學士萊山男累陞參從兵部尚書知中書監伯卒贈吏部尚書

郡公壽

八十餘

近體詩六首

贈大清使周燦

袞衣方幸炙公顏何事匆匆飭駕還
湘水無情催艤易苗場有意繫駒難
吟成好句三江月酒泛離筵萬里山
識得殷勤忠愛念帝城咫尺五雲間
斗槎遙泛下炎封近接何緣偶爾逢
曉日三秋貼瑞鶴高樓百尺識元龍
板轅不憚塵中拜附驥無由尾後從
多少笑談縈夢寐寒山何處叩晨鍾

116

次韻賀右侍郎梅海侯黎仕徹致仕

家

嘉興時酒友邀居

易樂處琴交覓伯牙。遊市任饒他跨駟。還御榮遂我
懸車。此回更有怡情處。好向燕山玩桂花。

次韻賀國老芳郡公武惟志致仕。

巨勲雅望稱臬班。弼亮多年荷寵頒。解組漢臣方叶
請。明農周宰自休閒。昔安社稷垂紳措。今擅功名拂
袖還。椿老蔭敷丹桂茂。澤村應喚作燕山。

次韻賀戶部左侍郎蘭泳男吳珪致仕。

名立功成自有緣。休閒此日養高年。彤庭得請蒙新

寵綠野傾閒擬昔賢堂會耆英盃屢酌門無俗客榻
寧懸書香更喜兒孫繼景福應知介自天

重構石溪橋紀之以詩

將使斯民大道同于今用作濟川功鳩工不假填河
鵲成象渾如駕海虹車馬志償題柱客竹花興適覓
廬翁從茲坦坦亨衢達字國均霑福慶棠

2

○

阮曰庶

州鳳山桐人祭酒阮文廣之子景治甲辰科進士陞陪從吏科
都給事中永治元年丙辰東閣科再中第二仕歷參從刑部尚書

近體詩二首

次韻賀兵部左侍郎蒲瑞男阮文富致仕

遭逢幸際太平年名遂功成晚節全殷陞清光陳一

德洛都閒暇萃群賢
喬錢歲月塵囂迫
韓竇家庭世

祿延會得栽培生
物意窓前翠草自芊綿

次韻賀參從少保義
嶺侯同存澤致仕

弼亮多年審處功
大臣戒滿道惟中
千莖白髮匡時

念一片丹心許國忠
台斗聳貼朝望在
河山永指世

休同

阮冠儒

瑞原挽河人景治丁未科進士正和二年北使還墜工部右侍郎累陞參從兵部尚書知中書監即公平贈少保為相務寬厚持

大体時人推其德量

近體詩三首

次韻賀右侍郎梅海侯黎仕徹致仕

累朝勲烈在王家。一德陳來荷寵嘉。白鶴自隨饒虎
伴。青山直向搗龍牙。吳江樂季鷹。駕沛邑榮傳廣
德車。且喜桂枝芳馥郁。盛筵重慶唱梅花。

次韻賀兵部左侍郎蒲瑞男阮文富致仕

遵禮方投疏。引年榮鄉已喜官。名全公卿會上娛耆
老。詩酒閑中樂聖賢。愛國心無今昔間。傳家福有子
孫延。樂園春色供閒玩。桃似紅霞柳似綿。

次韻賀工部尚書壽巖子武公道致仕

明時美玉好沽諸。勲業功名在史書。從政昔曾陪政

府得閒今且樂閒廬王槐竇桂增榮茂彭己喬庚積

潤餘山水自娛公願足調元一任廟堂居

黃公賓

號椿軒天施土黃人榜眼黃珣之後景治庚戌科進士正和甲子以參政充正使還陞刑部右侍郎累擢陪從吏部左侍郎爲亞相十年餘匡簡多有裨益上甚眷注爲黎僖所忌左遷右侍郎後復擢吏部左侍郎入侍經筵以工部尚書施慶伯致仕卒壽八十子公室曾孫平政並登進士

近體詩十首

贈大清使周燦

冊詔欽頒自九重星韶到處總春風光分禹甸山河
外人在堯天雨露中傾向有星皆拱北朝宗無水不
流東節旄應自承清問願道車書一統同
詞源滾滾倒三江筆力惟公可獨扛風度九齡人罕

比美才公旦世無雙。虞庭出入趨丹禁。周道委蛇耀
碧幢。盛典告成歸去日。千秋仰止重南邦。
名賢挺出自洪文。早步雲衢際盛時。畫省百年尊制
作。星軺萬里任驅馳。恩流北闕乾坤遍。名在南天草
木知。清節高風人景仰。巍山何用立豐碑。

王事賢勞任載驅。駢駢四牡炤征途。正言格論真君
子。博學多聞古大儒。東觀五經憑討論。南宮五禮足
規模。功名遠域稱良使。節命無慚陸大夫。

鰲禁人辭客。勿陪煌煌玉節向東來。經邦共仰調元

手專對群推應世才。盡舫輕移江水闊。旌旗遙指巖
雲開。臨岐立馬情難盡。萬里寒風對酒盃。
朝廷德意賴公宣。携得清風兩袖還。夾道兒童爭擁
馬。臨江旌旆似登仙。含香應在雲霄上。曳履還歸日
月邊。說與交人休悵望。廟堂熙采待高賢。

和周燦勉學讀書詩二章

堯典傳中首曰欽。淵源千載聖賢心。江河就下歸滄
海。泰華凌空聳碧岑。常與乾坤同久大。不因秦漢以
浮沉。喜君際遇明良會。三代休隆復見今。

束髮登朝正少年，高堂養志返林泉。
不同屈宋爭奇句，甘與程朱述舊編。
一代經綸推大用，千秋學問有真傳。
德兼忠孝如公少，中外人推閔子騫。

致仕簡同朝

四十餘年玷寵班，前程粗學步邯鄲。
講筵密接慚充位，政府親陪謾素餐。
優老仰需天雨露，傳家幸見世衣冠。
唐虞歲月喬錢壽，擊壤狂歌自得閒。
高深德未報涓埃，荏苒那知歲月催。
客勿惜曾陪翠幄，逍遙今已戀涼臺。
洞中自樂琴三弄，花下閒吟酒

244
一杯清夜有時辰所望鳳城如昨午門開

次韻賀參從少保義嶺侯同存澤致仕

宦成名立不居功

中齒一尊兼周大

老榮三

遂宋文忠梓鄉富貴今增耀綠野逍遙昔

與同剝喜慶餘孫子繼槐庭長卜世三公

次韻賀戶部左侍郎蘭冰男吳珪致仕

會感風雲契夙緣閒娛泉石養耆年
碁敲永晝忘人我酒酌清宵樂聖賢
仁智興饒山水樂愛優念篤日
星懸

次韻賀大理卿銳嶺男段俊和致仕
耆會逍遙陸地仙。完名備德樂乎天。
數行詩思供群樂。半兩安車任四宣。
分以功名都括了。囊中日月儘收全。
若詢花甲今何許。但說喬彭不計年。

次韻賀工部尚書壽嶺子武公道致仕

翼翼自得豈求諸。事業爭光古尚書。
赫赫旌旗輝斗座。岩岩譽望等衡廬。
心無物我休休爾。樂有童冠綽綽餘。
誰謂耆英難再會。勝遊今亦洛中居。

次韻賀太常寺卿玉嶺子陶俊彥致仕

青雲孰不路皆由。獨愛休閒對月秋。彈壓曾聞風凜凜。旬宣尚記政優優。甘棠遺澤人長慕。丹桂餘芳世永留。賢矣大夫當若是。江亭餞後思悠悠。

黎有名

號椿庵。唐豪遠舍人。景治庚科成科黃甲。仕至山西處憲使。為人篤定仁恕。文章德行。爲一時所推。卒累贈左侍郎。子有喜。有謀。有喬。孫仲信。有容。皆中進士。有謀仕至陪從右侍郎。有喬仕至參從尚書。

近體詩三首

賀右侍郎梅海侯黎仕徹致仕

天厚生賢爲國家。多公懿德有柔嘉。入參漢幄爲心腹。出殿周藩作距牙。第就恩承宣賜馬。門傳榮遂薛懸車。喜添子壻和朝滿。世世科名錦上花。

賀參從少保義巖侯同存澤致仕

宦成名立頭儒功得謝欤今道得中日興午橋充自
樂念纏宸所薦臣忠薛家車馬恩榮異韓氏衣冠事
業同刺喜兒孫芳躅繼儒科滾滾出名公

賀國老芳郡公武惟志致仕

粵從天策杜房班年德多公當爵頒參運唐壽功茂

贊輔明王政國方閑足知疏具

洛述還此樂彌充忠愛念長存帶礪等江山

阮廷策

號昱軒白鶴文徵人景治庚戌科進士正和辛未以大理寺卿
出使還陞左侍郎卒贈尚書子廷纂永盛戊戌進士仕至大學士

近體詩三十四首
使北述懷和正使天姥阮棠軒韻

言語文章愧聖科。有緣聯轡賦皇華。
迢迢周道披青嶂。泛泛平江帖綠波。
拜手虔將三歲幣。回頭凝望五雲車。
錫鞶共沐天恩寵。忠孝雙肩矢靡他。

謁仲夫子廟

聖教親承閱幾年。日新德義位高賢。
信忠雅似曾三省。政事長於冉一偏。
歷代褒封衡岳屹。諸儒景仰斗星懸。
餘流曾暨遐隅挾。觀海聊題水滴篇。

皇華十詠
南關會同一

昭德臺高捧漢端，兩朝都會一交關。旌旗影曜三竿日，金鼓聲喧萬仞山。雉貢盛儀方遠述，龍亭花幣已先頒。來年好看桃花發，色色爭春衣錦還。

南寧風物二

秀水奇山一樣清，廣西名郡獨苞城。龍江碧繞譙樓閣，花嶺青連古壘平。蕭老浮圖存色相，狄公祠廟凜威聲。貪看形勢風光好，不管輕舟幾日橫。

桂林景致三

船牕對月酒頻斟，已越重山到桂林。鍾響栖霞清客

256
眼亭開獨秀豁鄉心。瀕江水窄千舩鎖。省院旗高五
嶺襟。顏守風標何處見。荷花黯淡竹陰陰。

長沙勝覽四

肥藕香杭品物花。湖南繁盛萃長沙。帆檣十里連平
野。樓堞千重接落霞。水合三湘銀繞帶。山橫五鳳玉
排衙。休談趙帝雄吞事。分野由來屬豎蛇。

洞庭秀色五

四望溟茫玉一壺。漫漫秋色散平湖。浪搖花影魚吞
雪。波弄星光蚌吐珠。鶴嶺仙翁多遣興。君山釣叟任

閒娛泛帆誰識陶朱意欲借餘清洗沼吳

武昌佳景六

大江空濶晒斜陽湖北名城屹武昌
雲洞龍泉千載月鶴樓松閣四時香
風飛赤壁人安在雨過紅山夢自涼
多少英雄歌舞客晴川芳草兩茫茫

南京形勝七

一統山河憶有明雄圖曾此建南京
千山蟠轉分前帳衆水周迴繞後城
花磴石橋秋萬頃風亭春閣月三更
幾存洪武艱難業唯有禪鍾夜夜鳴

楊州觀燈八

挹引江淮應斗牛。繁花佳麗一楊州。七峯巔傍星高掛。九曲池邊月倒鉤。柳蛩隋園陰障暑。詩題呂閣思爭秋。傳花三數山堂妓。學唱時招俠客遊。

山東水程九

漢楚兵爭局已空。遙天曠野晉山東。泗亭不見高皇廟。漕閘猶傳宋子功。曲阜香燈明道脉。濟寧弦誦振文風。聖墻幾仞貼彌遠。萬古巍巍秦岳崇。

春庭賜宴十

覆炤無私仰聖明。上卿禮饗秩周庭。法筵九奏傳仙術。
御酒三杯酌綠醕。魚腊豆籩存載記。鹿鳴笙瑟驗葩
經。觀光已遂平生志。願祝南山萬壽齡。

南還過遂平過雪

漫漫六出正飛花。旆舍空羈遠客車。珠撒平山光淡
淡。粉粧嫩柳舞娑娑。征夫向火頻添炭。轎子衝風覺
索靴。眼下渾然銀世界。仙人難把煉丹砂。

信陽山行

信陽一路幾山溪。斜仄崎嶇不整齊。石脚泥沱狐懶

涉樹頭雪凍鳥慵啼。棘薪欲喚樵夫採。荻燭曾追槓
子迷。未問關公遺恨處。曉烟催起數聲鷄。

漢口述懷

迢迢相携作勝遊。風埃雙鬢歷中州。眼迷趙魏馳驅
日。神爽梁韓嘯咏秋。冰逗漢江魚信斷。雪飛楚塞馬
蹄留。長途索寞無情緒。一曲驪歌寫我愁。

南還過涿州

三義祠前草色幽。雲漫平野記蚩尤。伊誰弄筆城門
外。天下煩難第一州。

安甫雪行

挫挫琴劍挂征鞍，奇絕乾坤雪裡看。
四望平原如海浪，遠山時復露青鬟。

潯池河

在真定縣

真定城南一帶河，村人笑指是潯池。
片冰不爲神龍合，餓虎咆哮事奈何。

泚水

在栢鄉縣

井陘道上柳如金，一水清流幾尺深。
堪笑愚夫輕老將，竟將全趙付淮陰。

郭巨獲金在內五縣

積日分殮感母深孝心纔發動天心神明爲解要兇
難掘地何方不獲金

馮唐故里在內五縣

漢帝當年忠犬羊輦前論將中膏肓孤村不爲標高
扁安識君家在此鄉

過冉伯牛墓在永年縣

洙泗從遊做大賢科中德行絕顏淵穹碑屹立青松
外景仰令人爲愀然

廉將軍墓

在清河縣

墓上猶題廉將軍負荊一事古無倫
文儒多少生子戰爽朗誰知出武人

魏武故都

在彰德縣府安陽縣

謾勞望蜀與窺吳高坐三臺作鄴都
黃雀寧知傍有獵天心已現討曹圖

美里城

在安陽縣

舊跡依依美里城文王曾此演義經
彖辭點破先天秘想聖人初困自亨

岳忠武王廟

金人已分棄幽燕一札班師負十年
牘背獄中冤少保吁嗟秦檜罪通天

淇水

在淇縣

千古曾聞衛有淇乃今親見竹猗猗
只因衛武傳清德隱却蚩氓抱布詩

殷太師比干墓廟

在衛輝府汲縣

身是宗臣義死忠不堪黼黻事岐豐
聖師親筆題碑

字貼仰煌煌斗壁同

黃河

在獲嘉縣之南
滎澤縣之北

南北中央一帶橫古今此地幾交爭赤流如絳湍如
箭應爲昕朝見一清

雲夢壁題

雲夢城居楚澤頭斜陽駐馬少停眸先王巡狩曾經
否何事高皇好遠遊

宿孝感縣

爲尋芳蹟認陳編董永仙御扁尚傳節婦忠臣碑額
在滿城正氣炤青天



登舟

萬象分茫蟻戰酣。懷燕望越而。那堪長江浩浩煙波闊。一棹東風到嶠南。

岳州初春

巴陵小泊一春來。行客南歸雁北回。綠放寒枝傳信息。登樓好共倒金杯。

次潯州

風送歸帆月滿舟。清明早已到潯州。芳年揩拭長途眼。煙景嵐光一望收。

阮名儒

號莘軒錦江義富人景治庚戌科進士
正和辛未充北使仕至戶部右侍郎

近體詩十二首

使北述懷和乙部正使阮棠軒韻

明時遭際玷儒科
刺喜同時奉使華
豈有文章騰鳳彩
全憑忠信帖鯨波
梅橋柳岸香千斛
雪驛風亭酒一車
叶贊岩廊相與勉
致君堯舜道無他

贈潯州叶鎮李

舛了楓宸捧紫泥
鉞旄出鎮粵之西
圖開八陣胸中
瞭令甫三軍掌上提
姓字行看英衛並
勲名應視馬
臧低裘輕帶緩雍容
處閒把風光試品題

266
次桂林和副使阮是軒韻

粵城小泊酒同斟。曉曉流鶯出北林。
獨秀山巔花有影。七星洞裡佛無心。
幾重春閣香盈檻。一帶灘江水合襟。
何處陳公留治蹟。唯餘官柳綠成陰。

次韻賀戶部左侍郎蘭派男吳珪致仕

科第功名遂夙緣。明農得意養閒年。
綠耆軒冕從初約。囊括乾坤會首賢。
華蓋擁雲驚豁望。彩旗映日快高懸。
欣逢勝餞將何謂。景福重賡介自天。

梧州

歷觀勝槩幾餘卅，爭似梧州麗碧梧。
峽岵山巔雲聳蓋，澄清水底蚌生珠。
幾層寶塔台星逼，千里花城錦色鋪。
此景若逢摩詰手，應知畫出輞川圖。

黃鶴樓

誰是營成百尺樓，登臨恍若上瀛洲。
江心含影驚朝鯉，頂上橫鰲慣野鷗。
花引棗庭供白雪，香凝寶塔伴羅浮。
仙翁騎鶴何神術，興到令人覓勝遊。

山東水程

172
水引黃河

長流滾滾盡歸東，幾重開闢

264
兩岸樓臺

彷彿陣圖劉項蹟依稀道脉曾

鄒風那這景色

盡括

袖中

送伴送張回北京和副使陳璚韻

初秋叩命自天臺今惹香風滿袖回雲路快憑鴻雁
信花衢爭看鳳凰來花宗遠踵燕山桂芳譽高騰廈
嶺梅敢向高賢私讚譽中升自古出奇才

軻書所重達尊三自揣非才我獨慚潔已敢云終好
遯聞風誰謂可廉貪功名分外半竿竹今古閭中一

草庵東極老星光彩在年年長炤越天南

感興

復來剝往妙回旋欲識將然驗已然春到千花開雨
後秋來萬物墜霜前白頭幾見今人在青眼那知古
月圓試看四時之造化生消升降莫非天

暮春感作

三春向暮正暄和晚節宜人稱意多兩岸雨晴山有
色一江風靜水無波午窓隱几咱啼鳥幽徑携筇掇
落花古往今來生若寄休論光景逐蹉跎

讀佛經有感

人於瘡癢苦搔爬身外無身幾釋迦心自悟心那有
物相非住相却還他英雄事去秋風葉富貴時來春
雨花色卽是空空是色龜毛兔角莫傳訛

阮公望

號鈍夫初名德望東岸林橋人陽德癸丑科進士會元永治丙辰試
東閣中格正和辛酉以大學士北使還墮刑部左侍郎遷都御史卒贈尚書

近體詩四首

贈大清使周燦

聖德於今已遠揚雲程計日促歸裝清江秋水魚潛
躍紫塞春風雁北翔柳色迷人橫古渡梅花留客佐
離觴臨行莫唱陽關調四牡歌成敢拜颺

仙槎得意似風乘，博望聲名此日稱。
鳳閣老才原自重，龍門多士喜先登。
清秋霜冷峯回雁，碧漢風高海運鵬。
別後思君應北望，寫懷難盡剡溪藤。

次韻賀國老武惟志致仕

四紀周旋廁斗班，明時得謝沐重頒。
有餘快樂喬錢壽，無事從容明道閒。
皎月涼風都占得，青天白日盡收還。
家聲剝喜詩書富，香桂枝枝滿竇山。

次部賀兵部左侍郎蒲瑞男阮公致仕

少壯登朝老引年，功名富貴喜兼全。
閒中山水娛仁

268
智靜處詩書樂聖賢鳳閣踰省才子進鶴亭還爲醉

翁延春秋幾度供佳賞菊笑黃香柳舞綿

宋儒

號漢軒農貢先沐人進士宋師路之孫
景治庚戌進士仕至參政被罷

近體詩三首 贈大清使周燦和阮廷柱韻

天朝錫命剪桐珪有美人兮復見西道述六經尊魯
國儒宗一代重濂溪九重雨露分沾溉萬里山川待
品題爲憶別時相贈語常貼鶴駕與雲齊
有容泰誓嘆休休赤鳥於今再輔圖一代文章憑論
定萬邦民物待諮諏宋朝學士名同軾漢世通儒才

冠彪喜看南車回奏記萬年壽考聖皇收

次韻賀國老武惟志致仕

緣諧君宰冠朝班謝事重蒙玉綬頒

故御松菊有餘閒既漫疏傳黃金賜儘勝韋賢駟

馬還世祿世科餘慶厚同休書券指河山

武惟匡

號栢庵唐安慕澤人尚書武惟斷之子景治庚戌進士仕至礼科都給事中

近體詩八首

贈大清使周燦

聖代才名重璧珪傳來夫子自關西九重冊命頒丹
陛萬里帆檣泛碧溪鶴禁風標人罕見鷄林姓字價

270
爭題回朝若問交南事處處春臺壽域齊

汪洋千頃量休休景仰先生體用周典禮儒臣尊制
作採風太史任諮諏賦成鸚鵡光焜耀座見麒麟色
炳彪自愧不才趨左右參苓敢望籠中收

和周燦勉學讀書詩二章

道範雍容世所欽臯比講易見天心傳聞啣石能填
海始信移山可起岑理晰乾坤心廣大才兼文武智
深沉真儒作用千秋事堯舜君民只在今

螢雪工夫已有年滔滔辨論似淵泉寒江瑞日昭奇

表旆含清風，伴肯編天下文章尊巨伯。日南師範識
宗傳，思君記得重相晤。電走驛騶萬里騫，
次韻賀國老芳郡公武惟志致仕。

王朝首相陟穹班，綢疊榮膺爵祿頒。旣把功名酬願
望，肯教端委換清閒。虞無卽鹿微幾柄，約有盟鷗肯
債還。更喜庭前丹桂茂，好將家慶擬燕山。

和周燦留別詩

驛路梅花炤玉顏，翩翩劍佩送仙班。月明千里如相
憶，遙望南山與北山。

治平原向修齊上。今古昭明在兩間。想得濟時心汲
汲。鄒翁氣象嶷如山。使路馳驅千萬里。交情款曲兩三旬。
勿嫌南北風聲異。斯道原來一聖真。

阮擢用

廣德安秦人元貫。依安鄧舍景。治康成進士。仕至光祿寺卿。

近體詩一首

贈大清使周燦

翩翩令望美才全。玉節輝煌萬里宣。江上旌旗爭熠
耀。座中禮樂自周旋。鸞郊地遠恩霑溥。鳳闕天高仰
望懸。此後思君何處是。台星遙指五雲邊。

阮公儒

近體詩十二首

贈大清使周燦

聖朝使命重賢良，
拜手重吟四牡章。
鵲語五花來絳闕，
麟袍一品耀朱方。
雍容禮樂人爭看，
爛熳旌旗日照光。
惆悵風前無以贈，
千年鍾鼎重岩廊。

和虞英仁贈別詩

英仁周燦親孫，隨爲官家，頗有文情。曾相坐對語於乾門，至是行至同登，有詩贈別。

驛路相逢暫與遊，
定知詩句勝茲州。
供吟妙律令人興，
的是明珠不暗投。
自別兩途凝萬里，
相思一日直三秋。
餘情繾綣無庸已，
兩字平安寫筆題。

和虞英仁交行十絕詩

美公才子到吾州，人物應爲第一流。
杜甫堪儕張不減，辭章都是繡囊收。
步步山溪石路間，花香鳥語自開關。
時完公事歸家日，始覺人臣不憚難。
回首春晴一夢長，相望相憶水茫茫。
歸與若有賓朋問，爲說葵心樂向陽。
四方孤矢要成名，馬首言還數驛程。
歷歷青山催客況，林間黃鳥兩三聲。

斜月底枝影半江有懷佳客望清光不堪別緒來相
道偏恨鍾聲到景陽
風土由來本不同
勉公須且遠顏紅
勸賢這事昭中
傳奚必吟詩寄葉紅

江山城市無少紆
兼有紅鞋睡翠雲
將相名臣間代
有片心憂國只忠勤

安號名今有幾城
行人勿訝指爲輕
行行錦繡浮香
馥只向炎涼逐世情

巋然聚遠此高樓
樓下傍觀羨欲休
自古以來尊莫

對往來賓客盡回頭

文物衣冠集帝京相和相接又相迎輝煌日月依然

在萬古蒼生樂太平

陳璣

号潤甫至靈瀆池人景治庚戌進士正和辛未奉使還陞工部右侍郎尋轉副都御史後以事被黜子璫登戊戌進士任至參從刑部尚書璠璉又

登景興戊辰科進士

体近詩三首

贈大清使周燦

獨擅芳名美玉珪衮衣此日亞公西含香常自明邦

禮奉命寧辭渡遠溪品似青山人共仰吟成白雪世

爭題殷勤左右無他願勾漏山高姓字齊

光昭盛世教完休洵美先生君子周侍從而朝多著

作馳驅萬里寄諮諏輕裝陸賈推詞命傳檄相如自
炳彪當子經綸資論贊喜看夫子坐中收

北使餞欽差伴送張

簪纓克繼大才堪玉節光作指南穆穆紫宸欽出

綽皇皇原濕起征驂聖杯賢盞供娛賞明月清風助

笑談萬里賢勞公獨擅喬遷會見爵榮儋

阮廷讓

字慎軒青漳碧潮人解元士望永治丙辰科進士
是年試東閣再中仕至僉都御史正和中奉使道平

近體詩五首次韻賀國老芳郡公武惟志致仕

斗台偉望聳朝班得謝今蒙爵寵頒燠館涼臺無限

樂清風明月有餘閒。午橋趣興隨吟咏。東路車來任
往還。賢業佇看孫子繼。龍門堂集滿香山。

次韻賀右侍郎梅海侯叅仕徹致仕

功成却已戀鄉家。洒落襟懷藹可嘉。高世風流今若
水。傳家事業古君牙。橋邊肯侶誠詩成。帙會上耆英
酒滿車。更有一般真樂處。燕山五桂子。薨芳花。

贈大清使周燦

天章拜領自宸楓。迢遞星槎萬里通。詩入江山消遠
思。劍迎霜日壯雄風。皇恩浩蕩包會遍。紫極光輝拱

向同莫道朔南風景異，乾坤盡在太和中。
手捧瑤章出鳳城，皇華妙選屬儒縷。九重雨露承天
上，萬里江山炤使星。勁節遙凌霜露甫，光陰乍見瘴
嵐清。共知聖主恩波重，葵藿心孚向日傾。

和周燦留別詩

春風驛路喜停驂，學海淵源取次探。茂叔坐中惟霽
月，炤來天北又天南。
東閣才名孰與雙，天章遙捧到南邦。伊人一日三秋
思，愁緒那堪對漢江。

280
陳世榮

先豐杭州人景治庚戌科進士會試第一正和五年奉使
還陞工部右侍郎屢遷兵部左侍郎卒贈尚書

近體詩二首

次韻賀右侍郎黎仕徹致仕

天意生賢爲國家稱君令德藹柔嘉惟中委良心
腹閫外曾麾信爪牙亮采多年紆綠綬榮旋此日上
安車情深栢悅宇相慶
花

次韻賀左侍郎吳珪致仕

功成名遂謝機緣畫錦逍遙七袞年雅致近推唐白
傳高風遠擬漢韋賢涼臺燠館隨時興玉帶金魚慶
世延千古風清洵擅美芳名炳炳對南天

全越詩錄卷二十四

翰林院承旨顏城伯臣黎貴奉

旨編定

國朝

阮貴德

字棠軒，慈廉天姥人。永治丙辰科進士。正和十二年，以僉都北使還，陞刑部左侍郎。屢陞參政、吏部尚書，兼東閣大學士。少傳

廉郡，榮封佐理功臣。以太傅國老參預朝政，致仕。卒，贈太宰，加贈大司空，謚貞穆。永佑中，加封福神。性嚴重，有司量居相位十餘年，修明法度，引拔賢才，為太平名宰相。文章渾純典雅，為時政正所著。有詩珠集。及使程詩集行于世。子貴恩、登永盛、乙未、黃甲、孫貴、懿，有廷策功。仕至參從戶部尚書、大司馬、鏡郡公，並封福神一門貴盛。為山西望族之冠云。

近體詩七十二首 次韻賀國老芳郡公武惟志致仕

多年踐歷躡仙班，謝事今蒙寵命頒。梓里此回無限

樂

有餘閑。光榮匪直當時譽。名望將昭百

世遷。更喜兒孫

盈盈丹桂滿。續燕山。

次韻賀右侍郎桂海侯黎仕徹致仕。

也曾忠愛入王家。謝事如今荷寵嘉。榮逸高希前輩

躅

古君牙。童時釣瀨重鋪簾。耆會村筵屢

命車。益算何煩芝草覓。好看庭桂覓芳花。

次韻賀工部尚書施慶伯黃公寘致仕。

漢傳功名若是班。殊非習見夢邯鄲。除官疏上纔能
旨。請老章投未暇餐。滿酒君歸晚杖。功名恋我尚宵

冠鳳毛濟美時交慶，不是尋常一樣間。
風晴紫陌帖輕埃，得謝洋洋馬策催。
彩旆彰施標齒德，詩囊收拾役輿臺。
道途士女迎仙叟，御里親朋溢慶杯。
樂事居家今有幾，一年兩慶綺筵開。

次韻賀禮部尚書慶山伯阮世播

端揆持衡率典常，廟堂事務共平章。
休期帝道寅亮，施濟王仁屢發揚。
宿望畱揆席，閒情偏已憶枌。
鄉赤松，首約欽今遂，皞皞超圓且適方。

貴而清，約每安常。
春晝歸來，燦錦章。
浪帖珥河仙舸。

泛風和槐驛彩旗揚德江蕉嶺怡情處

詠橋歌謝樂無方

致仕簡同朝

北使送江秀才

擁節星馳日向秋長安曾此

美游

知多

幸

恨未酬細玩

箋

書揮鳳管頗知妙手造

龍樓北南邂逅良非偶，好省書篇濟險舟。

皇華十詠和甲部副使阮昱軒韻。

一南關會同。

一采梅花報履端，北南

會交關。雲趨冠蓋，

日麗旌旗映遠山。侯度貢儀遵，

天恩

荷

欽頒。功成覺得從茲始，肥馬輕裘任往還。

二南寧風物。

地茂民淳水秀清，一般風物比邕城。人心禮讓今猶

古。

平國老留芳，標塔記。

遺愛溢

碑銘觀風我欲收圖畫
橫

三桂林景致

星斗天垂元氣斟
鑄成好景桂之林
玲瓏剔透奇山
狀澄徹晶瑩水心
深洞懸崖藏梵刹
橫船壓浪結
江襟玩餘博訪初來跡
蓮湖綠陰

四長沙勝覽

湖南何處是繁花

沙橘渚清涼收夜

雨牛岡疎客炮朝霞
瑩遺井鷺存蹟

參旗掛

鎮衙

蛇

五洞庭秀色

玉鏡溶溶水一壺。城中佳景洞庭湖。東西遠鋪雲迷
雁。上下天光水弄珠。桂魄三秋爭皎潔。錦鱗
任
歡娛。滔滔衆水。源派奚分。蜀與吳。

六武昌佳景

遠接衡陽近漢陽。此間山水獨明昌。春江浪滾桃花
暖。秋月光浮桂子香。黃鶴樓邊山聳翠。伏龍橋上月
初涼。仙人舊跡今何在。文字相傳總渺茫。

七南京形勝

八楊州觀燈

上應天星直斗牛。中州秀麗獨楊州。
花園草野鋪霞錦。雲閣山堂掛玉鉤。
四顧江山光似畫。一行使介思如秋。
有無清苑休談說。且遊

九山東水程

十春庭賜宴

遂平過雪仍駐

無端滕六下飛花

征夫懶整車
案上頻頻催酒

卒榻邊
戀戀喚陽嬰
詩成墨凍慵渾管
客就水深樂

著靴今日莫嫌遲一宿來朝會見靜風沙

餞伴送張回北京和副使陳潤甫韻

公私界限判虛臺半點都無為利回紫詔擎雲天上
降金鑣和籟日邊來燕城趙壁三冬雪漠浦湘江一
朶梅此日主賓應暫試早知大任屬高才

佳城春色滿樓臺共叙情樽話別回風軟蒲帆君北
上月高我南來分歧難鎖橫江舳引思催頻曉
角梅歸國才

驪駒一曲咱那堪無限情懷各北南灘水已從今理

棹周原猶憶昔聯驂開山萬里
笑談此後若逢南渡雁
夢寐三更想

刷訟卽事

國家閒暇舞章韶
弼教惟時賴庶僚
賞罰權衡皆斷
案公私繩墨率明條
哀矜
聖經訓
治朝臣子勤勞安足道
但將明允贊唐堯

奉和

御製春元詩

明明聖德與年新
萬福攸同萃一人
牙鉅桓桓羅武
弁股肱濟濟萃儒紳
鴻風魚豎精神爽
解雨乾雲慶

澤均鹽棒

宸章三復讀不勝花草喜逢春

暮春陪駕觀試乘興遊珥河得翰字

桐花如錦柳如環攜手仙舟四望寬日朗風輕舒媚
景棹歌船叩泝晴灘笔床茶灶供吟興芳渡楊村助
勝觀笑指武陵溪不遠飄飄兩腋欲生翰

賀署府鄭璘赴鎮太原

腹心重寄又干城曉發龍編上驛亭國賴世臣完保
障民資良牧樂桑耕五材最後思陶採七德惟先事
輯寧要識同仁明主意太原無謂遠朝廷

重九後四日與阮尚書會鄧少傅家小酌歸家賦

一律呈二公

晝靜秋高暑氣清，偷閒小酌叙交情。
琢磨道義金蘭重，梳蠅言辭草芥輕。
籬菊爲黃香淡淡，庭禽和韻語
嚶嚶。舉盃相贈還相笑，契願誰能揣得明。

奉命往勘下葛界堤路，留剋二司官。

東井分司水勢昌，堤防難可敵懷襄。
平居野子催登閣，食力田家委望洋。
百姓何辜遭墊溺，九重有意切
思量。澤民本是吾儒事，擬過橫流極一方。

三槐庭

王氏當年手植槐，資生得地向陽開。
交枝密擁門前蓋，疎幹高符天上台。
蕃衍滿堂資蔭庇，光華奕葉已
胚胎。二郎後日三公做，植德應知有自來。

四皓鬚

商山幾載久鴻冥，各得皤皤一樣清。
皎潔十分爭雪白，神奇一色自天成。
翼儲力轉臙膚愛，安社功高口
舌爭。漢綫任他長短議，一毫烏得挽先生。

花萼勤政樓

興慶西南著地頭唐皇曾此置名樓

光雲

檻

掛月鉤日上笑談孚友愛時來詢訪廣

謀猷沉香一自耽情後可惜初心不自由

弘文聚書

好學君王卽位初弘文殿裡聚群書
部分甲乙多群玉棟滿篇章小石渠
日引儒臣求奧旨

不知所聚成何事王道徒聞竊緒餘

張良布衣

首儒衣披束畱地

296
著入鴻門

佩服呂韜言有補彌縫漢帷力

多裨自從萬戶紆侯紱帶得榮名袖手歸

紫微花

不隨桃李競春妍直把芳情占夏天
浥雨嫩條新翠

麗霞穠蕊暗香傳嘉名好與天垣共
殊色偏宜相
省憐誰道不知官況味試看紫綬拂階前

芙蓉

秋獨嬌春愛木蓮弄霜吐艷向堦前
風流却訝蟾宮

客態度偏疑閨苑春仙暎暎淨
腮添錦綉點粧麗景倍

嬋娟晚涼擬欲招朋飲共賞芳菲醉樂天

春桂

饒他紅紫鬪時粧自在青天蘊素芳獨把芳姿迎日
暖肯容艷色弄年光仙娥近向情無限士子高攀袖
有香莫早春開休訝問一年都是傲風霜

夏天日長

天道乾乾信令行日長可愛正朱明漢宮罷酒光猶
照唐殿談餘影尚橫涼送花簷忙燕語陰濃綠樹響
蟬聲順時惟願施王政苦熱何須徇世情

298
扈駕時巡恭紀

惟辟承天念在民遠宗古制舉時巡經行草木皆生
色到處旄倪共慶春不是般遊徒逸樂却將奢儉欲
諏詢聚觀士子胥相告何幸今朝覩聖人

衛士傳餐

隋主臨朝日向闌殿前衛士自傳餐深陪未暇張時
食小飯尋將助五官既飽輿情親愈篤不譏王政議
何難却嫌授粢黍經訓自爾勞神烏足觀

賀友遼舍黎公有名登第

一竹纔垂便釣鰲策名端不負英豪腰懸玉帶纏黃
綬髻插黃金著錦袍黼黻皇猷功用大珪璋王度德
勲高名德應同古契臯

四皓衣冠

翼漢皇儲侍宴時衣冠楚楚最希奇巍巍元服尊貼
視灼爛花裾甫表儀敬起冕旒隆禮貌受分衽席足
黃離自從拂袖旋芝嶺誰謂炎劉一線危
魏公子無忘將兵救趙不敢歸陳情

139
149
羈旅孤臣處靡寧紅雲遙望訴衷情

僥倖成功甘自譴。兢惶待命

冀天明。信陵宗籍如客屬。刮垢啣環誓二生。

梁江

山南氣脉得天元。沔彼梁江遠發源。清可濯綏仁里。
美險於環帶。帝居尊。東連馬泚三襟水。南引輜湖一
練坤。疎濬從來千萬載。唐虞氣象恍然存。

在任所水潦感興

湯邑初非外。選輕重。臨何幸。疊恩榮。角牙小有周庭
履。毛齒偏宜楚地生。潤屋渥漑秋水闊。列屏晷晷曉

山晴樂天勿問冰條說沿牒由來儘相卿

月夜與憲使眺望江津卽事

皎潔冰輪萬里秋平鋪江練映沙州東西客舍猶開
戶遠近漁村已掛釣滿岸微茫霜裡樹迷津隱約鏡
中舟高談亦可酬良夜何必携壺上瘦樓

考課日權參政官寄詩因次其韻

用此体

曾遊溟渤步孱顏頓覺汪洋與鬱槃重厚坦平貼彼
石溫清堅正採斯汗竹叢梅樹簪三益渭派涇流別
兩端玉海金山渾莫測高深豈許俗人看

同參鎮官會飲仁里津別後憶寄

昨夜如何夜未央仁村水次富山陽滿船風月笙歌
爽舉座芝蘭笑語香麴蘖盃中調藥石茗茶甌裡拔
旗槍別時雲樹情多少偏覺南窓日影長

自清華赴京沿途雜詠次權參政官韻

三隅江

瀘江到處兩生支造物開來一段奇燕尾堤斜分淺
滲龍鱗浪蹙卷寒漪玉壺隱約峽岩石白練微茫婉
孌枝溟漠無涯難量測從頭深淺問漁兒

腸港

周流恰似九迴腸。一帶咽喉屬愛方。鳧渚逶紆疑過客。鰲湖深淺鮮行商。村煙前後連朝霧。山影高低蘸夕陽。北望神京纔咫尺。風帆何必送滕王。

神符市

陰剝周迴幾得輿。一區園

音打還
市垣也

園

音會
市口也

宛如初潮聲傍

響人聲鬧。樹影橫籠店影舒。海上鮮魚畏得早。人間新蕨採來餘。登臨擬問徐生事。何處姑仙買酒廬。

貞子山

少男鎔範自成形。坤德周全靜且貞。雲擁柳眉分翠黛。霜涵石乳薦瓊英。喧囂園市慵棲脚。登流徹江流好濯纓。多少行人知節操。始終不改此崢嶸。

貓兒山

龍胎秀出彼狝峒。石骨成形蔓爾超。色點豹文經雨滴。聲喧虎叫逐風飄。野無狐鼠安身著。水有魚蝦弄影跳。守國年勞今試問。幾多兒夕又烏朝。

春明節進表卽事

誕節虔將獻表儀。雷趨百執共貼依。五雲出色香煙

裊萬戶生光蠟燭輝冠帶玲瓏環粉署笙歌嘹唳徹
彤園南山眉壽齊聲祝虎拜遙遙望紫微

奉差勘被水各社民次權參政公詩韻

濫叨采訪捧龍章
黽勉分司厥職詳
四海甌汙歸藻鑑
九天雨露潤衣裳
征夫馳濡雪赤子
後

碧幢記取橘陽時節好
芄芄禾黍半黃蒼
賀天健參鎮

文武兼資世所難
喜公今日上金壇
雍容黃閣談臯

契甫穆青袖笑范韓
陽扇葵民心向暖
風聞苻盜胆



滋寒胸襟開豁誰堪擬江漢汪洋海淼漫

錢太原參政阮之任

召公曾昔賦來旬今日藩宣屬使君
 琴鶴一肩隨馬首輦壺夾道逼雙輪
 天威咫尺長安日親舍高依峻
 嶺雲聖世仁波無遠近早教寒谷囿陽春

錢恩郡公赴諒山鎮

金符旄節武林兵

赴諒城嵐瘴頓隨和氣

掃民夷均徯德風行四方弧矢平生志
 萬里關山遠

宦情歡飲休辭今日醉在藩賓坐幾

朝英

賀華林參鎮有子中御舉

秉心寬恕政公平植德應知自發榮
曾昔螽斯克瑞度卽今丹桂惹芳馨
滿堂金帖何加富盈架良田不用耕
乃治箕裘渾定理古來世胄出公卿

奉命往勘漂民經瓊瑰園館卽事

庚寅年

暫駐征船杖杜津

此日泊舟杖杜社江
津俗名我西齋

三沅江派水清淪東南

海路分商船上下田疆聚牧人
橫渡孤舟風蕩漾臨崖古寺樹輪囷
勝遊未暇携壺賞靡盬監州恍屬度詢

經福培

沿流兩岸屬瓊瑰，半晌風帆抵福培。
美稼水津爭地

便甘棠廬舍自天裁。

是日泊舟美稼社津，渡梁石，堤上有甘棠枝葉蔽節，決事其下。

行商浮舸來還

往，歸市橫舟，扒復開。此去海門，九幾里，村人爭道一潮回。

國子監雙孔雀

久馴明教，忘明倫止戶。奚惟瑞啟文，日向聖庭聯舞。

翅時棲青樹，映祥雲。文章錦綉，雖無異冠。趾距雌雄似

有分。羽族者來誰並美，九臯鳴鶴好同群。

國學堂前榕樹

漢功離却繫丹黃。聖教從遊蔭玉堂。老幹懸枝需教

雨嫩條生筆潤陽春近依獲遂三千士遠睇弥源數
仞墻久惹文風培植後擅名橋喬木播南方

次韻賀兵部左侍郎蒲瑞男阮文富致仕

頭榮遭際太平年少拉聲名晚節全畫錦逍遙娛長
老午橋笑傲樂英賢古池魚養看龍化仙館熊經導
算筵更美傳家無價寶心清如水白如綿

次韻賀戶部左侍郎蘭派男吳珪致仕

仕途榮顯樂隨緣謝事如今七袞年黃髮詢咨

東都勝饌滿朝賢舒伸志足無轅跼念慮心閒止

旆懸逸趣試觀何最樂庭梧桐桂香參天

次韻賀大理寺卿銳嶺男段俊和致仕

記得休閑勝散仙野情高達五雲天早知膂力先幾
請肯俟朝廷寵詔宣天德春晴魚唱徹爛柯晝煖局
收全公歸何事與人異考禮從來多八千

次韻賀工部尚書壽嶺子武公道致仕

幾明炯炯若方諸年至爰投謝事書物外亭亭尊斗
岳閭中綽綽豁蓬廬風高清節恢三徑算妙畱耕表
四餘貴老貪賢深聖澤睢陽未可恕然居

311
次韻賀太常寺卿王巖男陶俊彥致仕
高躅鄉賢復平由躬辭丹陛正清秋
棠陰南土歌聲播祖餞東門禮意優
師亮康寧間就洛子房明哲等封侯
留海陽山水多佳趣莫遣居諸浪浸愁

尖角館卽事

江上風吹水浪浮晚來停棹便維舟
今朝正是長春節恹整朝衣一叩頭

魚梁澤

135
遡迴西上到魚梁水淺灘平

縱步高丘抒望

眼江山知是限封疆

再贈欽差伴送張

殷勤相送伏波岩惜別情懷兩不堪飲餞未酬前日

好無情箕伯逐風帆

咱蛙鳴偶成

龍池夏日雨初晴喧噪渾如鼓吹聲自是歡呼歌聖

澤傍人休訝不平鳴

阮當衰

慈廉西姚人年二十七登陽德癸丑科進士
吏部左侍郎入侍經筵仁壽子進礼部尚書

北使還累陞陪從

近體詩十三首

次韻賀國老芳郡公武惟志致仕

調元妙手晉台班。禮重懸車荷寵頒。小小壺中棋局
穩。休休亭外酒盃閑。粉鄉日共衣冠會。洛社春隨杖
履還。千古偉談誰兩擅。燕山芳譽又香山。

奉和

御製春元詩

艷陽佳景歲華新。薦薦堯天長養人。九五龍冠端拱
冒。三千鵠立甫垂紳。壽星燭耀龜疇協。聖德淵泉鹿
宴均。喜起一堂洵共慶。華胥世界盡如春。

奉和次韻賀工部尚書施慶伯黃公賓致仕

伊傳勲名若是班。却餘仙枕夢邯鄲。商山春煖芝堪

採彭澤秋深菊可餐。有約澗泉猿鶴侶。不隨佞倖鷄
 鷄冠。眼看丹陛增榮茂。昼錦怡怡樂且閑。

脫却樊籠拂却埃。花衢策駟興頻催。携筇獨步棲霞
 館。著屐閒登玩月臺。簪紱家聲傳後鉢。耆英鄉酒讓
 先盃。介軒芳躅今應是。壽曜台星炤暎開。

次韻賀戶部左侍郎阮公派致仕

昔稱漢傳大夫賢。契遇如今亦夙緣。講直禁林思仰
 厚。波澄宦海岸先登。榮看秋菊貞堪愛。靜對春山重
 不遷。溪叟園翁如問壽。喬錢庚巳大椿年。

次韻賀都給事中裴公輔致仕

生逢盛世萬天民，鶴髮修齡老健身。
筮仕昔當而立會，懸車今正者希旬。
優游東郡鄉耆約，參透西銘物與仁。
蓬島虛天閒歲月，靜中自樂且陶真。

次韻賀參政阮登龍致仕

廉頑立懦醒群愚，進退從容君子儒。
猿鶴迎人音轉活，菊松見主色增敷。
三番畫錦人間樂，八節晴灘晚歲娛。
剩喜庭前朱紫滿，接籬酩酊呼來扶。

代人賀參政阮登龍致仕

天意生賢覺衆愚。蘇湖佳氣出鴻儒。手攀月桂香重
惹。脚著陽春色徧敷。解組兩疏明止足。投簪九老逐
閒娛。知君雅有經綸手。翹佇重來效翊扶。

次韻賀寺卿黎仕瑾致仕

業傳弓冶禮詩敦。奕世冠紳沐國恩。贊治屢當卅牧
任。引年却授禮經言。梅橋月渡供閒興。石鼎金丹益
壽元。平治神仙從此得。那山何必訪樵村。

致仕簡同朝

謝事歸閒援禮經。依然晚節。青青三休亭上存三

樂四勿軒中指四銘浩蕩海鷗舒健翮蹇騰野鶴引
修齡祇今幸遂明農願德感萃勛仰大庭

次韻賀國老廉郡公既貴德致仕

香火三生有夙緣泰茅拔茹彙亨年登科我忝鞭先
著甲第公榮魁載聯黃閣喜公居趙席翠帷幸我坐
瓊筵回鄉今結蓮花社願養閑齡玉洞天

國子監雙孔雀

鷦鷯不可與同群美爾雙禽煥有文粉對影如金鏡
舞並明聲向玉京聞丹山翔集符樗竹壁水沾濡樂

採芹作養人才飛躍化鳧鷖載詠雅詩云

次韻賀太常寺卿陶俊彥致仕

有時臯契有巢由今正尊鱸適志秋黃菊肯盟還自
適白蓮香社算誰優半竿野風月憑舒卷一棹煙波
任去留宦海澄清山靜壽等閒物外付悠悠

阮世播

東岸錦章人永治丙辰科進士正和十七年以僉都充正使還墮
刑部左侍郎累遷參從礼部尚書慶山伯致仕加戶部尚書慶山侯卒
贈太保

近體詩三首

次韻賀工部尚書施慶伯黃公賓致仕

英譽曾聯玉笋班廊臺枕裡勝邯鄲朱樓疊荷天恩

寵綠野重恢堂上餐庭喜蘭香生瑞彩宴開耆會聳

319
459
我冠功成仰體時司序碧水青山歲月閒

次韻賀都給事中裴公輔致仕

治朝君子福斯民名立功成善保身冬節引身書一
札春天介壽樂經旬衣冠勝會多耆老山水清風玩
智仁剩喜兒孫家業繼逍遙暮齒樂天真

致仕簡同朝

九德慚非夙有常時達用粗成章郡朝履歷奚裨補

帷幄詢咨乏對揚壽仰天申恩仰聖農娛里話酒娛
鄉同心匡辟多群哲閒與兒孫講義方

汝廷賢

唐安獲澤人進用之子永治庚申科進士正和十七年北使還墮工部右侍郎仕歷陪從刑部尚書壽岳子子廷瓚登永佑丙辰進士仕至參從兵部尚書孫

公瓚景興

乙未進士

近體詩四首

次韻賀左侍郎吳珪致仕

遭際明時好夙緣
克名高節歷多年
黃金優渥大夫
廣駟馬高車丞相賢
千古勲名彝鼎勒
一心忠愛日
星懸更多庭下娛
班舞歲月漫游舜世天

次韻賀工部尚書施慶伯黃公賓致仕

萃途清節罔纖埃
韋第言還選興催
標致已超唐綠
野勲名長簡漢雲臺
時來好驗穠花樹
春介長供暖
玉杯聖惠好同鄉
族樂年年疏酒喜頻開

次韻賀寺卿俊彥致仕

存養操持厥有由，花途駁歷幾餘秋。
宦成名遂知吾足，樂道身安算孰優。
召伯夙心多賴旦，赤松肯約勝封留。
此回清福言難盡，海濶天高歲月悠。

次韻賀右侍郎梅海侯黎仕徹致仕

家傳詩禮鄴侯家，衡達欽逢嘉齒德。
時推今彥博忠貞，世篤古君牙。
目眇虞舜符乾象，星觀伊周載有車。
水竹優游多適志，慶留後裔繼簪花。

阮登道

仙遊阮抱人，祭酒登明之子。後改登璉，正和癸亥科狀元。兩子以吏部右侍郎充正使，還陞左侍郎。青琳子，遷都御史，居法臺十餘年，陞礼部尚書。

參從蕭東閣大學士
卒贈吏部尚書壽郡公

近體詩八首

次韻賀工部尚書施慶伯黃公賓

致仕

仕途指點歷柴班，莫問仙筭一枕邯鄲。
道講唐虞參鳳閣，彌諧臯契列堂餐。
御前寵詔優黃髮，袖裡天香拂玉冠。
天壽我公平格壽，山中宰相有餘閒。
風高壘上曼纖埃，致仕榮哉疊望催。
適意景濃花草木，凝眸庫積月樓臺。
陽春興思吟餘韻，旭日頻真醉裡杯。
不盡福留槐子做，先昌厥後覺先開。
次韻賀都給事中裴公輔致仕

瑞符雲彩匪凡民，華蓋光臨也。潤身壯歲，昔曾膺顯
仕。白鬢今甫占高旬，謝時寵錫，欽丹陛。回日朋來，總
里仁無限。已庚無限壽，長吟淺酌，任頓真。

次韻賀戶部左侍郎阮公派致仕

生逢堯世廣搜賢，會上雲龍契夙緣。誦學擬隆惟德
后，正居務引作恭先。功成大有名高拉，爵與中孚序
疊遷。爲道尚書平格壽，我公年亦太公年。

次韻賀寺卿黎仕瑾致仕

有匪其彭，艮又敦。此回瀟灑仰天恩，同朝奕葉登科

錄致仕道傳興言碧水清山供雅趣清茶壽酒養真

元榮花自是鍾靈秀直擬桃村揆一村

次韻賀參從戶部尚書慶山侯阮世播致仕

達尊品望邁尋常歷踐華途疊寵章臣敬臣勤時篤

棐聖謨聖德日宣揚洪恩厚錫欽楓陛苗裔長留甲

錦鄉靜重也知仁者壽問年呂尚亦相方

次韻賀參從少保義嶺侯同存澤致仕

幾載欽鄰亮帝功斗台位望屹朝中宅師曾篤為民
志陳德弥深佐辟忠優老仰承君賜重裕昆長保國

休同詢謀有自詢黃髮周代豈容我召公

次韻賀太常寺卿陶俊彥致仕

高科顯仕坦途由高齒如今七十秋一片謝箋書甫
上九重異眷禮加優盃中賢聖朋簪盍膝下兒孫慶
永留東望行塵空眇睇大夫高興正悠悠

阮公董

青林桐溪人正和乙丑科進士十四年癸酉考詞命預中第二
奉使累陞陪從兵部左侍郎遷都御史署中書監海慶子

近體詩七首次韻賀工部尚書壽巖子武公道致仕

明農往轍作方諸偉績完名不盡書春暖花杯西洛
浦秋光月炤午橋店螭醇翠爵佳筵勝寫引清絃雅

興餘陸地神仙今正是世人何必問山居

次韻賀工部尚書施慶伯黃公寘致仕

少貴耆榮二傳班仙踪不比夢邯鄲懸車已遂初心
願炮笋何嫌野味餐梅園煙霞供醉筆竹溪鷗鷺諒
涼冠克艱事業還才子舜日堯天且養閒

行藏明鑑淨塵埃蹇蹇功成逸思催景慕義人高
鵬^補和歆唐叟豁春臺午橋月下琵琶曲履道惟傍
杯重喜門庭多樂事桃徵添壽艷花開

次韻賀都給事中裴公輔致仕

仕到龐眉通濟民。投簪還養壽康身。東墻竹植清三徑。春圃花開艷九旬。閒可吟詩供度興。樂同擊壤園堯仁。榮名自有榮觀處。儼若睢陽好寫真。

次韻賀寺卿黎仕瑾致仕

歷朝承弼恪恭敦。得謝新承曠蕩恩。綠野風輕花自舞。碧山河暖鳥能言。樽浮菊液酣秋九。盤溢椒香樂歲元。世閱懸車名四海。錦榮奚翅耀鄉村。

次韻賀戶部尚書慶山伯阮世播致仕

仕歷通班率典常。德年九謂全平章。懸車盛會群英

重投紱高名四海揚。叫傲白蓮憑結社。優游畫錦樂
旋鄉。心間便是仙身世。何必翰生陟岱方。

次韻賀大理寺卿銳巖男段俊和致仕

功成名遂地中仙。適志逍遙物外天。園圃近尋新興
賞民夷遐憶昔旬宣。清風明月締雙契。令望芳名喜
兩全。卽赴洛筵相似齒。更多馮老二三年。

譚公倣

東岸翁墨人前朝節美
尚書譚慎微之後

近體詩四首

次韻賀工部尚書施慶伯黃公寅致仕

踐歷華途陟斗班。三尊獨步倍邯鄲。翠帷肯沐新恩

329
寵梓里重依伯館餐綠野閒吟醉筆蘭亭勝會聳巍
冠家聲剝喜今增振壽域熙熙白日閒
香袍馥馥拂塵埃昔約依然好夢催花草增光今縣
里圖書重換旨樓臺兒孫遠戲添春色耆艾交歡滿
壽盃滂洒閒中無限樂榮觀泰運治平開

次韻賀寺卿叅仕瑾致仕

勤勞四紀道彌敦閒養欤今荷聖恩月閣靜觀消長
理書齋細玩聖賢言綺琴弄興添春色黃菊頻斟保
壽元故里風光皆可樂何勞遠訪植桃村

次韻賀戶部尚書慶山伯阮世播致仕

華途歷踐謹官常斗座巍然佩七星章參贊萬機辰
勵翼交修一德日宣揚恩榮疊荷楓宸所燕會增光
畫錦鄉與樂先童求至道莫教旨意有殊方

洛翠山詩詠參辨卽浦侯齋黃炳烈之民畱題

峯峻千仞立乾坤曾幾桑滄默不言佛子骨灰雲塔
在騷翁心血石崖存地餘往蹟名南國天爲新城鎮
北門安得四辰共蘇息凭高日月樂琴樽

海樵陽亭吳世榮題

山勢鬱昭曉，江潮自汐潮。山圍三省合，雲沒尺波澆。
橫舟誰弄笛，穿磴客乘蹻。今古無窮意，登臨有海樵。
三登進士范義齋題

少年遊翠山，慨慕張升甫。一宦今老矣，歸作蓮洞主。
蓮尚幽且蔓，是以車馬稀。所處雖云異，風月自依依。
定臬農貢阮再書

巖壑出城市，今昔幾登臨。古人不可見，陳蹟空追尋。
禪裡且虛寂，異端多酷深。誰能繼遜叟，仁義開人心。
亭平臬使陳思誠題

北界三叉水南歸萬巖雲樓臺高日影花卉熟秋曛
遜翁今安在留詩思不群漁磯苔自綠淅淅晚潮聞
寧撫陳子敏善政題

神山一半落塵中靈蹟銷磨叩不穷題詠三生餘事
業登臨千古老英雄荒亭風掃留塵黑斷刹雲燒却
火紅最恨殘碑看不到上乘文字半成空

光祿寺卿荷亭阮述奉命典試南場重登留題

再把吟鞭拂翠苔前途屈指十年來塵氛何日山無
恙風雨重陽菊又開載酒孤舟橫極浦題詩片石倚

高臺遜翁芳跡千年在，寧使騷壇沒草萊。

端齋廼芳張題

巖幽勝景記寧平，此日登臨駐絳旌。
御賜護城新翰跡，人傳浴翠昔仙名。
南來峻峭三峰峙，水顧瀾漫一
水橫。明發途中回首望，苔痕石色有餘青。

經畧副使珠江裴禩題

蒼然水石淡烟低，十載逢秋倍感悽。
人物文章千萬古，江山心事昔今題。
嫩潮晚渡孤城北，老樹斜陽疊
嶺西。浮世艱難頭髮白，嗟增翠嶺幾攀躋。

鳳池東陽武范啟題

三浙江浴翠山山因城護換新顏東阿事與浮雲變
 逝叟心如倦鳥還詩譜賢豪堆錦壁歌樓人馬雜禪
 開可憐勝景無常靜天亦於山靳一閒

御史北山吳敦和前韻題

菊盡苔荒落照低寒鍾疎雨入秋悵那堪往事如雲
 散况復新詩有石題山曠未開雄以北江清猶怒珥
 之西無窮宇宙征人思多幾年前洒淚躋

迴鶴山詩北圻經畧副使裴文禊題

不見鶴飛迴。空登迴臺。鶴鍾寒知寺隱。井漲識潮來。
清色千林晚。晴收萬里開。江山長似此。忍使沒蒿萊。
若非賢地主。幾負此登臨。雨過天池冷。雲封石洞深。
癡奇應笑我。閱歷到如今。猶惜張升甫。遺文無處尋。

御史吳敦題

浴翠登臨後。留連爲鶴迴。水從仙口出。花到佛頭開。
往事兼星物。新詩半石苔。青山不會意。又送萬重來。
遯叟無片字。能不負名山。地別三千界。門雄百二關。
樓臺風月下。池市鳥花間。未解吞雲夢。狂人自往還。

不得潘翁意。寧知張叟心。兩峰俱磊落。一水自淺深。
問世雲濃淡。題詩石古今。此中真浴鶴。隔歲又相尋。

全越詩錄卷第二十五

翰林承旨顏城伯臣黎貴奉

旨編定

國朝武職

字朴甫唐安州輪人年二十三登正和乙丑科探花仕歷部從鴻胥寺卿行僉都御史坐言事罷歸後再起用仕至寺卿性聰穎博覽墳籍其學無所不通好誘掖後學因以成名者甚眾自中興來文學拘於對偶氣益卑弱至職而後返之於古文体為之一變士夫咸宗師之所著有濠南文集行世子武暉登永盛壬辰進士仕至右侍郎

古體詩四首 無求吟

守素位懶營求外却窮通攘喜憂甘淺拙寡謀猷量才揣分覺宜休美玉明珠非不重那堪能鬻與輕投

無暇掃門候齊相。况欲束帶見督郵。耻說二天托薊
郡。敢因歡飲玩舒州。造物賦予已前定。空使身心役
役悠。堪怜喪心鎖核老。晝夜額額執牙籌。何人得意
訪故舊。謾對冷眼列鳴驄。設畦町。惹怨讐。言行須思
寡悔尤。談笑不覺隙。蘇史七箸候。令分曹。劉誰教破
柱取。張朔何事極口罵。李彪距脫無端作快語。女奴
就霍改周。冷笑拂鬚愧。丁謂平生夙好。翻爲仇。
責善遺書。介甫少年握手。忽戈矛。舉動草率終片
頃。是非禍福驚千秋。緇銖山崖念警語。煙霞泉石思

悠悠漁樵侶。牧耕儔。翫然自得遂優游。饒趣味。儘風
流。朝暮何須別。索搜。辰湯冷。適葛棗。躬親畎畝足履
田疇。禾麻稻黍。麥薺。蒜葱薺。薑桂初抽。菜栽元景
浦。橘植李衡洲。鮪鮮肥且美。蓴味滑還濡。松聲聞
枕簟。竹影入簾鉤。地辟塵埃迥。山深景色幽。池下蛙
鳴當鼓吹。庭前猿呌助吟謳。鱣鯢潏潏。鹿呦呦。花底
聲黃葉。留。調舞鶴。咱鳴鳩。自信忘機狎白鷗。對籬菊
起。啟醇。明月辰來互唱酬。倚危石。玩浮謳。淡了功名
富貴謀。詩書堆案積。俊乂向門趨。正修師孔孟。詞藻

耻韓歐晴看楊柳岸雪泛剡溪舟清閑咱野箇遣興
上僧樓誰是煙波一艇客誰是人間萬戶侯

題饅函

駢之背杖之頭出徑荒村伴雅遊遊夕中何所有糲飯

乾修少多有核些小鰕鰵襍鯖卑樓詎懸壺富許由

會心當異味適口勝珍羞奚必蒸餅十字析馳蹄千

金甌粗淡隨緣飽休莫即休休說王石事令人爲爾羞

又一片題

嗜好有生同得中斯可尚天官總五官大小在所養

素其位而行，曷嘗踰分量。簞瓢百世師，奚必多方丈。
自述

堪嗟乖崖齷齪翁，零丁落魄思何窮。雲萍家計聚還
散，潮汐生崖有旋空。峻宇穹窿徒四壁，巨航蕩漾只
孤蓬。六親麻枲膚難掩，百口糠粃腹未充。見面令人
增厭黷，終交自己竭歡忠。燃眉尚作太平話，相骨猶
希俠貴風。水到沃蕉無剩滴，玉雕楮葉枉施功。尊門
榮瘁開身上，寧敢拋心不憫恫。

178
近體詩二十首

思親

永念劬勞鞠育功。天高海濶莫終窮。心求誠在無言
際。機觸神從未發中。岵嶺陟來依耿耿。白雲望極思
匆匆。我歌綵袖辰云異。慕戀深情萬古同。

自嘆

林間遙濶睇連^天就。認方知是石田。縫塲青葱惟稗穀。
隄邊堆疊只苔錢。遂無董土充饑日。豈望糠粃濟饑
年。盍就稻稌生長地。勻勻烏甸碧芊芊。

思歸田偶成

飄零四海一風萍。厭見塵途聒耳聲。聚散悲歡傷往

事蒼黃濃淡閱人情。教教百口提携重。渺渺孤身念
慮并。誰是蘇門樵圃地。囂囂畎畝足平生。

自警

勸君用力早修持。進德延生是本基。常戒八風搖一
燭。無令兩斧伐孤枝。聖狂念忽端由我。操舍存亡更
問誰。理欲關頭能審別。域躋明^哲歲頭期。

閒適吟

周心一夢久無心。樂澗衡門味轉深。戲彩堂前雙鬢
雪。萃書架上萬籤金。曉田半頃聊供日。喬樹千行自

作林辰有旁通隨所遇何須市破子昂琴

蜀子昂有文章久不為辰所知

適見市有賣胡琴索價百萬人不敢買子昂曰我素善此阻來日就市如效還之人皆聚覓子昂乃出所作文許覓者子昂有如此文章不見于辰豈效此俗人末技哉遂對眾破其琴覓者轉相付說武后聞之用居翰林

題酒函

小小奚奴掛杖隨郊垌桂塢各相宜祛寒雪徑尋梅際對影山椒得月時一葦任教遊赤壁雙柑儘可啗黃鸝微醺只道升平樂誰是誰非總不知

題飯篋

野筍山蔬俗醢輔輕裝做小規模役心不學行珠練兼味奚勞遠市沽角勝厭窺萍豆巧喜清恥醅

膏粗爵餘寡約隨辰用。遑問向家下箸無。

秋月炤華筵

三五當空玉鏡明。華筵對炤十分清。斜穿盤面攸
伏直。醺盃心乃生。才子桂枝如有意。姮娥年少豈
無情。通宵泄了乾坤秘。旦復光華會太平。

題餉匣

幾箇東西担一邊。鬱紆坦蕩任周旋。甘辛燥濕歸調
劑。輕重低昂入量權。莫對貴游誇爽口。免教倦僕告
頽肩。涼亭古樹乘閒際。隨意携來用沛然。

過嘉福洪市橋

壬辰秋與門人榮四作

境界天分兩路歧洪一橋橫亘此江中
當空影蘸披雲月跨水腰分飲澗虹
梭織舟車隨上下星羅隱隱合
西東乘軒策駟曾經過題柱何須慮達窮

賀桂陽族

天生豪傑厚家邦滋至頻新萬福降
長幼並環金鎖甲雲仍齊掛碧帟幢
北堂萱茂龜疇九南極星輝鶴
雙鬢天意栽培斯不靳蒼山矗矗水淙淙

賀同門造士

才爲辰生棟幹隆敢云磨琢竊斯功干戈俎豆岩廊
器弓冶箕裘祖父風美制肇先膺簡命鴻恩疊受董
元戎勉將忠孝雙肩任長樹勲名海宇中

悲楊大洪

憂辰一疏觸權奸容易將身惹事端蔽銅莫回君
恩惑孤忠誰白此心丹凶威煽煽兼天熱善類各
聲徹骨寒倭不可爲忠乃爾昔人曾說做人難

次韻賀工部尚書黃公寅致仕

身擢高科爵上班真真豈是幻邯鄲河海浩浩聖賢

樂鍾鼎重重將相餐山斗一辰人屬目鑑衡幾度士
彈冠懸車今喜榮名遂綠野春深歲月閒

喜看黃道淨塵埃讓却津梁逸思催政事文章留鳳
閣風花雪月傲琴臺佳兒付分傳心印耆會遷延序
齒村智水仁山多少樂韶顏辰與豁然開

次韻賀都給事中裴公輔致仕

太平天子太平民際遇多公早致身朝郡歷居施用
日丹金適可養休旬蟠桃碧藕供需宴綠水青山樂
智仁雪髯霜仙伴侶長看世運闡真元

次韻賀戶部尚書慶山伯阮世播致仕

德備才全冠庶常。位名端不愧麻章。白珪美質音無玷。黃閣清風譽遠揚。迢迢懸車春有脚。優游永錦畫還鄉。先憂後樂酬初志。長炤餘輝映左方。

次韻賀寺卿黎仕瑾致仕

奕葉花尊世德敦。世科世祿荷君恩。忠勤休國酬初志。敬簡臨民服格言。得謝已舒吾願素。去思更渴彼黎元。耆英會上人相問。笑指鳴珂耀我村。

次韻賀國老廉郡公阮貴德致仕

半千際會慶雲龍。天下名魁世鉅公。僕表百僚隆棟
幹。範模多士式章縫。槃舒錯解攄王佐。恭叶魚同叶
帝衷。知足更加人數等。瓊筵重荷紫泥封。

贊襄功就載惟熙。白晝凝光九畹衣。自有鼎銘彝偉
績。却將風月結新知。青葱此操涼松蔭。活潑怡情興
石磯。卸担雖酬謙挹志。蒼生引領望夷夔。

(3)
既名譽

號贊翁。州鳳楊柳人。正和乙丑科進士。會試第一。應制額中。盛己丑。以提刑北使。還累陞陪從工部右侍郎。桐嶺子。

近體詩九首。北使到南寧。總鎮趙廷棟。迎入花園宴賞。

因贈以詩

西城制敞一清孺。燦爛當廷朵朵開。聞艷不須宮苑

剪爭妍何假上林催霞蒸異彩臨詩案風迺微香入
酒盃靜玩化工生長意還知樹德厚滋培

贈靈川知縣李

榮綰銅章聘玉韉團團皎月照靈川
噢咻德妙春風鼓齊道仁弘化雨宣
園境歌興西蜀袴一方聲沸武
城絃棘叢豈久棲鳳寫指日鵬程奮萬千

彰德城

春風迢迢送歸旌

到鄴城韓嶺高排暈羽

綠洹泉寒漾鴈頭青
挿堤金縷重垂蔭覆隄黃雲弄

曉晴。顧問錦堂何處是。

漢陽公館端午日

作客遲延歲月長。佳辰今又遇端陽。誠開不假纒絲
縷。德飽何妨泛酒觴。對戶槐陰清酷暑。遠塘荷蕊扇
微香。許多情緒難消遣。寤寐南樓與北堂。

湘江七夕

初秋七夕夜如何。皎潔寒潭水不波。連貝浮觴人
對酒。銀鈎隨棹客乘槎。懶窺金母仙桃實。低仰天孫
綉幄車。烏鵲橋仔細看。不知傳是抑傳訛。

353
776
次韻賀工部尚書壽巖子武公道致仕
漢傳高風可擬諸矧逢四海共車書春隨杖屨榮鄉
里慶集冠紳耀室廬叫傲乾坤聊自適平章風月更
無餘此回不是耽行樂直是功成寵罔居

次韻賀戶部尚書慶山伯阮世播致仕

參掌鈎衡式席常功成今日上疏章紅臨餞筆花繅
妙風迤行駿彩旆揚載道旄倪觀漢傳滿庭賓友萃
韓鄉德江蕉嶺多佳趣燠館涼臺亦足方

次韻賀寺卿黎任瑾致仕

幾載忠勤節素敦

荷君恩四畱陳壁揮毫

視兩集佳篇對客言重向菊園開首徑好栽花塢迓
新元彩旗奕葉御閣耀價重芝山角里村

次韻賀工部尚書施慶伯黃公寘致仕

綠野香山若是班宦情便懶客邯鄲鳳城南荷君恩
潤錦里還思春韭餐水閣優游垂細餌園亭洋洒整
黃冠庭槐巨蔭長條茂勝會怡怡樂且閑

許饒世事等浮埃水竹煙花逸興催慶上英章辭玉
陛閑敲詩響綴平臺東都門外濃春色畫錦堂中獻

壽盃別有一般真樂處芝蘭玉樹滿前開

阮珩

文江花林人尚書甲濬之子從養父姓正和戊辰進士十四年考詞命再預中

北使仕至吏部左侍郎

近體詩十一首

奉和御製春元詩

天晴日煖序維新萬福攸同萃一人春惹漢宮浮玉

聲花濃尊苑襲朝紳汪洋惠雨臣民共動盪仁風品

物均近接清光知有幸九如塵祝長春

次韻賀少保義嶺侯同存澤致仕

幾年黃閣亮天功闔闢乾坤掌握中橫雲斗杓隆位

望擎天石柱表精忠于門車馬声名重徐戶衣冠福

356
復同善始善終誰得似漢朝韋相宋韓公

次韻賀大理寺卿銳巖男段俊和致仕

青雲得路接群仙。稠疊恩波降自天。輔政有辰攄弼
亮。董戎多日任蕃宣。見幾明哲憑雙解。無妄良方作
十全。不老江山渾似昔。仙遊好景樂年年。

次韻賀工部尚書施慶伯黃公寘致仕

朝班解紱會耆班。肯約青山興不羈。壽骨豈勞丹藥
煉。清心奚用菊英餐。醉吟亭上頻頌學。箕踞軒前縱
倒冠。衣鉢傳來還似昔。午橋花竹任遊閑。

端凝襟度絕纖埃。松菊悠然逸興催。綠野優游裴相
第。清風笑傲潞公臺。君恩日耀回鄉錦。慶冢春濃獻
壽盃。鶴戲龜遊閑歲月。仙桃幾度認花開。

次韻賀都給事中裴公輔致仕

投紱歸來作逸民。一腔明智善謀身。名留宦譜光千
古。齒序耆筵正七旬。榮耀衣冠堂上錦。美回風俗里
中仁。槐庭竹徑依然昔。小宅何須訪李真。

次韻賀戶部左侍郎阮公派致仕

宿德耆儒^世所賢。一辰際遇慶奇緣。論文褚亮居房列。

進學甘盤在說先。繒繳不開高鳳舉。谷喬有路妙鶯
遷。懸車此後原無例。花柳饒吾學少年。

次韻賀戶部尚書慶山伯致仕。

辰中仕止禮遵常。年至拳拳請老章。丹陛春溫香裊
裊。江亭風煖旆揚揚。勲留鍾鼎名留史。爵重朝廷齒
重卿。山水適情洋洒處。神仙可學豈無方。

次韻國老廬郡公阮貴德致仕。

遭際緣諧九五龍。經綸奕理位三公。交修一德丹心
矢。啟沃多方袞職縫。趣樂園林今適志。勲留廊廟肯

和衷此回惠養多居賜不比尋常樂素對
兩朝弼亮百熙白晝還鄉耀錦衣黃閣風聲留
價綠堂花竹結新知宴近日集香山會興賞辰來渭
水磯剩有傳芳家令子塔前壽酒效夔夔

次韻贈太常寺卿陶俊彥致仕

隨辰仕止禮途由洒洒胸襟零月秋二紀立朝聲價
重七旬謝事寵恩優鳴環耀錦多情樂植桂封槐有
意畱何物足供閒歲月青山碧水興悠悠

張明亮

維先阮舍人正和庚辰科進士仕至尚書寺卿
卒贈工部左侍郎先源侯

近體詩六首

次韻賀工部尚書施慶伯

台斗躬圭步上班
宛名清福古崔鄣
清風自樂春臺
圃丹灶長供碧藕餐
祖餞盛陳疏廣帳
優游重製尚
之冠南天勝景饒
乘興樂只仙人舞
袖間
宦成名立脫塵埃
催綠野好耽裴相
阮清溪重憶太公臺
娛春洛社耆英醉
壽盃

次韻賀左侍郎林桂子阮公派

青林士望竹林賢

緣花縣鳴琴名著

始春宮深德遂居先性情樂我閑中趣機事饒他物
外遷想得此回真樂處旌觥朋酒會高年

賀都給事中裴公輔

卓越才華國傷民仕途清坦穩棲身
龜勉經三

紀田里優游正七旬惹得高名由好美克登上壽足
徵仁歸來料想無他樂辰訓兒孫嗜道真

賀寺卿蔡仕瑾致仕

官成投紱古風敦得謝歸來仰聖恩月朗韶江偕釣
話日晴那巖對樵言三春琴弄頓閑趣九畹花開養

壽元世祿世官兼世壽錦衣幾度耀鄉村

次韻賀太常寺卿陶俊彥致仕

義審隨辰正路由清風皜皜自陽秋
賜大纛高旗荷電優會上耆英增首貢
塔前槐桂永終留地靈益卧仙人記
山水蟠旋福發悠

黃公寶

天施土黃人尚書黃公寶之子永盛庚寅科進士應制合格仕至翰林承旨卒贈工部右侍郎孫平政公景興乙未進士

近體詩五首

賀國老阮貴德致仕

緣諧千載慶雲龍心一開誠道秉公
廟業永冠不改昔章縫朝廷機要咸開掌
師錫謀猷

363
787
仰折衷四十年餘勲望重

遍提封

帝載多年茂緝熙官成名立拂塵衣門邀昔契吟三
樂堂集耆英玩五知月下饒裁師亮竹溪邊任訪子
陵磯一門剝喜簪紳萃濟濟虞廷接武夔

賀父親致仕

高節完名孰與班風流不假枕邯鄲頗真自有煙霞
趣煉氣何須日月餐彩耀一門新御墨福畱百世
儒冠承歡膝下無他樂樂向優游適性閒

私門歸杖辟塵埃仁智逍遙逸興催雪髯霜鬢商叟

筭煙花水竹晉公臺。娛賓好結香山社。會老閒斟太白杯。記取童園還侍日。韶顏長在喜顏開。

奉和御製春元詩

德與年新日日新。重光重潤望字人。壽增上聖膺箕翼。喜溢龍墀會縉紳。乾始坤生機妙運。雲行雨施澤旁均。對辰尤願弘參贊。四海熙熙盡在春。

裴士遑

近體詩二首

賀國老阮貴德

遭際緣諧九五龍。孜孜奉國廓然公。仁施鴻雁寧黔

首直東羔羊燦素縫克享天心師尹一懋衰帝績廸
臯衷高車駟馬歸纔第會見立成襲首封
寅亮功完帝載熙蒲輪高坐九章衣東門祖餞簪群
哲西洛堂開表五知好慕鴻達翔碧漢厭肯羈趾戀
漁磯歸來煩爲蒼生起四海懸懸望契夔

阮岩

石室隱舍人

近體詩一首

賀國老阮貴德

揆宅多年庶績熙還鄉今灼九章衣奇山秀水供佳
興燠館涼臺樂故知日煖童冠娛野景風和杖履適

漁磯門中剝喜猶多尚濟濟行將踵契夔

范廷鏡天本

近體詩四首 賀國老既貴德

歷朝弼亮遂攀龍
優老今蒙晉上公
北闕踈恩花袞
驚東門餞別萃章縫
明農自適逍遙志
報國常纏憂
愛衰剝喜家聲增赫奕
相傳永鉢襲榮封
風雲嘉會際重熙
大展經綸補衮衣
四紀參陪多茂
績歷朝恩寵荷殊知
引年願獲辭金闕
釣月閒娛恣
石磯早晚懸車應促駕
虞廷莫道一夷夔

賀工部尚書施慶伯

坦步青雲陟峻班。翱翔何必郊邯鄲。榮儋王爵三台列。飽受君恩九鼎餐。廊廟軒昂隆作棟。門前翁集慶彈冠。宦成更適辰中義。三壽其朋歲月閒。

萃津歷踐曼塵埃。身顯名成逸興催。紫陞引年留白簡。錦堂暇日穩臺靈。朝推台輔調梅鼎。會結耆英泛菊杯。剩喜五榮中更喜。庭前丹桂竟花開。

薛林傳喜正策中吏喜其前此封蓋亦開

國朝聖訓日錄嘉慶臨御之時臨御衆會諸藩英公

年事雖老受恩封侯賜名海盜與趙龍聖到任平治日

執事自及更與系中處三壽其國海長開

以國之長長山來發而後諸部到於轉門而命其爲

駐處青雲如如環眼眼而必收神神前部王前之白

於上治國書日錄是所見其進一其後

全越詩錄卷第二十六

翰林院承旨顧城伯臣黎奉

旨編定

國朝

阮廷先

廣德祥恩人正和戊辰進士仕至兵部右侍郎恩海侯奉差之安督視

近體詩八首

次韻賀工部尚書施慶伯黃公寅致仕

錦衣耀日却緇埃六翩翩逸興催踐歷一循溫國

地玩遙重覓介軒臺芳芬丹桂舒瓊夢皎潔冰桃為

壽杯炯炯花平朝野泰春山淡蕩曉眉開

次韻賀國老肅郡公阮貴德

累朝諧弼贊重熙梓里歸來耀繡衣千載君臣紆異

眷一門父子結隆知。已將清望畱黃閣。更把閒情恋釣磯。
勲名何讓古臯夔。

屯營望月憶友

戎旃自笑老堪支。凝望遙空動我思。萬里江山明自晝。
一生情緒亂如絲。笳未厭環營稍。蕉葉如催上將旗。
疆場早完金革事。鳳凰高穩碧梧枝。
楚雲秦樹影稀微。永夜秋霜濕甲衣。越井堪堪消暑氣。
地膚僅僅禦寒威。忘情白鷺棲寒樹。畏影青魚避釣磯。
大定行看弓矢戢。膾魚盛宴度遄歸。

調發窮邊報契魚。悠悠歲序歷居諸。沙邊鷗伴機忘我。枝上鶻聲夢起余。冒雪此秋麾屬將。封圯何日樞
凶渠。月明千里心千里。豈不依歸畏簡書。

七襄何處不成文。夜月心情似絮紛。海臙赤魚多少

影。天腰金狗有無雲。雪肥梅蕊秋千頃。霜瘦松梢玉

十分。休問素娥言契闊。從來邊遠策奇勲。

開河遙憶浣花村。耿耿秋懷欲斷魂。熟看簷笠衝雨

陣。閒將琵琶倚風軒。馬兒戲草群林野。象子沿涯浴

125
水源。李白不來雲樹遠。一樽誰與叙寒暄。

五十年花歷己庚。清秋牢落玉關情。分飛渺渺暮天
雁。連織翻翻喬木鶯。匪石心存丹一片。經霜髮點白
千莖。坐觀萬里長城壯。欲對賓朋解馬綏。

黎英俊

号迪軒。先豐青枝人。正和甲戌科進士。以寺卿克正使。还墜左侍郎。仕歷參陪戶部尚書。旬郡公為丞相十年。迁太子太傅。出太原諱山。督鎮。

近體詩一首

思親述懷

皇華拜命駕軺車。別了江亭便渡河。臣僕委身惟報
國。男兒此日正忘家。馳驅蹇蹇王臣事。巨柰慈親深
念子。竚立江邊地一頭。乍垂眼底珠双淚。刁鵲驛次
住征裘。義馭高春色向黃。憑仗皂臺还省候。加餐冀

爲白萱堂。萱堂念我情如注。千里眸中遮巖樹。月帳
通宵警遠砧。肩輿數箇衝晨露。登程暮歇市橋轅。耿
耿若懷鞠育恩。前進家僮敲夾戶。報明慈駕傍前村。
徬徨道左虔趨問。母氏向予回一哂。從古情深泊水
橋。惡慕哀腸言不盡。日晴雲淡惠風舒。噦噦和鳴謹
導輿。去帽崔郊還却是。浮觴潘岳竟何如。鼓行晚泊
昌江岸。梅點桃粧春滿眼。札候開書踵首規。傍詢村
舍營新館。舒亭安歇奉慈圍。視膳稱觴捧玉卮。原濕
雖然含草草。戾明猶可憫夔夔。居諸裁度春三月。矢

赴郵筒星詣關。啟鐫分明報日期。行裝收拾需臨發。
詰朝來。驂別卽歸來。天北天南。悵幾回。碧草綠波重。
鄭重。紫荷青柳。數徘徊。巷頭。顧我秋顏現。提耳諄諄。
休戀戀。但學天喬戲鳳麟。免教老媪生豚犬。叮嚀并。
教飭征夫。駟駱駢駢。六轡濡。燕薊凝眸。以塞遠。家山。
回首月輪孤。孤寔對月情無已。愁思悠悠傷陟屺。數。
載那堪。闕清溫。三食誰是供甘旨。無端心緒似秋紛。
旦旦。天邊望白雲。親舍陰稀。薰夏暑。帝絃日望奏南。
薰。長途跋涉三千路。憑便鱗鴻終兩度。杜孝筒魚杳。

若何孟郊淡墨良尤苦。秋山秋水送秋聲。秋葉秋宵
愔客晴程。讀雅已除芭杞句。臨風莫狀倚閭情。私情
公義誠難兩。子道晨昏臣款掌。弧矢懸門生我初。斗
升干祿爲親養。忠臣方是孝親兒。全賴宸猷仗國威。
濟事庶幾歆四牡。娛親何幸舞斑衣。目今猶作他鄉
客。睡覺蓬窓東已白。聊用書依賦一篇。不嫌糟粕抒
頤。

近體詩二十八首 北使駐梧州

風帆一葉泊梧州。水秀山清絕勝遄。暮散落霞籠鶴
觀。晴鋪怪練逼江樓。臨江洗馬池猶在。飛閣迎仙駕

不留八景客中難徧覽暫來花下寄雙眸

登平樂印山亭

水上浮山山上亭堆青分綠幾周星四辰月色先臨
閣百品香花遍繞櫺墻影搖風當檻過鍾聲送雨隔
牕咱人登縱目雲煙裡四顧晴嵐似錦屏

駐廣西上巡撫部院陳元龍

精鍾星宿秀鍾山文武才猷器宇寬令甫千屯霜凜
凜恩潭四野露漙漙屏翰壯國周申甫衣鉢傳家宋
呂韓廊廟過過調玉鉉格天事業萬方省

廣西按察年希堯送扇面書唐詩次韻答謝
將命下臣虔貢篚。包荒上憲惠投肌。胸吞雲夢千尋
閎。筆吐紅霓萬丈高。無量恩波銘肺腑。許多喜氣集
眉毫。魚緣幸覩祥鸞鳳。直爲凡翎假羽旄。

登黃鶴樓

高入青冥逼斗牛。俯觀全楚一孤丘。城池今古東西
月。草樹滄桑上下洲。佳句豈應詩聖妬。睽翎曾記劍
仙遊。塵間韉鎖渾如夢。無限閨雲檻外浮。

登黃鶴樓望漢陽樹

翌軫名封誌漢陽。四環景色入平章。煙波浩渺愁人
思。風月招邀醉客觴。遮岸幙簾橫古樹。迷津林木豎
風樯。居濱誰是丈人者。羞說機心久尚香。

到湖口縣題岳武穆王廟

斗胆銅肝兩曜臨。可憐志願不隨心。英雄偉業光前
古。和約邪謀恨到今。報國豈知逢俊檜。誓心只是為
徽欽。忠魂耿耿千年在。辰撼江濤洩怒音。

贈湖口訖送陳

長安每喜遇知音。何事分岐惱客心。湖口一帆千里隔。

蓬窓孤月五更深。薄施愧我交如水。厚爱多君切斷金。幾度相思憑蝶夢。剡舟何日更重尋。

次韻答伴送序班蘭象

声音偏恨不相通。心契從來是罕逢。夏去巖雲和客對。秋來江月與誰同。無聊綠草連南浦。叵柰寒蟬噪北風。清韻依依千里夢。六年應有寄麟鴻。

賀廉郡公阮貴德

四紀功成帝載熙。却將野服換宵衣。冰桃仙藕供新饌。水竹煙花覓昔知。春暖杏園携釀具。秋清蓼渚訪

漁磯帶陪勝餞將何謂近世郭歐古契夔

賀施慶伯黃公寘

止足風高絕點埃鷗盟花約思如催

臺臨水勝遙頻放舸揮金樂趣屢

冠盃家居勉勿忘忠告聖德飲今視咱開

和陳素庵送梧城詩

桂江春泛

泔泔春水岡擊楫渡前川棹進桃花浪風輕葦葉船
曉移紅蓼渚暮泊綠楊煙幾度星槎客爭看李郭仙

鯉池漾月

亭閣臨池跨。池平月影浮。金波搖玉宇。寒氣逼輕裘。
漱灑人難摘。玲瓏水欲流。

到南京。江西處士馬幾先贈詩。次韻和答。

古稱文物萃江東。五馬才花氣同。味詩窟喜今逢。巨擘。

悅聞文海若耶風。

試將國俗報君知。戶戶歌弦不舍斯。七歲兒童能作
賦。征夫老懶未成辭。

知音偶自契寅緣。方外神交具數篇。無奈別來梁月
念鱗鴻。望在六周年。

贈禮部郎中嚴必客榮

駟車指日向明都
顧戀端從志氣孚
鄭重泊橋牽袂
念徘徊幾次駐征駒

送伴送蘭象

長途遠送使星槎
情好重賡鄂棣花
相遇那堪相別
苦此回南北各天涯

閨怨兼老女嘆恭和聖祖御製

秋風吹不尽總是玉關情
分析波句以并效句之上

開悠收頭三韻四
限用唐詩二句云

秋意飄涼燕去悠
客將輕策匣中收
含情對影憐春

思拋却香梳懶理頭。

風穿薄帳夢難悠。萬種愁情計斛收。天賦嬋娟成底事。半生乍見雪蒙頭。

吹罷玉簫怕漏悠。暫收紅淚與灯收。閨中只有含情

輦。無怪文君嘆白頭。

不撩雲鬢悶悠悠。却為秋來春色收。人比黃花今愈

瘦。未知何日展眉頭。

畫將利鈍付悠悠。問卜金錢出復收。三十孟光終待

字。沉吟底事苦低頭。

總覺生成歲月悠。日驚駒隙迭成收。嫁衣浪為他人
作。亂繭勻生十指頭。
是是非非頓繆悠。好花野放没人收。命途自悵生初
殁。天喜紅顏不出頭。
玉筯無緣念悠悠。循環代謝序更收。年光如此復如
此。邂逅何辰並枕頭。
閑睢美化古風悠。寂寂桃夭韻久收。靈藥如何偷得
去。姮娥甘伴碧雲頭。
情竇誰禁夜夜悠。姮娥羞對鏡花收。玉情欲效隨緣

往却怕人間覓口頭

阮公基

号美齋慈廉明果人正和丁丑科進士效年中超迁工部右侍郎
轉戶部永盛十一年充正使还墮左侍郎尋陞兵部尚書兼東閣
大學士入侍經筵果郡公保泰中改授提督署府事
加少傅卒贈少保孫輝旺登景興乙未進士

近體詩九首

北使過梧州和副使黎廸軒韻

梧州封域首交州水秀山青可勝遊
深夜鷄聲旋鶴觀曉天霞彩映雲樓
紫電海畔寒波靜養鱷池塘古
樹留旅客詞中多賞適一天景致入双眸

贈樂平知府

詩祀家庭得正傳名城此日任旬宣
和風甘雨珪璋

德烈日秋霜斧鉞權桂嶺春濃

槐堂晝永樂

歌絃鳳凰豈久棲叢棘奮迅行將戾九天

贈廣西巡撫

岩廊位望耀桓圭鳳詔榮叩鎮粵西紫殿青霜嚴鎖鑰
和風甘雨樂旄倪九天倚重藩翰壯四國群貼山
斗齊剝喜家廷多厚度才郎接踵步雲梯

次韻答廣西按察使年希堯

文章政事拉三長西粵來旬髮未蒼
彌教明刑功勉亮去惟見服德弥章
冰壺玉鏡襟懷爽和氣春風笑

語香人物祇今真第一。行省補袞贊天王。

興安卽景

撐過灘江百里灘。客程今日到興安。白雲驛外烽無
警。夜月潭中水不澗。幾曲靈渠泉漱玉。一泓井水廖流
丹。溪頭聞有飛來石。畢竟方民說得瞞。

次韻賀寺卿黎仕瑾致仕

泣事多年素節敦。今朝得謝沐洪恩。九重優待隆華
同。列稻揚惠好言。畫錦吳輪依首址。蟠桃風味養
真元。閒餘興涉那山嶽。好訪樵夫所在村。

次韻賀國老廉郡公阮貴德致仕

超翔廊廟快攀龍。夙夜孜孜念在公。漢閣奎文經潤
色。周廷袞職任彌縫。累朝弼亮堅金節。四紀勤勞展
素衷。七袞于今榮得謝。洪私優渥疊恩封。

畫錦榮鄉瑞彩熙。五更

整宵衣。耆英會上娛同

契。賢聖盃中樂故知。春圃携筇省瑞草。銳江泛艇訪
漁磯。閒中有日朝金闕。祇見龍顏慄慄夔。

答欽差伴送萬

竣事言旋慰遠情。悠揚道上掛行旌。逶迤驛路三千

里陪伴周旋屬老成

阮茂登

号頤齋嘉林金山人初名茂盛避皇号改今名尚書阮茂材之孫正和辛未科進士永盛十一年奉使还陞兵部左侍郎轉吏部

尋迁副都御史弟

謙益仕至吏部尚書

近體詩五十一首 北使謝梧州知府李賜扇

貞元嘉會正端陽長養鴻荷竈光瑞日煌煌臨使

節雪衣楚楚惹天香奉揚紈扇供清興更把芳花潤

采章聖德喜今無遠近壽盃齊獻祝山岡

梧州卽景和副使黎迪軒韻

西粵江山第一州足清迳雲含山寺遮禪

院月上江城。醺成樓水井。噴菴泉未咽。仙門跨鶴迹。
猶留無邊光景。催人興。擬步層岩。縱遠眸。

和徽州舉人程章禰

詞命空慚古四賢。王臣蹇蹇敢徒然。皇花靡憚三千
驛。紫極澄貼咫尺天。珍重圖書隨旆橐。招邀風月滿
征船。囂喧錯恨多塵慮。詩思誰能叩百篇。

南山峻極產英賢。文學詞章藹然。健馬霜蹄初歷
塊。大鵬風翮直衝天。德星光彩占辰象。韶樂餘音繞
客船。迺接光容增企望。緇衣聊賦古詩篇。

泊桂華驛望并延壽聖節

千秋聖節兆嘉亨，南望祥雲萬象佳。
髣髴祥雲凝寶鼎，依稀仙杖裹天葩。
山椒遙響三呼祝，日冕澄貼五色霞。
將命小臣貼戀切，虔伸虎拜向京華。

登平樂印山亭

嶷嶷山亭插碧蒼，無端景色入平章。
天將老石培基址，人役長材作棟樑。
挹水吞山千里遠，迎風弄月一窗涼。
品題未遣登臨興，何處鐘聲叩夕陽。

思親依述和黎廸軒韻

白髮慈顏萬里天。廷前曾憶舞衣年。情深九字心旌
轉。夢繞三更月鏡懸。集桐何堪離下止。伐柱愧良水
清漣。蓬窓閱到陳情表。罷恥難禁賦短篇。

贈廣西按察使年希堯

天章藻艷回華重。門地風流耀彩旗。射虎澄清三尺
法。羔羊正直五紵絲。德孚惟土徵惟月。望屬南臺迪
若辰。人似荆州堪景慕。遐方接戩恨差近。

浯溪鏡石

歷斗隨灣溯上灘。往來曾是說興安。七橋石竇容青

393
196
雀兩岸紗窓俯碧澗。嵐霽頭標聳翠晴。薰馬面映

流丹。疎渠尚有豐碑在。萬古令人解得瞋。

祈陽卽景。和乙部副使黎迪軒韻。

泉陵望眼正殷昌。東下征帆背夕陽。山醉霞光紅掩
映。波吞樹影綠悠揚。天湖錦雁迎秋信。青澗黃蓮送
夏香。陳迹追尋無處覓。浯溪石磴認詩章。

過洞庭湖

七月乘風過洞庭。中流晴望四滄溟。竹帆亂泛疑蝴
蝶。銀燭高懸訝斗星。縹緲濃山浮水碧。微茫遠樹

抹天青。悠悠何處。御開念。波上寒光弄晚汀。

登黃鶴樓

偶乘逸興上層樓。爽覺三生汗漫遄。遥睇鳳凰皆紫
氣。晴窺鵝鵝亦滄洲。塵囂擾擾高低宇。名利滔滔上
下舟。更有一般清好景。陽漢山雨漢江秋。

賀黃州知府王

多年政績輒黃黃。入境曾茲覩光。九澤鶴鳴重碧
響。寒山麝過滿林香。江隄柳色春長在。古道榆陰
輶駕重秋如再訪。璽書早已擢循良。

贈湖口訢送陳

煌煌寵命泣湖西，豪氣高騰萬丈霓。
湖水秋光旗彩旆，廬山霜浦劍聲嘶。
眼空四海全牛久，望屬三軍半虎提。
禮樂詩書名望重，南牙還可姓名題。

過魯望闕里

天眷斯文樹準標，泗洙一派脉迢迢。
春秋筆削功齊禹，道學精微統接堯。
博溥淵泉長浩浩，周沅磅礴自昭昭。
高名萬古渾如在，貼仰巍巍屹泰喬。

柳庄咱噲

十

楚雀迂喬柳色新。嚶嚶盈耳弄韶春。千條幄帶渾無
俗。百囀笙歌却可人。求友數聲偏觸類。穿絲片影欲
傳神。萬般嬌媚知音少。喚起雙柑興轉頻。

經沙河里

離城數里盡平沙。落莫晴天四望賒。歸去馬蹄偏放
逆。縱橫雁影自迴斜。青青名祿前村麥。點點成文岸
上花。里號從來非浪說。抹坤一線似長沙。

答欽差伴送萬

長亭簾捲月初窺。繫馬竹橈興轉遲。馥郁蘭香臨几

397
198
案熒煌燈影接丰儀。渭城朝雨歇三疊。南浦春波酒
一卮。萬里分携增繾綣。故人何日更相隨。

漢口開船。褒老贈別一章。回抵南寧。次韻寄答。
三唱行行未厭奢。颶帆風健可能遮。漢津夏柳猶垂
幕。寧嶺秋風已帶霞。望眼盤桓千里月。談棕夢寐兩
年華。殷勤且學梅枝贈。陸範深情莫浪誇。

次韻答梧州管鹽陳素庵

茅拔欽今際泰陽。魚鹽何事樂韜光。未聆蒲席終朝
話。已卜桃花滿澗香。筆底騷壇標赤幟。掌中雲漢扶

天章梧井想是梧生地相彼和鳴集彼岡

題伏波將軍廟

峻岩怪石峙高壘廟貌巍巍正氣攢樹幹猶排畫戟
山凹凜若挾雕鞍雲臺畫象今何在銅柱高標永不
刊淒愴格思難可度惟憑忠信涉湍瀾

次韻賀左侍郎吳珪致仕

穀城苗已結姻緣坦了功名便引年惠養恩霑天子
聖榮回人道大夫賢遙吟亭裡五花弄逸興樓中掌
月懸想得此回真趣逍遙自適葛胥天

次韻賀工部尚書施慶伯黃公賓致仕

四紀榮觀髮未斑，饒他謾說夢邯鄲。
鏗鏘功載名長，洒落情懷味可餐。
祖道風晴多駟益，賞亭春暖幾童冠。
江湖廊庑居民念，先正何曾一日閒。

忠勤事業繼芳埃，警枕多年鼓漏催。
他有石麟遊翰苑，只堪黃鶴上琴臺。
熙朝豈吝貪賢爵，耆會方濃樂聖杯。
富貴聲名榮望外，韓公自昔錦堂開。

次韻賀戶部左侍郎阮公派致仕

博學宏詞世所賢，青雲得路便黃綬。
登車且笑周師

晚投紱寧教漢相先榮望遙道能鷗足和春舒賜喜
鶯遷愛愛莫替初來志在昔睢陽十五年

次韻賀工部尚書慶山伯阮世播致仕

犀帶躬圭數異常遺榮辭老竟投章懸珠編貝精神
壯駟馬蒲輪意氣揚月霽心山閑砥道風晴宦海達
江鄉太平喜遂明農願四野田夫報旣方

次韻賀都給事中裴公輔致仕

曾預明揚做俊民時中仕止喜棲身青門祖餞詩咸
集綠野閒逢酒滿自厭土可居多禹力有泉堪洗徧

堯仁出關老子風流迥欲做楊圖爲寫真

次韻賀寺卿黎仕瑾

大夫行止節彌敦風厲優覃分外恩供惟二賢

言庭連茅茹占辰泰窓迤梅花數

歲元冠蓋一門傳勝會鳴珂喚作老人村

次韻賀國老廉郡公阮貴德致仕

兩朝勲茂世重熙雅興煙花便拂衣地闕演綸遺克

肖西村散髮覓相知頤神取枕無宵析濯足秋塘有

月磯宅揆再咨來日事司空寧可讓臯夔

答同庠生

雅懷無俗累。旆思為詩耽。醲郁成堪嚼。堆盈不厭貪。
風騷推渭北。詞藻慕江南。安得詞尊客。招邀盡日談。
次陳素庵西迳梧城詩五章桂江春泛

大

春光鋪錦繡。明媚滿晴川。覓翠迎佳景。尋芳泛畫船。
臨窻花影日。夾岸柳條煙。郭李何須問。飄飄望裡仙。

龍州砥峙

道州川字峽。磊落水中洲。潮汐隨伸縮。煙霞任去留。
碧波濃樹影。紅蓼間魚舟。寄傲涼臺上。囂囂物外遊。

雲巔晴嵐

滴滴虛嵐擁連山一樣齊
愁容消暗露翠色染青藜
鳥道層腰抹鷄聲絕頂啼
岩嶺棲古寺落日閑棧題
鶴岡返照

突兀高岡頂含暉影半橫
殘霞粧古樹餘彩謝江城
牛背同歸穩猿聲旆望驚
仙踪無處覓立鶴拉西行
經池漾月

城東池半畝蕩漾玉輪浮
皎潔分磯石寒光浸釣裘
香光旋縹緲桂影逐廻流
賞景饒佳興無心羨白鷗

答新寧楊校官

我從楓殿發，君自柳邨來。
 鄭重君佳句，飄揚我壯懷。
 君心曾繾綣，我夢尚低徊。
 明月掌中在，年年兩處開。

答欽差伴送萬

言還載汎漢陽槎，川上煌煌動日華。
 想到灘湘分袂後，依人情思浩無涯。

月夜茫茫夜未央，共談星斗指家鄉。
 昌江試問東流水，別意匆匆孰短長。

次夕難禁眷戀情，長途歧望捲風旌。
 此回胥喜全君

命堂陞都俞奏九成

還抵漢口寄色老店

去歲晴川秋月照今年
崑嶺芍花開歲辰契闊重相
會賞月看花倍興懷

閨怨兼老女嘆恭和
聖祖御製

秋容慘淡望中悠
蒲颯秋聲未即收
獨凭欄干長不
語斜陽日夕迤樓頭

風流莫肯與年悠
艷色嬌姿覺漸收
豈是姮娥能不
嫁可堪孤影照床頭

吹鼓樵樓韻正悠。邊城何日覩功收。
離愁萬斛憑誰寫。欲酌金罍陟巔頭。

不老仙丹竟繆悠。歲花荏苒幾庚收。
芳辰已邁桃花浪。紅葉空流水上頭。

盡日凝粧一念悠。禪間未肯不曾收。
數行錦字絨還啟。寂寞寒燈上案頭。

總因爽籟思悠。斷續琴心帶月收。
惆悵霜宵增冷淡。殘梅厭見鎖枝頭。

是誰砧杵五更悠。撩亂愁腸苦不收。
誰適爲容終日

407
懶髻邊斜墜玉搔頭。

關塞懸懸道路悠。怯寒剛恨雁翎收。淒涼夜半荒茫
望。銀漢橫空月在頭。

玉笛遙聞縷縷悠。臉邊楚雨苦難收。東風誰借吹噓
力。挽起青青柳陌頭。

情況無聊歲月悠。紗窗兀坐綠針收。夜來不作瑤臺
夢。惟有蛩聲到枕頭。

答新寧楊校官

208
相逢未足慰相思。迢遞江亭返棹辰。霜雁剛嫌先北

去南梅寄與一春枝

丁儒先

号默齋香山安邑人孝寺卿儒功之子正和庚辰科進士仕歷工部右侍郎永盛十一年奉使道卒

近體詩五首

北使贈廣西按察使年希堯

攬轡

傳家事業耀箕裘桓驄威攝三千

里傳簡忠回十二旒玉慶白圍圭影動梅舒塞壁錦
雲浮勿勞冠還有彈章日會見三公尚黑頭

洞庭懷古

湘妃迤後歷居諸萬里迷惘入望初秋月喜焰殘人
喜耐釣筒收盡世盈虛煙光不見陶朱艇橘樹空傳

柳教書良夜仙翁何處泛滄浪八十豈無魚

次韻賀寺卿黎仕瑾

仕止隨辰協良敦懸車奕世荷君恩
菊蘭先種勤封植錦繡新裁載笑言
夢繞鍾聲纏紫極興濃山色煉丹元
宦途屈計餘三紀

村

次韻賀工部施慶伯黃公賓致仕

德邵年尊列筵班祇今謝事夙心殫
楓廷疏上蒙金賜梓里珂鳴樂鼎餐
洋酒秋天肱玉膾優游聖世鹿皮冠
歸來剝喜留丹桂綠野逍遙得意閑

高風清節淨塵埃。遐想家山逸興催。文子勲名留傑閣。留侯明哲樂靈臺。南嶺巔上聆松韻。北海樽中泛菊盃。料想此回無限樂。年年綠蟻對春開。

既有猷

仙逢西裔人光紹五年庚辰科進士仕偽莫官至尚書

近體詩一首

賀礼部尚書阮仲效致仕

早擢儒科結主知。郡朝出入用咸宜。高文大冊詞臣帥。碩德耆年國子師。家有貯儲書是室。道隨仕止易之辰。分明會得先生意。忠愛拳拳老不衰。

陳輝煒

近體詩六首

賀大清使成王

411
205
帝心明燭炤炎方。葵藿攲頭見太陽。聖德需來千里
雨。宸翰飄下九霄香。恩銘傘島雙邊峯。澤引姚江一
水長。宣命仰昭台斗近。倬雲照尺見天章。

閭闔重門洞蕩開。大人啣命自天來。星馳皇道萃旌
節。雲霄南城見斗台。傘巔煙空翔白雉。沿江秋淨酌
黃鮐。渡頭密接仙槎泛。聊借周鼎當陔梅。

萬里江山一羽旄。松開嵐瘴帖波濤。雙輪垣堵安鴻
宅。兩篋圖書邁虎臯。桂驛陽和春有脚。黍原陰潤雨
分膏。此回題奏重尋聖。為鼓南薰鼓阜與胞。

萬仞崧高兩降神。儒流中第一流人。三千驛路皇華
送。億萬生靈造化身。魏闕云遙天在迩。周邦雖昔命
維新。鰥生何幸蒙陪接。秋景春容淑氣勻。

丹詔煌煌出鳳樓。使星光彩燭炎州。裁陪永奠濃山
軸。漫渥新潭珥水流。匡直涵濡知帝則。幹旋運量仰
天樞。九圍願布明明德。下國長共大小球。

久道忻昭聖化成。三同遵路達寰瀛。珥汭滔順朝東水。
翼軫輝旋拱北星。白

